


MALĀLŪSYO NA MĀMULO

PA MBEPO MWĪKĒMO

 Kangi ukufuma pa kilo kya mmayolo uswe itolo twesa twisusígwe mōsa. Une mbilike ubuketi ubununu umwisyugu ubwakuti bingi bābo bambilile u Mbepo Mwikemo. Kangi uswe tuli bahobofu panongwa ya ikylene.

² Nsanganalwike ukuya na Nkundwe Graham na uswe ikilo iki, yumo mwa babombi bitu apa ukufuma nkipanga, untimi gwa kipanga kya bwīkēmo pamwanya mu Utica. Kangi Nkundwe Jackson, umwene āli muno nkilo, une ngusubila ikylene kyāli, pamo umwene ali kunyuma apa mu kilundilo pabuyo bumo lilino, umunduyumo āyobīle, mu . . . Ena, une nguketa Nkundwe Jackson kunyuma mu kilundilo lilino. Kangi—kangi Nkundwe Ruddell, ngimba umwēne ali apa ikilo iki? Uyu yo yūngi yumo mwa babōmbela-palikimo panja apa pa “62.” Uswe tusāngalwike ukuya na bēne muno. Kangi nu lwītu . . . O, Nkundwe Pat, na bosa abakundwe aba, uswe tuli—kangi panja mu kilundilo. Uswe tuli basanganalufu ukuya na umwe mwesa apa ikilo iki.

³ Lilino, linga une mbagile ukwitikisya i kīndu, une mbagile ukubatwāle yumo mwa bala abalūmbilili abanunu pamwanya apa ukuyoba kwa umwe, panongwa yakuti une amasyu gālīle itolo ukufuma ukuya na kabalilo akanywamu nkilo.

⁴ Lilino, unkasi gwāngu, umwēne yo bunosye bwāngu; umwe mumenye, bakundwe, iki une nguyobelapo. Umwene aatile abandu kunyuma nkilo bakabagiile ukumbilika une, panongwa yakuti une nayobaga mu kindu iki. Kangi lilino, bo une ngāli ngandako, une nguya pakugela ikindukimo. Lilino, une nguswiga linga ikyo kyo kinunupo. Ngimba kinunupo kubutali kunyuma mu nyuma? Pamo ngimba iki kinunupo? Ngimba iki kinunupo? Lilino, Luuki, ko kabalilo kamokene aka une ndinako ukung’wala kwa ugwe. Lilino, abene bikuti ikyo kyo kinunupo. Umma ndaga. O, mwe! Uyo yo nkikulu. Ikyo kyo kinunu, panongwa yakuti akene kāli kabalilo katali ukufuma pápo une nāli nako kamo. Umwene akabalilo kingi yo kutasuya.

⁵ Ena, uswe naloliloli twāli na kabalilo akakulumba pa bubōmbēlo bwa kilo butatu; une nābombīle. Kangi lilino, amatepi, gosa ukupāgulāpo nkilo. . . Une nālīnkōlīle u Nkundwe Goad nukumbula umwene ukwisa ukwegelela i tepi ya kipanga. Lōli ikyēne kyābonīke ukuti une nāpīlīkīsyē ukuti Billy Paul āli ni ligali lyāke kangi ākīndīle, polelo i tepi yīkālyēgeleligwe na mūmo une mmanýīle. Popāpo uswe tupondilwe ikyo. Une āngālī

nĩgène ukikyũnga iyēne mu kipānga panongwa ya kipānga kuli—yumo ikuyoba—iki uswe tukwĩtika.

⁶ Lilino, ikilo iki une nguyapakuyobaga pa *U Lukomano Ulukulumba*, linga une mbagĩle ukukĩndamo ukwisila mu nkabalilo ka malālũsyo. Kangi polelo, kilabo kulubunju lo bubombeli bwa bubũbulũsyo. Kangi uswe tukuyaga pakwĩputĩla ababine. Polelo, uswe tukabagila ukupa panja—pamo itolo ukubuka nukuyoba, “Lilino, une nguuyage pakukwega ugwe, kangi ugwe, kangi ugwe.” Ikyo kitikuyaga kitalusye. Lōli uswe tukuyabania ikibugutila kya makadi, kangi pabuyobumo mula mmakadi gala, une ngukōlèla amanāndi pamwanya pa kigemo. Kangi polelo, linga Mbepo Mwikemo ikwanda ukusetula, polelo Ikyene kikubuka panja ukwisila mu kilundilo nukubatwāla abandũ panja nkilundilo ku bubombelo bwa bubumbulusyo. Kangi polelo, kilabo kulubunju, une nguyobaga, u Ntwa itikisyeye, itolo pabutasi pa bubōmbelo bwa bubumbulusyo.

⁷ Une nguketa unkasi ikuseka. Lũki, ngimba ugwe ukabagila ukumbilika une na panandi? O, ugwe kumbilika une. Ena, ikyo kyo kinunu. Umwene ikwitugasya kunyuma mu nyuma kangi linga ikyene kyo—akabagĩla ukumbilika une, umwene ikuyugānia untu gwake, “Ugwe. . . Ukabagĩla ukupilika ugwe, ukabagĩla ukupilika ugwe.”

⁸ Popāpo polelo kilabo—kilabo nkilo bo bubōmbelo bwa lusasaniō nu bubōmbelo bwa lōsyo lwa mmisi. Kangi polelo, nakalinga itolo linga une ngufikapo ukukĩndamo mukulũmbilĩla kilabo nkilo, uswe twisakukwabĩla ku fikingo nu kuya losyo lwa mmisi apa kilabo nkilo. Linga u Ntwa ikwitikisya, linga u Ntwa ikwitikisya, ndubunju une ngulonda—pamo kilabo nkilo une ngulonda ukuyoba pa kimanyisyo: *I—I Kimanyilo Kyāpēgĩgwe*. Kangi polelo, linga uswe tuli apa pa Kitatu nkilo, linga u Ntwa ikwitikisya une ukuya apa Kitatu nkilo, Une ngulonda ukuyoba pa kimanyisyo: *Uswe Tuketile i Ndondwa Yake Ku Busokel’ĩlisuba Kangi Uswe Twisile Ukumwĩputa Umwene*. Lilino, ikyo kyo itolo pankyēni pa pankyēni pa Krisimasi.

⁹ Kangi polelo, nakalinga itolo ukufuma pa Krisimasi go ndungu gwa butũsyo bwa Krisimasi. Apo po pāpo uswe tukwegāga bōsa abakalata. . . Nkundwe Mercier na bala akabalilo kingi bukubatika abēne bōsa pānja. Kangi uswe tukubĩka abēne bōsa pānja, kangi uswe tukwĩpũta pamwanya pa bakalata aba nu kunsũma u Ntwa ukutulōngosya uswe ku buyobuliku ukukĩndamo nkĩsu iki uswe twisakubukāga ngako.

¹⁰ Lilino, abēne bo, Banyāmbāla Bakyulusi ba Kikristi, bali nu lukĩndi ulukulumba lukwĩsa, ikyo kyo kikuyaga mu Florida palapala pala kuli u lukōmano lwābo. Buka ukufuma kula ku Kingston, polelo ukwakufika ku Haiti, kangi ukwisuluka ku

Puerto Rico, ukubuka Kwitongo kwa America, ukugomokela kula ukukīndamo ku Mexico.

11 Lōli u Ntwa ukuboneka ngati ikundōngosya une ku Norway. Une ngamanya nongwa ya fiki. Umwe mumenye akabūku akanini kakubilikigwa *Nnyāmbàla Atumīgwe Ukufuma Kwa Kyala?* Ilyēne lyo lifumusye ilyafyakyala ilinyāmu ukukinda-fyosa mu Norway. Inogona isya ikyene, iki u Ntwa abombile kula. Kangi akabalilo kako une naali kula, abene balinkutoligwa ukunyītikisya une ukwāla amaboko pa babine. Une nāli kula ku kilo itatu. Kangi abēne balinkusita ukunyītikisya une ukubīka amaboko pa babine. Popāpo umwe mukukēta iki Kyala abagīle ukubōmba. Ifilūdilo fyāli finywāmu fiyo abēne bafīmbilisigwāga ukwēga abasikali abafyūsigwe, ifalasi, kangi ukubatogesya abāndu panja pa ngīndi ukuti une nābagīle ukufikapo pala ku buyo. Kangi une ngābīkīle ukwāla amaboko pa babine. Une nabīpūtīle abēne palema; ukubītikisya abēne ukubīka amaboko pa yumo nu nnine.

12 Polelo. . . [Yumo ikuyoba kwa Nkundwe Branham—Nsimbi.] Ena, une naloliloli ngubombaga, polelo. Lilino, kilabo kulubunju. . . Lilino, ikilo iki, lumo uswe itolo tukufikaga mu malālūsyo aga, panongwa yakuti uswe tuli nago gamo aga manunu fiyo. Kangi une ngamanya kabalilo katali bule u Ntwa isakutukyungaga uswe pa kyene. Kangi polelo, kilabo kulubunju pamo Billy Paul, Gene, pamo Leo, yumo, isakuyaga apa ukuyābania amakadi ga lwīpūto pa lwēle mpaka lwēle-na-sinda. Lilino, abandu aba panja-ba-kaya, unko une nkitendeke ikyene lōsa-kangi ukuti umwe mutikwibwa. Linga umwe mukulōnda ukwīsa mu lukīndi, uswe kinunupo tuyege na bāndu ba panja-pa-kaya linga kyakubōmbīgwa.

13 Lilino, utubalilo tumo apa nkipānga uswe tukufika ku buyo kūko abēne bikuyoba, “Ena. . .” Uswe tukwēga bandu ba panja-pa-kāya, ukubatwala abene pamwanya. . . Umunduyumo ikuyoba, “Ena, une ngamenye iki kyatamisyē na bene. Abene lumo bābagīle ukuyobāga ikindukimo ikisobi.” Polelo ugwe kwegaga abandu ba nkaya; abene bikuyoba, “O, ugwe lumo gwāmenye abene.” Polelo. . . Polelo abene bikuyoba—ikyene kiyobigwe, “Ena, une ngukubulaga ugwe, agene go makadi ga lwīpūto.” Mulimōsa, bule bala bābo bali na makadi ga lwīpūto? Kangi pala pafumile ukuya lisiku ukufuma lisiku akabalilo kāko ikyēne kyo. . .

Ngimba kuyoba fiki? [Nkundwe Branham ikulalusigwa ukwima kunyuma ukufuma ku kyakuyobelapo—Nsimbi.] Gomokela kunyuma ukufuma ku kyakuyobelapo? Ena, umwe mumenye, une akabalilo kosa ngulumbililaga pakati pa nsebwe. Polelo lumo une itolo ngwegaga ikyene bo ulo. Ngimba ikyo kinunupo? Ikyo kyo kinunupo. Ikyo kyo kinunu. Une ngukubulaga ugwe iki ikyene kili. Ikyītu—ikyītu ikyalufumusyo-fumusyo kyo kilōndo fiyo, kilōndo fiyo. Kangi uswe tutikugela

ukuyapo kanunupo paliposa mma lilino, panongwa yakuti uswe tukulōnda ikitēmbē ikipyā kiyēngigwe mbibimbibi itolo. Kangi apo po pāpo uswe twisakuyaga ni fwasi inyingi (muketile?), ling uswe tubagile ukufika ukusyūngutila apa nukukusya ubuyo ubu panja panini bunywāmupo, nukubikamo amabuyo gamo agakōngelelapo, nukwitendekesya ku ngomano akabalilo kako uswe tulinasyo isyene kuno.

¹⁴ Kangi lilino, kumbukilaga, ndubunju abalumiana, yumo pamo batatu ba abene bisakuyabaniaga a makadi pakati pa lwele-na-sinda, pamo, lwēle na lwēle-na-sinda. Ikyo kikupa u lusako kuli aligwēsa ukufika ukusēngāma pāsi. Kangi une nāyobaga pa isya mūmo abēne bikuyabanisya amakadi, nongwa ya fiki uswe tukubōmba ikyēne. Ikyēne kyo kukyūnga ulubātiko. Muketile? Lilino, bule linga une nīsile muno, itolo ngati lululu lilino kangi ndinkuti, “Unko unkikūlu *uyu*, unkikūlu *uyu*, kangi unnyāmbāla *yula*, kangi unkikūlu *uyu* . . .?” Umwe muketile, ikyo kikuyaga mu luko—ikyō kikuyaga nduko lumo kikafu. Muketile? Kangi polelo, linga ugwe. . . Utubalilo twingi une mbombile iki. Kangi linga abene bakaya bingi fiyo ndubunju mma, une mbagile ukubomba ikindu kilakila. Une nguyobaga, “Ngimba bandu balinga apa bafumile ukufuma panja pa nkaya aba bali nakyo kimo kitamisye na ugwe? Ugwe imilila.”

¹⁵ Nkundwe Mercier, ugwe kwisa ku buponesyo bwāngu. Ugwe kwisakundūlāga une? [Nkundwe Mercier ikuyoba, “Une ngwīsila ku buponesyo bwāngu.”—Nsimbi.] O, ugwe kwisa. . . Umwene ikwisa ku buponesyo bwake mwene. Une nāyobīle ku kibwezi kyāko umwīsyūgu. Lilino, ugwe kinunupo uyege nnunu fiyo kwa une. Muketile? Umma ndaga. Ikyo kyo kinunu. Une—une ngunyonywa ubukifu bula Nkundwe Leo. Akabalilo kāko ikyēne kikaya kitalusye, unko uswe—unko uswe tulyāge ilyēne ukuya litalusye mūmo uswe tumenye akatwalilo ka ilyēne, ikinunu ukukinda iki uswe tubagile.

¹⁶ Popāpo lilino polelo, itolo sūma kuli abāndu bāpanja-pa-kāya ukufyūsyā mmwanya amaboko gābo aba bali nakyo ikindukimo kitamisye na bēne. Kangi polelo nukwima itolo pala, ukwikemesya pa mundu yumoywene mpaka u Mbepo Mwīkēmo andaga, kangi ukwēga ikilundilo kyosa. Balinga bāli apa akabalilo kāko abēne bākētīle kila kibōmbīgwe nkati muno? Naloli! Muketile, muketile? Polelo ikyene kikaya ni mbōmbo yo njila nki iyi ikyene kili. Ikyene kyo itolo . . .

¹⁷ Une ngulōnda umwe ukukūmbukīla iki, kangi une ngugelaga ukubūkamo ukukilania pa kyēne ndubunju kāngi. Bāpanja, i Nongwainunu iyi yipēgīgwe ku bēne yo Nongwainunu ya lwītīko, komma ya imbombo napanandi. Muketile? Kangi mūmo une nāyobīle ikilo kya mmayolo. Akabalilo kāko u Mbepo Mwikemo āgwīle ku Pentekosti, akabalilo kāko abēne bābūkīle ku baYuda (Imbombo 19:5), abēne bafimbilisigwāga ukubīka amaboko pa bēne ukuti abēne bikwāmbililāga Ikyēne. Kangi

akabalilo kako abene bābukīle kula ku baSamaria, abene balinkufimbilisigwa ukubika amaboko pa bene. Lōli akabalilo kāko abēne bikwīsa ku Bāpānja ku nyumba ya Korneli, “Akabalilo kāko Peteri akāli ikuyoba amasyu aga . . .” Nakumo ukulāmbalika kwa maboko.

¹⁸ Akabalilo kāko undindwana unnini āfwīle, umwanundindwana gwa Yairo, umputi, alinkuti, “Isaga bīka amaboko pa mwene, kangī umwene isakuyaga mūmi.” Lōli akabalilo kāko unkulumba gwa kiRoma, ugwa Bāpānja, alinkuti, “Une ngaya gwakufwana Ugwe gwise pāsi pa buyeleke bwāngu, yoba i lisyu.” Ikyo kyo ikyēne. Muketile?

¹⁹ U nkīkūlu gwa kiSirofinisia, gwa kiGriki tutigi iki umwēne āli, akabalilo kāko umwēne—akabalilo kāko Yeso āyobile ku mwēne, alinkuti, “Ukwene kukaya kununu kwa Une ukweega unkatī gwa bana nukugupapo ugwene ku mbwa.”

Umwene alinkuti, “Ikyo kyo kyabwanaloli, Ntwa; loli imbwa pāsi pa mēsa yikulya utwabususilwa twa bāna.”

Umwene alinkuti, “Panongwa ya kuyoba uku, u mōhēsī āndekila umwanundindwana gwāko.” Yoba ifindu ifinunu polelo. Yoba ikindukimo kinunu ukufwana nu mundu yumo. Yoba isya Yeso. Yoba ikindukimo ikisubiligwa, ikindukimo ikyabwanaloli. Iyo yo njila iyakusōsyāpo imisyetano. Umwene akāyobilemo siku—Umwene akāliputīlēmō siku u ndindwana uyu. Umwēne akāyobilēmō siku ikīndu kimokyēne isya umwēne ukuya mbumbulusīgwe; Umwēne itolo āyobīle, “Panongwa ya kuyoba uku, panongwa ya kuyoba uku . . .”

²⁰ Hattie Wright, ilisiku ilingi, umwēne akāsūmile kuli nakimo. Umwene āli itolo itugesye pala, loli umwene āyobile ikīndu ikitalusye, iki kyālīnkyēlīle u Mbepo Mwīkēmō. Kangi u Mbepo Mwīkēmō alinkuyōba ukugomosya kangī alinkuti, “Hattie, suma kalikōsa aka ugwe gwīganīle, kilikyōsa ugwe uli nakyo kangī ugwe kulōnda. Syāgānia kali iki kyo kyabwanaloliloli pamo mma. Suma kalikōsa (ububūmbulūsyō bwa kalūmbu kāke akanini akalemale kitūgesye pala lōsa kikwābēnie mōsa; amadola maelifu kalongo ukuti alingalimaga mula ntwāmba ukukilania kula; ubutubwa bupyānikisīgwe ku mbili gwāke ugu gufilisīke); kilikyōsa ugwe kulōnda ukusūma, ugwe sūma ikyēne lululu lilino. Linga Ikyene kitikwisa nukukupaga ikyene kwa ugwe lululu ulu, polelo une ne nsololi gwabutungulu.” Ikyo kyo—ikyō kyo kindukimo, bule ikyene?

²¹ Yeso alinkuti, “Yoba ku kyāmba iki . . .” Kangi umwe mupilike i—isya iki kibonike pa buyo; ubo bo butumīgwe ubu uswe tukwingilamo. Uswe tuli kubutali pa nsebwe lilino. Lululu ulu u Kwisa kwa Ntwa Yeso. Kangi uswe tukufimbilisīgwa ukuya nu lwītīko lwakunyakiligwa mu Kipānga iki kibagīle ukwandulīgwa nkabalilo, mu kukupulania kya kisige ukusōka panja, pamo uswe tutikubūkāga. Lōli

komma ukupasya, ikyēne kikuyaga pala. Ikyēne kikuyaga pala. Kangi akabalilo kāko a maka ga kipanga *iki* gikufyūkila, ikyēne kisakutwāla abakundwe bāke; a maka ga kipanga *kila* gikufyūkila, bisakutwāla abakundwe bāke; a maka ga kipanga *kila* gisakutwālāga abakundwe abāngi; polelo pisakuyapo u busyūke bwāligwēsa. Kangi uswe tukugūlila ku kyēne.

²² Lilino, komma ukwībwa, amakadi ga lwiputo ndubunju pa sala ya lwēle mpaka pa sala ya lwēle-na-sinda. Polelo une ngubalālūsya abēne kilikyōsa kyāli nkati, polelo itolo ukuleka amakadi, nukugomokela, nukwitūgāsya pāsi (muketile?), 'nongwa yakuti abēne bisakuyaga na gēne gikuyabanisigwa lumo bo kafwene akabalilo kala mulimōsa, pamo bu bwīngi mūmo uswe twisakukwāba ukufuma kula pabuyobumo. Abalumiana bisakukwīsaga pamwanya, ukufulugania gōsa a makadi mōsa papapa pankyene pa umwe, polelo linga ugwe kulonda limo, ugwe kulonda limo, pamo kilikyosa ikingi bo ikyo. . . Polelo akabalilo kako une ngwisa mula, une ngwisa itolo. . . Kulikosa u Ntwa ikuyoba ukuti ngōlēle ukufumapo. . . Kangi linga Umwene āyobile, “Komma ukubilikila na panandi,” une ndisakubakōlēla abēne na panandi (muketile?), itolo kilikyosa ikyēne kili.

²³ Kangi une ndi. . . Ubutumigwe bula bo itolo kifuki ukusima mōsa mulimōsa; kilipo ikindukimo ikikulumbapo kikwīngilāmo. Kumbukilaga, apo po akabalilo kalikosa akene kayobigwe ukukilania ikigemo iki pamo ukukilania ikigemo iki, kangi ikyene kikatoligwamo siku mpaka na lino. Umwe mukukumbukila ubutumigwe ubwakufwana ni kiboko? Muketile iki ikyene kyābombile? Aminogono ga ndumbula, kēta iki ikyene kyābombile? Lilino kētēsya iki: yoba i Lisyu, kangi kēta iki Ikyene kikubomba. Muketile? Une mbabulile umwe apa ifyinja fīngi ifi fikindilepo—i kipanga (une nguyoba ku kipanga)—ifyinja ifi fikindilepo, ifyīnja fitatu pamo fina ifi fikīndilēpo, ikindukimo kikwītēndekēsya ukuyako; ikyēne kikwītēndekēsya ukuboneka pa buyo. Kangi apa ikyēne kyo lilino kikwībālula mulamula nkati uku. . . Ikyēne kikwībūmba kyēne mōsa. Lilino, uswe tukupalisya panongwa ya ikyo. O, mūmo uswe tuli bakupalisya. Itolo nhobwike fiyo.

²⁴ Lilino, uswe tuli nago amalālūsyo amakafu fiyo apa, kangi uswe tukulōnda ukufika mulamula nkati mu gēne. Umundu yumo āketile amabuku gosa aga une nāli nago. Une ndinkuti, “Mulimosa, umundu unkomo itolo ikulondigwa limokyene.” Loli une ngaya mundu nkomu. Une ngufimbilisigwa ukuya nakyo ikilūdilo kya agēne ukukētamo nkati. Mulimōsa, uyu yo u Diaglott, kangi ili lyo i Bāngèli, kangi uyu yo konkodansi. Popāpo ikyēne kyo. . . Uswe itolo tukusūmāga u Ntwa ukututula uswe nukulongosya uswe ukwāmūla amalālūsyo aga itolo ukufwana ni ubwīgāne Bwake Bwakyala kangi i Lisyu Lyake.

25 Polelo lilino, unko uswe twinamisye imitu gyitu itolo pakabalilo ku lwiputo. Ntwa, uswe tukupalisya kwa Ugwe ukufuma ku busolofu bulabula ubwa ndumbula syītu panongwa ya iki Ugwe ubōmbile kuli uswe mu mikilo mitatu igi gyakīndaga. O, ukukēta ulukomano lwa balumbilili kunyuma kula nkyumba nukuponania amaboko, nukwipyagila u lwitiko, kangi—kangi ilikato ilipya ukwēga. Ukukōlēla pala pa fōni. . .Kangi indūmbūla syītu sikusāngalāla, kangi abāndu ukwāmbilila u Mbepo Mwīkēmo ukufūma pāpo abēne bafumile—bakētīle i Lisyu Lyāko, mumo Ilyene likuyobela katikati ilikato pa likato akambililo ka Mbepo Mwīkēmo. Uswe tukupalisya fiyo panongwa ya ikyo, Ntwa.

26 Ugwe kupela ifindu ukuya fipepe fiyo kwa uswe, panongwa yakuti uswe tuli bandu bapepe. Kangi uswe tukusuma, Kyala, ukuti—ukuti Ugwe kutwikitisyaga uswe twesa twipelege twibene ukuya kipepe. Kabuno ikyēne kyo. . .Ulo lo luko ulu lukwīyisya mwēne bisakufyūsīgwaga. Kangi amahala ga kisu bo butoyofu kwa Kyala; kūko kwālinsangalwīse Kyala ukwisila kwa butoyofu bwa kulūmbilila ukubapoka abēne bāli bātāgīgwe.

27 Kangi lilino, Tāta, galipo apa mbukolele bwāngu amalālusyo mingipo aga galālūsīgwe ukufuma ku ndūmbula syabwanaloli isi syō sīkupāsya. Kangi limo mwa gēne lyāmūlīgwe mbusobi libagile ukusopa u mūndu yula injila insōbi, ukusopa ubwēlu ubusobi pa lilālūsyo lyābo ili likubatamia abēne. Polelo Ntwa Kyala, une ngusuma ukuti u Gwāko Mbepo Mwīkēmo isakwendaga pa uswe nukusetulaga ifindu ifi, kabuno ukwene kusimbigwe mu Lisimbo, “Suma kangi ugwe kwisa kwambililaga; kangi londalondaga kangi ugwe kwisa kufyagaga; kung’usya kangi ikyēne kisakwīgūka kwa ugwe.” Kangi ikyo kyo iki uswe tukubōmba lilino, Ntwa, ukukung’usya ku kifigo Kyāko ikya kisa. Twimile mu nsyūngūlu gwa bugolofu Bwāko, uswe tukulamba kuli Lilopa Iya Kristi gwa Kyala kangi kuli Mbepo Mwīkēmo.

28 Kangi uswe tutikwisila ikilo iki panongwa yakuti itolo uswe tusōkilēpo pa kilo itatu isya kulumbilila pa Mbepo Mwīkēmo, uswe tukwīsa nu busolofu ukukīnda-bōsa ubwa luyīndīko nu bwanalōli-ndumbula. Uswe tukwisa ukuti ukuya ngati iki kyaali kilo kyabumalikisyo uswe tubagilemo siku ukuya pa kisu kya pasi. Uswe tukwisa ukwitika ukuti Ugwe kwisa kwamula inyiputo syitu. Kangi Ntwa, uswe tukukusuma Ugwe lilino ukutwikutisya uswe nu Bumi Bwako ubwa Bwīlanabwila. Kangi mu kwāmula kwa Lisyu Lyāko, āliyaga u Mbepo Mwīkēmo, O Kyala, bo uswe twākyāgile ukuti ikyēne yo Gwimwene pakati pītu, uswe tukusuma ukuti Umwene isakusetulaga kwa uswe ikilo iki i findu ifi uswe tukunyonywa. Kangi uswe tukunyonywa pēne ukuti imyoyo gyītu gibagile ukuya pa butūsyo, kangi aminogonelo gītu pa lutēngano, nu kuya nu lwitiko mwa Kyala

ukwendela nkyëni ukwiyobela isayo isi Umwene aafingile. Uswe tukusuma iki mu Ngamu ya Yeso. Amen.

²⁹ Lilino, une ndinago amalâlúsyô gôsa aga gâpêgígwe kwa une, ukupâgulako limo. Kangi une nâlyâmwile u Nkundwe unnini Martin yûyo âlindâlúsyô une ililâlúsyô nkilo pabutasi, itolo limo. Bâliko bîngi apa ikilo kya mmayolo, lôli ikyëne kyâli fyâkusûma fyâlûpûto. Kangi Nkundwe Martin âlindâlúsyô une ililâlúsyô ukufwana na Yohani 3:16—pamo Yohani 3, Une ngwitika, ukufwana, “Pene pâpo u muntu apapigwege mu misi kangi na mwa Mbepo, umwene akabagila ukuketa i Kitangalala,” nukufwâníkisyô ilyëne ni tepi iyi une nâtumile pânja pa Bahiburi. Kangi une nâlyâgèni u mwëne nkyûmba kyakunyuma kuno namayolo mmayolo, kangi—bo une ngâli ukuya nu lusako ukummwâmula umwëne, kangi polelo une nâbombîle pala, pa kimanyisyo.

³⁰ Lilino, ngimba balipo balibôsa apa aba bakâli apa ikilo iki kyâkîndâga? Unko uswe tukête amaboko gînu, aba bakâli apa nkilo. O, uswe, naloliloli twânyonywaga umwe angali muli na uswe. Uswe twâli na kabalilo akalwimiko nki. U Mbepo Mwikemo...

³¹ Une mbagîle, itolo ku miniti...Ikyëne kitisakufulasya. Iki kyegelelîgwe-pa-tepi. Kangi linga undûmbilili aligwësa ikwâgigwa uku—pamo umundu uyu ikwâgigwa ukukâníkana pa iki une nitêndekisye ukuyoba lilino, pamo, môpe mmalâlúsyô, une ngusûma, nkundwe, ukuti ugwe utisakwînogona ikyëne kihësya, lôli ikyo—kumbukilâga ukuti i tepi iyi yikutêndékigwa mu kipânga kyîtu apa. Uswe tukumanyisya ku bandu bitu. Abalumbilili bîngi abakindane bitugesye ukusyungutila. Kangi une ngulonda ukubuka mu kimanyisyo kangi, kabuno balipo bamo mwa bându bitu aba bätolîgwe ukwîngila muno nkilo kyammâyòlo aba une ngubabona bali muno ikilo iki. Kangi une ngulõnda ukubûka ukukîndamo itolo a kabalilo, linga umwe mwisakwîtikisya ikyëne, pa iki une nâyobile namayolo aga gâkîndâga; kangi ikyo kyaali pa Pentekosti, ukufuma pakwâmbilila u Mbepo Mwikemo.

Lilino, ukubala ukufuma mu *Diaglott Unsisimikisyi* gwa busanusi bwa kiGriki, kûko une nâlimo namayolo aga gâkîndâga, ili lyo lilâmbalêle ligwike pankyëni pa une lilino. Ikyo kyo kisanusyo kyapabwândilo ukufuma ku kiGiriki ukubûka ku Kingereza. Ikyene kitikubuka ukwisila mu basanusi abangi mma, ikyene kyo—kangi ifipya ifingi, ikyene kyo kulakula ukutalula ukufuma ku kiGiriki ukubuka ku Kingereza. Lilino, amasyu ga Kingereza, utubalilo twîngi gali nu kusanusya bo uku ku gëne, bo mûmu une mbagîle ukuyoba lilino, *borodi*. Ega i lisyu lila *borodi*. Ugwe ubagîle ukuyoba, “Ena, umwene âsanusyâga ukuti uswe *twâlinkatesye* umwene.” Umma! “O, umwene—umwene âhombîle *kibugutila* kyâke.” Umma! Ena, umwene... “Ikyene kyo *kiborodi* pa lubafu lwa nyumba.”

Ena, muketile? Pamo kalikōsa ka fila... Galipo mana pamo mahano amasyu amakīndāne gabagīle ukubōmbeligwa; ugwe kufīmbilisigwa ukwega ifūndo. I lisyu *kēta*. *Kēta* likusanusya “ukupilikisya,” mu Nyanja ya Kingereza. *Nyanja* yikusanusya “u mbili gwa misi.” *Kēta* kokuti “ukukétapo.” Muketile? Lōli pa sanusyo isi, i lisyu apa lyābōmbeligwe, ili une nāyobīlepo nkilo mu Imbombo untu gwa 2, kuko ilyene likuyoba, “Ndimi sya moto silinkwitugasya pa bene...” Lilino, une ngulonda itolo ukugomokela pa kabalilo. Mubagile umwe ukulōnda, itolo a kabalilo, nu luko lwa kugomokelamo ikyēne ku kabalilo bo uswe tukāli ukubūka pa butalipo bulibōsa?

³² Lilino, syumbutuka, ugwe mwa Mwalafyale James pamo ko kusānusya nki ugwe kubala ukufumamo... Kangi une ngulonda ukubala ilyene. Kangi pilikisya kifuki fiyo lilino. Komma ukusitakupilikisya. Bīngi umwīsyūgu, yōpe na kalumbu gwāngu, bīngi ba abēne bakōlīle, alinkuti... Nka. Morgan... Bīngi ba abene bālīmo namayolo agabumalikisyo. Nka. Morgan yo yumo mwa bakalumbu bitu aba bātōligwe nagwe; kangi umwene aali pa lubambiko lwa bafwe mu Louisville ku fyinja kalongo-na-ntāndatu, kalongo-na-fihano-na-fibili ifi fikindilepo na kansa. Une ngwinogona umwene itugesye ku nyuma apa kangi ikilo iki. Umwene alinkutoligwa ukupilika, umwene alinkuti, panongwa yakuti une nāyobelāga mulamula mu kyakuyobelapo. Kangi panongwa ya bēne une ngulōnda ukugomokelamo iki ku kabalilo.

³³ Lilino, une ngubala ukufuma ku Lisimbo ili ilya Imbombo 2:

... akabalilo kako ilisiku lya Pentekosti lyafikile nubwisusye, abēne bāli bosa mu linogono limolyene... (Lilino, une nkiganile ikyo kanunupo ukukīnda ulufwāno lumolwēne: 'nongwa yakuti umwe mubagīle ukuya lufwāno lumolwēne pa fimanyisyo fīngi fiyo, lōli apa aminogonelo gābo gāli gamogēne)... linogono limolyene kangi mu buyo bulabula.

Kangi mbibimbibi palinkwisa a kōgo ukufuma ku mwanya ngati u mbelo unkali ugwakubopabopa, kangi ugwēne gwālīswīle... i nyumba yōsa kūko abēne bālītūgēsye. (Komma ukufugama, komma ukwīpūta, lōli bitūgēsye)...

... Indimi indapukano... (N-d-i-m-i—ndimi. “Ndapukano” kokuti, “sitapukene.”)... Ndimi... syābonīsye ku bēne... bo gu... moto, kangi gumogwene... (“Gumogwene,” yumoywene)... gwālītulike pa aligwesa gwa bēne.

Kangi abene bosa baalisusigwe... (“Kangi,” ukongania)... bōsa bālīsusigwe na Mbepo Mwīkēmo, kangi balinkwānda u kuyoba ni ndimi isīngi, bo mūmo Mbepo Mwīkēmo apēle ubuyobelo.

Lilino *pala bālipo bītūgasyàga* mu Yerusalemu *abaYuda, abanyāmbala abipūti, ukufuma nkikolo kilikyōsa pasi pa libīngu.*

... akabalilo kāko iki kyāli. . . kangu ubuyobelo ubu bo busyungutisigwe, *i kilūndilo kilinkwīsa palikimo, kangu bāli baswīgīsīgwe, panongwa yakuti. . . aligwesa apilike i. . .* umwene ikuyoba mu njobelo yake mwene.

³⁴ Lilino kētēsya! Akabalilo kāko u moto gwālīsīléko, ugwēne gwāli ndimi; akabalilo kāko abēne bayobāga, iyēne yāli njobelo. Lilino, bulipo ubukīndāne ubunywāmu pakati pa ndimi ni njobelo. Kwa uswe ikyene kyo kyosa kilakila. Loli, mu kiGiriki, “ululimi” ikusanusya *iki*. [Nkundwe Branham ikunnangisya—Nsimbi.] Imbulukutu yo *iyi*. Muketile? Ikyo kitikusanusya i njobelo; ikyene kikusanusya ikiyabo kya mbili gwāko ugu go lulimi. Linga umwe mukukētēsya, ilyēne lisanusīgwe *indimi sya moto* ugu gukusanusya “ngati ndimi,” itolo ngati u lulapi lwa moto, ulunyeke ulutali lwa moto. Lilino, ketesya ubusito lilino. Kangu galigosa gwa mabuyo gala lilino, komma ukwibwa ikyene.

³⁵ Lilino, uswe tukupaga ulukino ulunini ikilo iki. Kangu une ngukilekaga ikyene kwa umwe. Lilino kumbukilaga, linga kalikosa kakulwana, ikyo kyo kili kwa umwe. Loli injila yene iyi umundu aligwesa abagile ukutwalamo kamo ukufuma kwa Kyala ko kwisila ndwitiko. Kangu bo ugwe ukāli ukubagila. . .

³⁶ Une ngufimbilisigwa ukumanya iki une ngubomba bo ngāli une mbagile ukuya nu lwitiko mu iki une ngubomba. Nongwa ya fiki ugwe kwega unkasi gwako? Ugwe gwāli nu lwitiko mwa umwene. Ugwe gwalingelile umwene, gwālīnkētēsīsyē umwēne, gwākubwene iki umwene āfumīle, ūyū umwene āli. Iyo yo njila ni Lisimbo, na Kyala. Ikyo kyo kikipela imboniboni isi, i—i Mbanda ya Moto iyi, ifindu fyosa ifi, panongwa yakuti Kyala āfīngīle ikyene. Kyala āyobile lulalula. Une nūngelīle Umwene ukwisila mu Lisyu Lyake kangu ukumanya ukuti Ikyene kyo Bwanaloli. Kangu ugwe kōngēsya i Lisyu Lyake. Polelo linga kulipo ukufubanikana panini kubuyobumo, polelo kilipo kimo kisobi pa buyobumo. Panongwa yakuti Kyala (pilikisya!)—Kyala akābōmbīlēmō siku pamo akabōmbāmo siku imbombo ukufuma ku ndagīlo Syāke mwēne—pamo ukukindana ni ndagīlo Syāke bēne. Amapepo gātisa kwīsī mu lumu, kangu u lumu lutisa kwīsā mmapepo. Amāni gatisakulakatika nkabalilo ka bulēnge nukwīsā kāngi mbulakatike. Ugwe itolo ukabagile ikutēdeka ikyēne.

³⁷ Bo mūmo njōbile nkilo isya kisiba kya nyībūko, kikunyāfila ikibyāle kyāko. Pamo linga ugwe gwīmīle panja apa pakatikati pa ngunda, kangu ukwēne kutītu ni ngīsī, kangu ugwe ubagīle ukuyoba, “O, nkulumba magēsī, une mmenye ugwe uli mu ngunda. Lilino, une njōngīle, ngamanya kūko une ngubūka. Paga

ubwēlu, ukuti une mbagile ukukēta akēndelo! Galipo amagēsi agakufwāna ukwēlusya ungūnda mōsa.” Ikyo kyo kwabwanaloli. Ena, nkulumba! Galipo amagēsi agakufwāna nkyūmba iki ukwēlusya ikyēne kisita syōpe ni nyāle sila, kisita ikyo. Lōli ugwe kufimbilisigwa ukulagila ikyēne. Lilino, ugwe ubagile ukuywēga ku kila mpaka ugwe ukābagile ukuywega kangī mma, ikyēne kitisakwākamo siku. Lōli linga ugwe kubōmba ukufwāna ni ndagilo sya magēsi, polelo ugwe kwisakubwāga u bwēlu.

³⁸ Ena, iyo yo njila yilayila ikyene kili na Kyala. Kyala yo Mpeli nkulumba gwa kumwanya na pasi, yulayula mmayolo, umwisyugu, na bwila. Umwene yo akaali yo Kyala. Lōli Umwēne isakubōmba itolo mūmo ugwe kukōngēsya i ngomelesyo Syāke ni ndagilo. Bīnāngu, une nguyoba iki: une ngakētāmo siku ikyēne ukutoligwa, kangī ikyēne kitisakubōmba.

³⁹ Lilino, unko uswe tuketesye. Yeso mwa Luka 24:49 ātalīle ābatumīle abatumigwa ukufuma pāpo abēne bapokīgwe nukukemesīgwe ukufwana ni Lisyu; ukwitikisigwa ukwisila mu kwītika pa Ntwa Yeso; ukukemesīgwa kwa Yohani 17:17 akabalilo kako Yeso ayobege, “Bakēmesyāga abēne, Tata, ukwisila mu Bwanaloli. Ilisyu Lyako lyo Bwanaloli.” Kangī Umwene aali Lisyu.

⁴⁰ Lilino, alinkubapa abēne amaka ukubumbulusya ababine, ukukaga imisyētano, ukusyusya abafwe; kangī abene balinkugomokela bikusangaluka. Kangī i ngamu syabo syāli pa Buku gwa Būmi gwa Kang’osi. Umwe mukukumbukila mūmo uswe tukīndilēmō mu ikyo lilino. Lōli abēne bakāli bakāpindwīke. Yeso ālīmbulile Peteri ikilo kya bukomeleligwe Bwāke, Umwēne āyobile, “Ukufuma pāpo ugwe upīndusigwe, polelo kasya abakūndwe Bāko.”

⁴¹ U Mbepo Mwikemo kyo iki... Ugwe kwitika ku Bumi bwa Syepwa, loli akabalilo kako u Mbepo Mwikemo ikwisa Ikyene kyo Bumi bwa Syepwa. Umwe mukwitika ku... Umwe mupāpīgwe nu Mbepo ku bukemesigwe, loli nasiku ukupapigwamo mwa Mbepo mpaka u Mbepo Mwikemo ikwisamo. Uko ko kotalusya. U mwana ali nu bumi mūnda mwa nna, iminnyofu iminnini gikutetema; ubwene bo bumi. Lōli ubwēne bo būmi bwakukīndana akabalilo kāko akēne kakutuya umūyi gwa būmi mu tumbulo twāke. Ubwēne bo bukīndāne. Ikyo kyo iki ikyene kili, ikyene kyo . . .

⁴² Nkundwe gwangu umpala gwa kiMethodisti, na Pilgrim Holiness, na Nazarene, ulosyo lwa Mbepo Mwikemo lukīndene nu bukemesigwe. Ukukemesigwa ko kusuka, iki kyo bwitendekesye bwa Bumi. Loli akabalilo kako u Mbepo Mwikemo ikwisa, Umwene yo Bumi. Ukutēndekesya ko kusuka ikyakwāmbilila; u Mbepo Mwikēmo ko kwīsusya ikyāskwāmbilila kila. *Ukukemesigwa* kokuti “kisukigwe kangī kibikigwe pa lubafu ku bubombelo.” U Mbepo Mwikemo ko

kubika icyène mu bubombelo. Ugwe gwe kyakwāmbilila kya Kyala iki kisukigwe mōsa.

⁴³ Kangi uswe tukusyāgānia u Mbepo Mwikemo yo Kyala Mwēne mwa ugwe. Kyala āli pamwanya pa ugwe mu Mbānda ya Moto na Mōse. Kyala āli na ugwe mwa Yeso Kristi. Lilino Kyala ali mwa ugwe mwa Mbepo Mwikemo. Komma abakyala batatu, Kyala yumoywene ikubomba mbubombela-mbombo mutatu.

⁴⁴ Kyala ikwisengamia, ukwisa pasi ukufuma pamwanya pa mundu. Umwēne akābagīle ukumpalamasya Umwēne, panongwa yakuti umwēne ātulilw'inongwa mu ngūnda gwa Edeni nukwipāgūlania mwēne ukufuma mu bulilanisi Bwāke. Polelo fiki fyābonike? Umwene abagisenie ukuya pamwanya pa mwene. Ililopa lya ngambako ni mbene likabagīle ukummwitikisya Umwene ukwagana nu nnyambala kangi; lōli ukwisila mu ndagilo ni nyiho, ukubikila-ngānila unsyūngulu akabalilo aka kakwisa, isya kupa kwa ngambako, na fyosa bo ifyo, kangi i ng'osi... Polelo akabalilo kāko Kyala āsulwīke pāsi nukwitugasya mu mbili unkemesigwe, umpāpīgwe-mu mfūnde gwa nkikūlu, ugu Kyala Mwēne... Umwe mumenye iki Kyala ābombile? Umwene—Umwene akābombile nakimo loli itolo... Umwene abikile Ikihema Kyake pakati pa kyītu. Kyala alinkwitugasya mu Kihema ikikōlēlīgwe Yeso Kristi. Umwene alinkwifisa itolo Ikihema Kyake na uswe, ukuya...(Une—ukulumbilila pa ikyo ndubunju, polelo une kinunupo nkileke kyene.) Lilino, ikyo—mūmo Kyala ikihēma-pamo ālitūgesye na uswe...

⁴⁵ Kangi lilino Kyala ali mwa uswe. Yeso āyobīle mwa Yohani 14, “Mu lisiku lila umwe mwisakumanya ukuti Une ndi mwa Tāta, u Tāta mwa Une, kangi Une mwa umwe, kangi umwe mwa Une.” Kyala mwa uswe. Ngimba ifūndo yāke yāli fyo fiki? Ukubōmba ulubātiko Lwāke.

⁴⁶ Kyala āli nu lutēndéko. Umwene ālondaga ukubomba ukwisila mu mundu, kangi Umwene ākitwēle icyene mu Mbanda ya Moto, uyu āli Moto ugwasyāmbutītu ugu gwītulikāga pamwanya pa bāna ba Israeli. Polelo u Moto gulugula ugu gwātendekīgwe ukwibonesya mu mbili gwa Yeso. Kangi Umwene alinkuti Umwene āli Moto gula, “Bo Abraham akāli ukuya, UNE YONE.” Umwene aali Moto gula. Umwene alinkuti, “Une ngufuma kwa Kyala, kangi une ngugomokela kwa Kyala.” Kangi ukufuma pa bufwe Bwake, ukusyiligwa, nu busyūke, Mwikemo Pauli ālyāgēne nu Mwēne pa nsebwe—akabalilo kāko ingamu yāke akāli āli Sauli—pa nsebwe ukubūka ku Damasko, kangi Umwene agomosisigwe ku Mbanda ya Moto yila. U Lumuli lulinkusimisa ifisige fyāke. Uko ko kotalusya.

⁴⁷ Kangi apa Umwene ali umwisyugu, i Mbanda ya Moto yilayila, Kyala yulayula ikubomba ifimanyilo filafila, imbombo silasila. Fiki? Umwene ikubomba pakati pa bāndu Bāke.

Umwene ali mwa uswe. Une...Umwene ali na ugwe lilino, “loli Une nguyaga mwa umwe. Une nguyaga na umwe, mope nkati mwa umwe, mpaka kubumalikisyo bwa kupyutigwa,” ubumalikisyo bwa kisu. Umwene ikuyaga na uswe.

⁴⁸ Lilino, kētésya. Yeso átalíle ábatumíle abēne ukubūka kula ku Yerusalemu nukugūlila. I lisyu lya *gūlila* likusanusya “ukugūlila,” litikusanusya ukwiputa, kokuti “ukugūlila.” Abēne bakāli batumwa bakufwāna tāsī mma ukulūmbilila, panongwa yakuti abēne bāmenye bwēne ubusyūke Bwāke ukwisila mu Būndu Bwāke, ubwa kumbona Umwēne panja. Umwene—Umwene alinkubalagila abēne komma ukulumbilila kangī mma, komma ukubōmba nakamo mpaka tāsī abēne bapégigwe na Maka ukufuma pamwanya.

Une ndikwitika ukuti undumbilili aligwesa atumigwe na Kyala pamo abagile ukusayigwa nubutalusye...Panongwa yakuti Kyala nsitampaka. Kangi iki Kyala ikubomba kamokene, Umwene ikubomba akabalilo kosa. Lilino, linga Kyala akābītikisye abēne ukulūmbilila mpaka abēne bābūkāga ku Pentekosti kangī balinkwambilila ubwendelemo bwa Pentekosti, nayumo unnyāmbala, pene pāpo ikinyonywo kimo ikisolofu ikyāke mwēne pamo i kipānganio kyāke kintumile umwēne, ali nu bwabuke ukwingila pa kigemo mpaka umwene isusigwe na Mbepo Mwikemo. Uko ko katikati kotalusya. Panongwa yakuti umwene ikulongosya abēne ukwisila mu kwinogonela kwa mahala ga kipanganio kimo mpaka umwene isusigwe nu Mbepo Mwikemo; kangī polelo, umwene ikubapa abene ikyakulya kya ngungubiya; *U Kang’osi ni Ngungubiya*, mumo uswe twayobelaga namayolo.

⁴⁹ Lilino kētésya. Umwēne āyobíle, “Būka kula ku Yerusalemu kangī kula kasyāle; itolo gūlila pala mpaka une ngutuma ulufingo lwa Tāta.” Kangi polelo, ngimba abene bābombile fiki? Bāliko mia yumo na malongo mabili ga bene, unnyambala na bakikulu. Abēne balinkubuka nkyumba kya pamwanya pa tempeli.

Lilino, ukwene kwāli kifuki ilisiku lya Lusekelo lwa Pentekosti, ukufuma ku ku kusukigwa kwa mbuyo-bwikemo, ukugoga kwa kang’osi gwa pāsa mpaka u—u kwisa kwa Pentekosti, iki kyāli fipaso fyakwānda fya mfūnjo, lusekelo lwa jubilee, ulusekelo lwa Pentekosti. Kangi pa miyumba . . .

⁵⁰ Lilino, une njīlèko ku fisu. Ifisu fyakulubūnju panandi fyāli ni njila ya mafyūkilo nkati. I njila ya mafyūkilo gāli pānja. Pānja pa tempeli, uswe tukubūligwa, yālipō injila ya mafyūkilo iyi yālongolelaga pamwanya ku kakyūmba akanini kūla ukukīndamo; ukubūka mmwanya, kangī mmwanya, kangī mmwanya, mpaka ugwe kufika mmwanya ku kakyūmba akanini pamwanya pala, ngati kyūmba kyabufisilo mmwanya mwa tempeli, u luko lumo lwa kakyūmba akanini,

i kyumba kyapamwanya. Kangi i Bångéli lyäyobíle ukuti abène bāli nkati mula kangi ififigo fyāligaliligwe, nongwa yakuti abène bātílalága ba baYuda, panongwa abène āngali bikubaswānyulania panongwa ya kummwīputa u Ntwa Yeso, ukufūma pākuti Kaifa umpūti unkulumba, kangi Pontius Pilati, na bala bālingogile Umwene. Popāpo abène bayaga pakubayōngesya bōsa abakwīkōlèla Bakristi. Kangi ififigo fyāligaliligwe, kangi abène bāgūlilága.

⁵¹ Lilino, mu fyūmba fila bo ifyo, gakayako amadirisha. Amadirisha fyāli findu finini ifyamayengo fili ni fifigo ngati, ugwe gwakwābāga ukwīgūla. My fyūmba fila silimo inyāle innini sya nyēmba isi situlikigwe kangi sikwāka. . .Linga ugwe siku uyilemo mu California ku Clifton’Cafeteria, būka pāsi ku busuluko, kangi ugwe kwisakwāga yimo mwa lu luko lulalula, ulwa kyūmba kyapamwanya. Ngimba ugwe uyileko kula? Balinga muno babūkilèko kula? Une ngukēta abāndu ukwitikisya nu ntu gwīnu. Ena, umwe mumenye iki une nguyobapo. Umma ndaga. Suluka pāsi, kangi ugwe kwisakukēta u Ngunda gwa Getisemani; bo ugwe ukāli ukubōmba, ugwe kwisakubūkāga nkati mwa kamo mwa fyūmba fyakulubūnja tula. Uko ko katikati kotalusya. Mula ugwe kwāgamo akanyāle akanini kīswile ni nyēmba ya māfilu na kanini kasūnda ka masapa kalambalele nkati mwa kyēne, kakwāka.

⁵² Lilino, unko uswe tuyobe abēne bāli pamwanya pala, bikufyūka ukusyungutila pa iki panja. Abēne bikubūka mmwanya mula nu kwīfisa bēne, panongwa yakuti abēne bātílagā abaYuda. Yeso akābabūlīle abēne ukubūka ku kyūmba kyapamwanya. Umwēne itolo alinkuti, “Gūlīla ku Yerusalemu.” Abēne bāli pāsi pala mu nyūmba, kikafu ukuyoba iki āngali kikuboneka pabuyo. Abēne āngali bīngile nkati nukubēga abēne. Popāpo abēne babūkilè nkakyūmba akaiyolo akanini mu njila ya mafyūkilo, pabutali pamwanya kula ku buyeleke, kangi kula, balinkubīka amayengo pāsi ukuti abaYuda bakābagile ukwisa nkati ku bēne. Kangi abene balinkwitugasya pala ukugūlīla ku masiku kalongo.

⁵³ Lilino, lilino, uswe tuli mu Imbombo 1. Lilino, pilikisya kifuki lilino. Umwe muli ni kifwani? Pānja pa kiyumba injila innini ya mafyūkilo yilinkubūka mmwanya, kangi abēne balinkubūka nkati nkakyūmba akanini aka. Kula ku tempeli abene bāli nu Lusekelo lwa Pentekosti. O, kālīpo akabalilo akakulumba kakubūka nkyeni. Lilino, akabalilo kako ilisiku lya Pentekosti lyafikīle nubwisusye, abene bāli bosa ni linogono limolyene, linogono limo, ukwitika ukuti Kyala ayaga pakutuma ulufingo lula. Unko u mundu aligwesa muno ingile nkati mu linogono lilalila ikilo iki nukukēta iki kikubonekaga. Ikyene kikufimbilisigwa ukwandisya. Ulwene lo lufingo itolo lulalula mumo abene bāli nalo. Muketile?

54 Ngimba abene bābombaga fiki? Kongesya indagilo, ukukonga i—i ndagilo sya Kyala: “Gūlīla mpaka . . .”

55 Lilino, abēne bāli nulutende na baYuda. Lilino, kumbukilāga ikyo. Abēne bātīlāga a baYuda. Lilino, mbibimbibi itolo pala palinkwisa a kōgo kaliti bo mbelo ugwakubopabopa. Aēne kakāli mma mbelo gwakubopabopa; akēne kāli kaliti bo mbelo ugwakubopabopa. Une nisakubala isyakuyobapo itolo mu maminiti manandi pa u nsanusi. Ikyene kyāli bo mbelo ugwabubopabopa. Mmasyu agangi, ikyene kyāli mbelo umkindakipeligwa (o!), ikindukimo abene bābagile ukwipilika. U mbelo gwāli nkati mwa bēne. Pala palinkwisa u—u mbelo ugwakubopabopa, bo u mbelo ugwabubopabopa. U mbelo gukābopabopaga, lōli ugwēne itolo gwapilikigwaga ngati u mbelo gwakubopabopa, ngati ikindukimo kikubūka: Whuu! Ngimba ugwe gwipilikēmo siku ikyene? O, mwe! Bo u mbelo ugwabubopabopa. Lilino kētēsya. Kangi ikyene kilinkwisusya . . . Lilino, nkati muno ikyene kyāyobile “fyosa ifi,” loli mu kiGiriki ikyene kilinkuti “Yōsa (Unkulumba Y-ō-s-a), i Nyumba Yosa,” kulikosa mula. Kalikōsa akalēnduke, inguto, kangi akangw’ale kabonekaga ukuya kīswile ni kyēne. Komma ukuyoba, “Yoba, Bakundwe, ngimba umwe mukwipilika iki une ngwipilika?” Umma! Ikyene kyāli kyosa mosa, bo mbelo ugwabubopabopa. Lilino kētēsya. “Pala palinkwisa a kōgo bo u mbelo ugwamaka ugwakubopabopa kangi (umōngeleli. Lilino kētēsya bala *abākangi*. Linga ugwe utikubōmba, ugwe kukitēndēka Ikyēne ukuyoba ikindukimo Ikyēne kitikuyoba. Muketile?)—kangi ngati (ikyo kyo iki kyābonīke pa buyo ubwākānda bwāli ko kōgo, ikindukimo bo u—u mbelo ugwakubopabopa kilikwisa pamwanya pa bēne)—kangi (umwe mukukūmbukīla, nkilo kya mmayolo une nābūkile ku lilūka nukwakūla ikimomosela kya nkati ni nyama panandi. Ikyo kyo kindukimo kyābūkile ni kyēne. U nkati kyo kīndu kimo, i nyama kyo kinine. Kangi a kōgo kāli kīndu kimo iki kyābatikīle abēne)—kangi pala palinkuboneka ku bēne, (panyēni pa bēne) i ndimi—indimi indapukano.”

56 Ngimba aligwesa muno akētīlēmo siku i *Ngomelesyo Kalongo* ya Cecil DeMille? Ngimba umwe mukētēsise akabalilo kāko i Ngomēlēsyo syasīmbigwāga? Mumo umwene ākikolīle ikyene, une ngāmenye. Fyalipo ifindu fibili pamo fitatu ifi une nakibwene mu kyene une naloliloli nkiganile. Ikindu kyakwanda lo lumuli lwa mbindimbindi, ikyo kyo katakati Ikyēne kikubonekela. Muketile? Ikindu ikingi kyaali akabalilo kako Ululagilo lwasimbigwe, kangi ukufuma pāpo ikyēne kyāmalīke, ngimba umwe mwakētēsise ukupululuka ukufuma ku Mbānda ya Moto yila inywāmu, pala syālipi imyāndo sya moto sikipululuka ukusōkapo? Ngimba umwe mwakētēsise kila? Lilino, ikyo kyo iki une ngwinogona iki kyāli ku Pentekosti. Pala kyābonīke ku bēne . . . Popāpo abēne bābagile ukukibona

Ikyène. Ilyène likâyobile, “Mula mulinkugwa mu bène.” Lōli pala palinkubonekela ku bène imyānde (uswe tukukikōlèla ikyène), indimi, ngati ndimi ngati ululimi ulu *apa*, ikifwāni kya lulumi, ulumyāndo lwa moto. Lilino, imbulukutu—bo une njobile, imbulukutu yo mbulukutu; u lōbe lo lōbe. Lōbe kitukusanusya ugwe gwālīpilike ikyène; ikyène kikusanusya ikyène kyābonike ngati lōbe. Kangi linga ikyène kyāli mbulukutu, ikyène kitikusanusya abène bāpilike ikyène; ikyène kyābonike ngati mbulukutu. Ugu gwāli moto ugu gwābonekāga ngati lulimi, komma u mundu yumo ikuyoba, u moto ugu gwābonekaga ngati lulimi.

⁵⁷ Lilino, pilikisya. Kētésya mūmo i kiGriki kikubala ilyene apa:

Kangi mbibimbibi pala palinkwisa a kogo... ukufwana u mbelo ugwamaka umbopabopa... (Iya 3—ilinandi lwa 3.)

Kangi indimi indapukano *silinkuboneka* ku *bène*,... (Komma indimi indapukano syāli mu bène, pamo abène bāyobāga ni ndimbi indapukano; ikyène kyāli ndimi indapukano syābonike ku bène. Lilino, kētésya. Ikyène kikaya pa bène tāsi. Ikyène kili pala nkyumba, kikusyūngutīla ukusyūngutīla bo mu mbelo ugu)... ku *bène...ngati...moto...indatapukano indimi...syābonike ku bène... (ikyo kyo pankyēni pa abène) ngati...moto*, (indimi bo gu moto) *kangi* yumoywene (kimokyène) lwātūsīsye pa *aligwesa* yumo *gwa bène*. (Komma lwābūkile mu bène; lōli lulinkutusya pa bène.)

⁵⁸ Lilino, kēta mumo ilya Mwalafyale James libagīle ukusopa ikyo panja: “Kangi indimi indapukano sikwisa pa bène, pamo syātūsīsye (ngimba ikyène kikubala bulebule my Iya Mwalafyale James pala?) syālitūgēsye pa bène.” Muketile? Lilino, ulwēne lukābagīle ukufyuka kula nukwitugasya pāsi. Uswe tumenye ikyo. Lōli ikyāpabwāndīlo kyāyobīle, “Ulwēne lwātūsīsye pa bène,” une ngwitika; bule ikyène? Unko une ngalyāge ilyēne katikati lyābwanaloli. Ena! “. . .lwātūsīsye pa aligwesa gwa bène.” Ululimi lumu lwa moto lwigemekisye pa aligwesa gwa bene. Muketile apo? Ngimba umwe mukupilikisya ikyene? Ikyo kyo kindu kyakibili kikuboneka pa buyo. Ikyākwānda kyāli mbelo, polelo ukuboneka kwa ndimi sya moto.

⁵⁹ Ukwēne kwāli mu kakyūmba akanini aka apa nu tunyāle utunini twa nyēmba utu tukwāka. Inogona isya abène bitūgesye pamwanya pala. Kangi yumo ikuyoba, “O!” Umwene alinkukēta ukukilania i nyumba; iyene yāli paliposa pa kiyumba. Polelo abene balinkuti, “Kēta!” Indimi sya moto silinkwanda ukwisa ukusyūngutīla i nyumba. Lilino ketésya. Kangi pala palinkubonekela indimi sya moto isi.

Lilino kētésya ilikōnge:

Kangi (Uyungi ukongania; ikindukimo ikingi kyaabonike.) *abēne bōsa bālisusigwe na Mbepo Mwikemo, . . .* (Ikindu kyākibili kyabonekaga pa buyo.)

⁶⁰ Lilino kēta, uswe tukulōnda ukusanusya ikyo ukusyūmbutunya tukuyoba, “Abēne bāli ni ndimi sya moto, kangi apa bikulotoka ukusyūngutila; kangi polelo balinkusōka pānja nukwānda ukuyoba nu lulimi ulisitakumanyigwa.” Kikayapo ni kindu nakimo bo ikyo mu Masimbo, mwinangu. Aligwesa uyu ikuyoba nu lulimi ulusitakumanyigwa pakwambilila u Mbepo Mwikemo ikubomba ikylene mukulwana ni Bāngéli. Kangi une nguyaga pakubanāngīsyā umwe mu maminiti manandi nukusisimikīsyā kwa umwe une ngwitika mu kuyoba mu ndimi insitakumanyigwa, loli komma ukwambilila u Mbepo Mwikemo. Ikyo kyo kyābupi kya Mbepo Mwikemo. U Mbepo Mwikemo yo Mbepo.

⁶¹ Lilino kētēsya. Indimi isi syāli nkyumba ngati moto, kangi ikyēne kyālitūgēsye pa aligwesa. Polelo abēne bālisusigwe na Mbepo Mwikemo (ikindu kyākibili), kangi polelo, ukufuma papo abene bīsusigwege na Mbepo Mwikemo, baayobaga ni ndimi, komma ni ndimi, mu njobelo. Ngimba umwe mukētēsīsyē ikyo? Abēne balinkwānda ukuyoba ni njobelo isingi bo Mbepo ābapélé abēne ku ukuyoba. Lilino, iki kyāyobīgwe pānja.

⁶² Lilino kētēsya. Lilino, unko uswe twēge ikyakwēgelela kangi ukuti umwe mutisakwibwa ikylene lilino. Ukufwana ni Lisimbo, nkyumba ikyapamwanya bikugūlila, mbibimbibi itolo akōgo ngati u mbelo ugwabubopabopabopa, ikyo kyāli pa bene; yula āli Mbepo Mwikemo. Balinga bikwitika ukuti kila kyāli ko kuboneka kwa Mbepo Mwikemo? Ngati mbelo, u mbelo unkindakipeligwa. Polelo abēne balinkukētēsya. Kangi panja nkati mula mwāli utulimi utunini twa moto, mia yumo na malongo mabili, nukwānda ukusēngama pāsi nukwitūgāsya pa aligwesa gwa bēne. Ngimba ikyēne kyāli fiki? Ngimba ikyēne kyāli fiki? I Mbanda ya Moto, iyi yo Kyala Mwene ukwipagulania Mwene pakati pa bandu Bake, ukwisa nkati mu bandu. Yeso āli ni kindu kyosa; Umwene āli nu Mbepo kisita bupime; uswe tukukyēga Ikyēne mu bupime (Umwē mukuketa iki une ngusanusya?), panongwa yakuti uswe bāna abafwikigwe. Ubumi Bwake—Ubumi Bwake ubwa Bwilanabwila bwingilaga. Lilino, fiki fyabonike? Polelo abene bōsa baalisusigwe na Mbepo Mwikemo.

⁶³ Lilino une ngulōnda ukubalālunya umwe ikindukimo. Ngimba mu ndili akapāngo kālyāndigwe? Linga abene bafimbilisigwaga ukusōka panja pa kyūmba kya pamwanya kila ukubuka pāsi pa mafyukilo gala nukusōka panja ukwīngila mu malubīngilo ga mwalafyale—pamo panja mu i—ku malubīngilo ga tempeli, iyi yo pamo yāli iliyūmba lya nkaya limolyēne ukufuma pāpo abēne bāliko, pamwanya pamafyūkilo nu kusuluka, panja mu malubīngilo kūko abāndu bōsa bābūngēne

palikimo...Kangi abène balinkusōka panja pa pala ngati-bagāle pa Mbepo. Kabuno abāndu aba bāyobile, “Abanyāmbala aba bīswile nu bwālwa ubupya.” Abène bakakibwēnēmo siku kilikyosa bo ikyēne.

⁶⁴ Kangi aligwesa agelaga ukuyoba, “U Mbepo Mwikemo isile. Ulufingo lwa Kyala luli pa une. Une—une nisusigwe na Mbepo.” Kangi umwēne ukuya n’Galilai, u nnyāmbala uyu umwēne āyobāga ngako, u m’Arabu pamo gwakiPersia, ālilpilike umwēne mu njobelo yake mwēne.

⁶⁵ “Ngimba uswe tukupilika bulebule (komma injobelo insitakumanyigwa)—bulebule tukupilika uswe unnyāmbala aligwesa mu lulimi mūmo uswe twāpāpiligwemo? Ngimba bōsa aba bābo bikuyoba bakaya baGalilai?” Kangi lumo bāyobaga i kiGalilai...Loli akabalilo kako abene bāpilike ikyene, ikyene kyāli mu njobelo abene bāpāpiligwemo. Linga sikaya lūlo mma, une ngulōnda umwe ukundālūsya une—nyāmula une ililālūsyo ili: Ngimba ikyene kyāli bulebule ukuti Peteri āsumwike mmwanya mula nukuyoba mu kiGalilai, kangi ikibugutila kyōsa kilinkupilika iki umwene āyobāga? Imyoyo maelifu matatu gyālisile kwa Kristi palapala pala kangi Peteri ikuyoba mu njobelo yimoyene. Naloli! Ikyene aali Kyala ikubomba ikika. Peteri, ku kilūdilo kilakila iki kyātēdekigwe mōsa na bitūgasi ba Mesopotamia, na bahēsya, na basanusigwa, na filifyosa ukufuma nkisu kyosa kyalimile pala...Kangi Peteri imile nukulumbilila mu njobelo yimoyene, kangi unnyāmbāla aligwesa ampilike umwene, kabuno maelifu matatu gapindwike kangi bālyōsigwe mu Ngamu ya Yeso Kristi palapala ukusookapo. Ngimba ikyo kyo bulebule?

⁶⁶ Muketile, binangu, une ngabagila ukugūlila ugwakipanga-kipāgūke gwangu, ukundwe gwa kiPentekosti ukwitikisya ikyo lululu lilino. Loli ugwe ukilōndēsye ikyo ukwisila mwi Bangeli kangi mbula une akabalilo kalikosa kūko abène bālyāmbililēmo siku u Mbepo Mwikemo kangi balinkuyoba mu lulimi isi abène bakāmenye iki abène bāyobāga. Kangi linga iyo yo njila abene bali nayo Umwene pala, u Kyala gwapamwene...Ikyene kikufimbilisigwa ukuboneka akabalilo kosa mu njila yilayila.

⁶⁷ Lilino, une ngabagila...Lilino, ku nyumba ya Korne... Uswe tukukumbukila, akabalilo kako uswe twasulukile ku Samaria, nkilo, uswe twāsyāgēnie pala pakālipo akandu kamo kasīmbigwe isya abène bikupilika mu lulimo lulilōsa ulūngi, nakimo kyāyobīgwe isya ikyēne. Lōli akabalilo kāko abène bābūkile ku nyumba ya Korneli, kūko kwaliko ifikolo fitatu ifikīndānekīndāne ifya bāndu, abène balinkuyoba mu ndimi. Kangi akabalilo kako abene bābombile, linga abene bābombile, abene bālimmwagile Umwene, Peteri ātile, injila yilayila iyi abene balyāgile Ilyene ku bwandilo. Kangi abène bāmenye a Bāpanja bālyāmbilile ilipyana ukufuma kwa Kyala, panongwa yakuti abène bālyāmbilile u Mbepo Mwikemo itolo bo mūmo

abēne bābōmbīle ku bwandilo. Une ndinalyo ililālūsyo apa, ikindukimo pa ikyo mu maminiti manandi. Une nālōndāga ukwala u lwālo, ukuti ugwe kwisakukēta iki ikyēne kili.

⁶⁸ Lilino, une ngabagila ukugūlīla abāndu aba bamanyisigwe mbukīndane. . . Kangi pilikisya kwa une, bakundwe bāngu, abapala, bakundwe ba kiPentekosti. Une ngabagila ukumanyisya iki pānja. Iki kyo. . . Une ngabagila ukubōmba nakimo ukutēndēka ubusofanie. Lōli linga uswe tutikumwaga u Bwānalōli, ngimba kokabalilo kāki uswe tukuyaga pakwānda? Uswe tukufimbilisigwa ukuya ni kindukimo ukuboneka pa buyo apa ukutugolosa uswe mōsa. Uswe tukufimbilisigwa ukuya ni lipyāna lyakunyakiligwa apa lilino. Ubwanalōli bukufimbilisigwa ukusōka pānja.

⁶⁹ Ngimba unnyambala abagile ukubomba fiki linga umwene āli gwamapuli, kangi gwakinunu, kangi alinkutoligwa ukuyoba na panandi? Ngimba umwene abagile ukwambilila Mbepo Mwikemo? Bule linga umwene akāli nu lulimi ukwānda itolo, kangi u mwīnitu undondo ālōndāga ukupokigwa? Muketile? Umwene yo Mbepo Mwikemo, yo losyo. Kangi polelo, fyosa ifikungilwa ifi fikufwana ukuyobela mu ndimi, ukusanusya kwa ndimi, ikyēne kyo ukufuma pāpo ugwe gwīfīle mu Mbili ukwisila mu lōsyo lwa Mbepo Mwikemo. Kabuno ifyabupi fila fili mu Mbili gwa Kristi.

⁷⁰ Lilino, inongwa iyi une nguyoba. . . Lilino, keta kuno. Gwābagile ugwe ukugūlīla i kipānga kya Katolika, iki kyo kyāli kipānga kyakwānda ukwipāngānia nkisu kya pāsi ukufuma ba batumigwa. . . Polelo i kipanga kya Katolika kyāpanganisigwe, o, ifyinja bamia bīngi ukufuma pa bufwe bwa ntumigwa gwabumalikisyo, fimo bamia ntāndatu kangi—ifyīnja ukufuma pa batumigwa, palapalap ukufuma ku Lukomano lwa Nicene, akabalilo kāko abatata ba Nicene balisile palikimo nukwīpāngānia; polelo abēne balinkubīka ikipānga kya kisu-kyōsa, iki kyāli kipānga kya Katolika. Nkati mula abēne bātēndike mōsa i kipanga kya kisu. Kangi i lisyu lya *katolika* kokuti “kīsu-kyōsa”; ikyo kyo kulikōsa. Abēne. . . kiRoma—u Roma unsitakyala āpindusigwe ukubūka ku Roma gwapāpa. Kangi abēne balinkupāngānia u pāpa ukuya ntu ukwēga u buyo bwa Peteri, iki abēne binogonaga kangi bāyobile ukuti Yeso āpēle ifūngulilo ku Kitāngalāla. Kangi u pāpa yula āli nsitakutoligwa, kangi yo akāli umwīsyūgu ku kipanga kya Katolika. Ukuti. . . I lisyu lyāke lyo lulagilo kangi lubātiko. Umwēne yo pāpa unsitakutoligwa. Kila kyābūkile ukukīndamo.

⁷¹ Kangi polelo, panongwa yakuti abēne batikwitikisania ni kimanyisyo kya Kikatolika iki, abēne bābīkīgwe ku bufwe, bakosigwe ku kisīnga, na filifyōsa ifingi. Uswe twesa tumenye ikyo ukwisila mu busimbe bwa Josephus, kangi i *Buku gwa Fox gwa Bafwilila*, kangi mingi ga agāngi amakemisigwe. . . Ugwa Hislop u *Bababeloni Babili*, kangi i—i syambukulu

ingulumba. Polelo, ikyene—ukufuma pa fyinja elifu na sinda-gwa-elifu, mumo uswe tukumanyila, isya Ngulilo sya Ngisi, i Bangeli lyalyēgigwe ukufuma ku bāndu. Kangi Ikyene kyāli—Ikyene kyafisigwe na kamsa kanini, na fyosa bo ifyo, uswe tukupilikisya.

⁷² Polelo ukufuma pala palinkwisa u Ntendekesi gwakwanda, uyu āli Martin Luteri. Kangi umwēne alinkusōka pānja nukuyoba ukuti u mugonesyo ugu aba Katolika bagukōlelāga mbili—mbili gwānaloliloli gwa Kristi, ugwēne gwīmīlilaga itolo u mbili gwa Kristi. Kangi umwēne alinkutāga ungonesyō gula pa lupaso lwa kigemo, pamo pa mafyūkilo, nukupika ukugubilikila ugwēne u mbili gwānaloliloli gwa Kristi, nukulūmbilila, “Abagolofu bisakwitūgalāga nu lwītiko.” Lilino, ugwe ukabagila ukugūlila i kipanga kya Katolika ukwitikisania nu mwene, naloliloli umma, akabalilo kāko untu gwābo unsitakutoligwa ikubabūla abēne umma. Umma ndaga.

⁷³ Polelo ukufuma Martin Luteri, ikulumbilila Ukwitikisigwa, Yohani Wesley ikwisa pala ikulumbilila Ukukemesigwa. Kangi umwēne ālumbilile ukuti u nnyāmbāla, ukufuma pa kwitikisigwa (ikyēne kyo kili kanunu) lōli ugwe kufimbilisigwa ukukemesigwa, ukusukigwa, usisi gwa bubibi ukusōsigwāmo mwa ugwe ukwisila mu Lilopa lya Yeso. Lilino, ugwe ukabagila ukugūlila abaLuteri ukulūmbilila Ukukemesigwa, 'nongwa yakuti abēne batikuyaga pakubōmba ikyēne.

⁷⁴ Ukufuma Wesley alūmbililege Ukukemesigwa, kangi ututapukano utunini twīngi ukufuma ku kyēne, utu twisile i, Methodisti gwaWesley, kangi aba Nazarene, na fyosa bo ifyo, utu twālyūmilisye u moto ukwāka ukukīnda mu ngulilo yābo, polelo ikwisa pala Pentekosti nukuyoba, “Fiki, u Mbepo Mwikemo yo lōsyo, kangi uswe tukuyoba mu ndimi akabalilo kako tukwāmbilila Ikyene.” Naloliloli. Polelo akabalilo kāko ikyo kikwisa pala, ugwe ukābagile ukugūlila aba Nazarene, kangi aba Methodisti gwaWesley, na fyosa bo ifyo ukwītika ikyo. Abēne bakābagile ukubōmba ikyēne. Abēne bakikōlile ikyēne u mōhēsi. Umma ndaga. Ngimba fiki fyabonike? Abene balinkwanda ukugwa; Pentekosti ikwanda ukufyuka. Lilino ikyēne kifyūkile ku buyo mpaka Pentekosti ali nu kusenyēnda kwāke. Ikyēne kipāngēnie nukusōkāpo, komma ukwitikisya nakimo ikingi. Abēne bali ni ndagilo syābo bēne, kangi ikyo kikumasya ikyēne.

⁷⁵ Lilino, akabalilo kāko u Mbepo Mwikemo ikwisa kangi ikusetula u Bwanaloli bwa kalikosa nukusisimikisya ikyene ukwisila mu Kuyapo Kwake mwene kangi ukwisila mu Lisyu Lyake, ugwe ukabagila ukugūlila abandu ba kiPentekosti ukuyoba, “Une ngwitikisyaga ni kyene.” Ugwe kufimbilisigwa ukwīma gwīmwēne bo mūmo Luteri ābōmbile, bo mūmo Wesley ābōmbile, kangi ngati abāngi ba bēne bābōmbile. Ugwe kufimbilisigwa ukwīma pa ikyo panongwa yakuti isala yili apa.

Kangi ikyo kyo kikipela une ukuya lisekwa ilinyali. Ikyo kyo iki kikumbela une ukuya nkīndāne.

⁷⁶ Kangi une ngabagila ukwanda bo yu Nkundwe Oral Roberts, nu Tommy Osborn, Tommy Hicks, na bene, panongwa yakuti ifipanga fitisa kwitikisania na une. Abene bikuyoba, “Umwene ikwitika mu buponesigwe Bwabwilanabwila. Umwene yo gwa Baptisti. Umwene atikwitika mu kuyoba mu ndimi ukuya buketi bwa Mbepo Mwikemo. Sōkako ukufuma kwa miana yula!” Muketile?

⁷⁷ Lōli isaga kisyo ku kisyo ni kyēne. Kēta ikyēne pāsi. Abēne babagīle ukukētāna na ba Luteri, aba—aba Methodisti babagīle. Aba Pentekosti babagile ukukētana na ba Methodisti. Une mbagile ukukētāna ni kiPentekosti ni kyene. Ikyene kyo katikati kotalusya. Ikyene kyo kyabwanaloli. Nongwa ya fiki ikyēne? Uswe tukwēnda mu Bwēlu bo Umwēne ali mu Bwēlu. Muketile? Uswe tukwēnda pamwanya pa Nsebwenkulumba gwa Mwalafyāle, kangi kubutalipo ikyēne kikwisa, lingipo ipyāna likupīgwa, mīngipi amaka gikupīgwa, kīngipo ikikindekipeligwa kikupegigwa. Kangi apo uswe tulipo. Iyi yo sala kuko u Mbepo Mwikemo isile pāsi mbupeligwa bwa Lumuli mumo Umwene aayilile ku bwandilo, i Mbanda ya Moto, kangi ibonisye Mwene, ikubomba ifindu filafila ifi Umwene ābombile akabalilo kāko Umwēne āli pa kīsu. Kangi Yeso alinkuti, “Ngimba ugwe kumanyaga bulebule ukuti kali abene batalusye pamo mma? Ni seke syabo ugwe gwisakubamanya abene. Umwene uyu ikwitika mwa Une, imbombo isi Une ngubomba isakubombaga yope. Ifimanyilo ifi fisakukongaga abene aba bikwitika.”

⁷⁸ Lilino, bakundwe bāngu ba kiPentekosti. Une ndi na umwe. Une ndi yumo gwa umwe. Une ndinagwe Mbepo Mwikemo. Une njobile mu ndimi, loli une ngakyagile ikyene pa kwambilila u Mbepo Mwikemo. Une ndinalo ulosyo lwa Mbepo Mwikemo; une njobile mu ndimi, nsolwile, naali ni fyabupi ifya bumanyi, mahala, isanusyo, na filifyōsa fikuboneka. Lōli une ntumwa ku kilikyōsa kya fīndu fila, panongwa yakuti lilino une ne mwāna gwa Kyala. A maka, u Moto gwa Kyala guli mu moyo gwangu; ululimi lula lwa Moto ulu lwālitūgesya pamwanya—lukwisa mu nkati mwa une nu kōkya mōsa filifyōsa if fyāli fikulwāna na Kyala, kangi lilino une ngulongosigwa na Mbepo Gwāke. Umwene abagīle ukuyoba, “Buka *apa*,” kangi une ngubukaga. “Būka *kuno*,” une ngwisakubūkāga. “Yoba *apa*,” une nguyobaga. “Kangi bomba *iki*, *kila*, kangi *ikingi*.” Mwaketa lelo umwe, itolo bo. . . Ugwe kulongosigwa na Mbepo. Uyo yo Kyala mwa ugwe, ikubōmba ubwīgāne Bwāke. Kali ikyēne kyo fiki, Umwēne ikubōmba ubwīgāne Bwāke.

⁷⁹ Lilino, pilikisya. Unko une mbala apa bo tukāli uswe ukwānda amalālūsyo pa lekisoni apa. Lilino, ukufuma ku Lisanusigwe lya Vatican, Ubulūdiko 7, 190—1205:

“Tkyēne kikafu ukusisimikisya kali ikyēne kyāli ilisyu lya bāndu bala bikuyoba mu njobelo inhēsyā; pamo akapāngo pamo isyakupilikapilika isya bubōmbelo bwa mbelo unkindakipeligwa gukubopabopa ugu gwanyenyemwīsyē ikilūndilo.”

Abēne bakābagile ukupilikisya ikyēne. Lilino kētēsya. Kali ikyēne kyāli bāndu. . .

⁸⁰ Une itolo nisakunnāngisya. Apa po kilipo ikipambo kya balondo, abaGalilai abafwānjalfu. Kangi apa abene bali panja pala mu lukindi. Abēne bakakibonāmo siku kalikosa bo akēne: amaboko gabo mmwanya mu mbepo, ukufuma ku kyūmba kya pamwanya, pāsī pa mafyukilo gala, panja nkati mula, itolo bīsusigwe; abēne bakāyobilēmo siku mpaka na lino. Muketile? Apa abēne bikwīsa ukusuluka ukukīnda kula. Kangi lilino, unko uswe tuyobe, abene bāli panja pala bikupepeluka ukusyungutila mu iki. Kangi abāndu balinkuti. . . U n’Giriki abopela ukwisa kwa une kangi, ikuyoba, une nguyoba ikiGalilai.

Ugwe kubopa ukubūka ku mwene nukuyoba, “Kangi ngimba kitamisye fiki na ugwe, Ndumiana?”

⁸¹ “Une nisusigwe na Mbepo Mwikemo. A maka ga Kyala gagwile pala nkyūmba kila. Ikindukimo kyabonike kwa une. O, lwimiko kwa Kyala!”

Kangi uyūngi ukukilania apa, umwēne āyobāga ku m’Arab, kangi umwēne m’Galilai ikuyoba injobelo ya kiArab—kiArab.

⁸² Lilino, abēne bakabagila ukuyoba, ngimba ugwēne gwāli mbelo umbopabopa ugu gwabakwābile abāndu palikimo akabalilo kāko ikilūndilo kyālisīle palikimo, pamo ngimba ikyene kyāli ukuyoba mu njobelo isya fisu fyāpanja iyi abene bāyobelāga? Lilino, ili Bangeli litikubōmba katikati. . . Ugwe uli nafyo ifindu fibili ifi ugwe ubagile ukuketesya. Ikyēne kyāli ikyēne. . . U—u gwāpānja alinkuyoba, “Kili bulebule ikyēne ukuti uswe tukupilika unnyāmbāla aligwēsa mu lulimi lwītu twībēne mūmo uswe twāpapiligwēmo?” Ilyēne likāyobile ukuti abēne bayobaga iyēne, lōli abēne bayipilikaga iyēne.

⁸³ Polelo ikubugutila kilakila, abāndu balabala, lingania iki. Peteri alinkunyēla pa kindukimo kangi alinkuti, “Umwe banyambala ba Galilai, kangi umwe mwe mukwitugala mu Yerusalemu, unko iki kimanyigwe kwa umwe (bandu balinkuti abene bakāli nayo i njobelo ya Galilai) unko iki kimanyigwēge kwa umwe kangi pilikisya ku masyu gāngu (ngimba—ngimba yo njobelo nki umwēne āyobelaga ngamo, ku bōsa ba abēne?); fiki, aba bakaya bagāle mma bo umwe mukusakikisya, ukukēta akene ko sala ya butatu iya lisiku, lōli iki kyo kila iki kyāyobīgwe nu nsololi Yoeli: ‘Kangi ikyene kisa kubonekaga mmasiku ga bumalikisyo, ikuti Kyala, Une nisakōnelelaga u Mbepo Gwangu pa nyofu guligosa. A bānabalumiana binu kangi bānabalindwana binu bisakusololāga.’” Nkyēni

kangi nkyēni umwene alinkubuka, nukuyoba, “Umwe na maboko amabibi mwākomelile u Mwanundumiana gwa Kyala. Davidi āyobīle isya Umwēne. . . ‘akābagīle ukugulēka umoyo Gwāke mu gehena, somma Umwēne ukwitikisya u Mwīkēmo Gwāke Yula ukuketa ububole.” Kangi alinkuti, “Unko ikylene kimanyigwe kwa umwe ukuti u Kyala ālintēndike yulayula Yeso uyu umwe mwālinkomelile fyosa–fibili Ntwa na Kristi.” Kangi akabalilo kāko abene bāpilīke iki. . . Amenī! Ywani? Unnyambala aligwesa pasi pa mianya. Ngimba kyabonike kyo fiki? Umwene akāyobaga, “Lilino, une nguyobaga mu kiGalilai; une nguyobaga mu *iki*; kangi une nguyobaga mu *iki*. . . ? . . .”

⁸⁴ Bo Peteri āyobīle amasyu aga, abene balinkuti, “Banyāmbāla na bakundwe, ngimba uswe tukubombaga fiki ukuti tupokigwege?” Kangi Peteri ābapēle abēne a kōnganikisyo. Iyo yo njila ikyēne akabalilo kōsa kikuboneka. Muketile?

⁸⁵ Ikyene kyo kufyuka mmwanya, ukugutila mmwanya mwa Kyala, ukwenda kwakifuki. Ngimba umwe mumenye bulebule? Ena lilino, akabalilo kako Luteri alyāmbilīle ukwitikisigwa, umwene ākōlīle kila u Mbepo Mwikemo. Ikyēne kyāli. Kyala āyubikemo akanīni ka Ikyēne mula. Polelo Umwēne alinkuyoba fiki? Wesley ālyambilīle Ubukemesigwe, kangi ātile, “Ndumiana, akabalilo kāko ugwe kulalata, ugwe uli nakyo Ikyene.” Loli bingi ba abene baalalatile aba bakāli nakyo Ikyene. Akabalilo kāko Pentekosti āyobīle mu ndimi—mu ndimi inhesya, abene balinkuti, “Ndumiana, ugwe ukabile Ikyene.” Loli bingi ba abene bakalinakyo Ikyene.

Fikayako ifīndu fyo luko lwakuti ifimanyilo fila fya kumanya ikyo. “Injila yēne ugwe kumanya u mpiki,” Yeso alinkuti, “kyo ni fipaso ifi ugwēne gukupāpa,” imbombo sya Mbepo, ikipaso kya Mbepo. Polelo akabalilo kāko ugwe kumbona u mundu uyu isusigwe na maka, uyu isusigwe na Mbepo Mwīkēmo, polelo ugwe kukēta u bumi ubu bwānduligwe. Ugwe kukēta ifimanyilo ifi fikukonga abene aba bikwitika: “Mu Ngamu Yangu abene bisakusatisyaga imisyetano, bisakuyobaga ni ndimi imbya. Linga injoka yisakubalumaga abene, iyene yitisakubafulasyaga abene. Linga abēne bāli ni kīndu ikigogi, ukunwa, ikyēne angali kitisakubagoga abēne. Abene bikubikaga amaboko pa babine, kangi abene bisakubumbulukaga.” Mwe! Uluko lwa fimanyilo ulu lukukonga abene aba bikwitika. Loli ngimba ugwe kufika bulebule mu kyene? Ifikungilwa fila fili mu Mbili. Ngimba ugwe kubūka bulebule mu Mbili? Komma ukwisila ukuyoba mu njila yāko, lōli ukwisila mukōsigwa mu Mbili gumogwene (Bakorinti Bakwanda 12:13). U Mbepo yumoywene uswe twesa tōsigwe mu Mbili gula kangi tulambikigwe ku fyabupi fyosa. U Ntwa akusaye ugwe.

⁸⁶ Lilino, linga umundu yumo abagīle ukupilika i tepi iyi pamo umundu yumo apa abagīle ukusitakwitikisania, kumbukilaga,

bomba icyene mbwinake, nkundwe, panongwa yakuti une nguganile ugwe.

93. Ililálúsyo lyákwānda ikilo iki: **Nkundwe Branham, une ngwinogona i senema yo kigune ku kisu. Ngimba ugwe kwinogona fiki ifya icyene?**

⁸⁷ Ena, aligwesa uyu āsimbile icyene, une ngwitikisaniaga na nugwe. Abene bakipelile icyene kigune ku kisu kyapasi. Ikyene kyābagile ukuya lusayo ku kisu, loli abene bakipelile icyene kigune. Kilikyosa bo ikyo, mwe bandu bangu abapala, kyo iki ugwe kuketako pa gwimwene. Linga i senema yo kigune, polelo i kalatasi ya nyuzi yo kigune, polelo i rediyo yo kigune, kangi utubalilo twīngi i telefōni yili. Muketile, muketile, muketile, muketile? Ikyene kyo iki ugwe kutendeka ukufuma ku kyene. Lōli ukuya ukuti u nkundwe āyobfile ikilo kimo, ukuti pakayapo ni mbatiko yiliyosa pa televizioni kangi mma; isyo syo hela nyīngi fiyo. Undūmbilili undondo uyu ukulūmbilila i Nongwainunu Inyīsusye akabagila ukufwānikisya ukuhōmba ulubātiko lumo pa televizioni. Popāpo polelo... Nkundwe alinkuyoba ikilo ikīngi, une ngwītika, kubuyobumo, alinkuti, “Puput’ulufūmbi i rediyo yāko,” pamo umundu yumo, pamo, “Twala iyene ukufuma ku nguto kangi pilikisya ku mbaatiko sila.” Uko ko kutalusya.

⁸⁸ Lōli, gwempala mūndu, kilikyōsa ugwe guli, une naloliloli ngwītikisania na ugwe. Ikyēne kisile ukuya kimo mwa findu ifigunigwe ku luko lwa bāndu. Nkati mula abene bikwega fyosa ifi apa ihela isi sibagile ukubuka ku sikali ukuya misongo, nukusibīka isyēne panja mu kufumusya-fumusya pa syosa isi imbātiko sya ngambo na kachasyo ni findu bo ifyo, nukōmōla isyene pa sōngo sya sikali; kangi polelo abēne bikwīsa ukusyūngutila nukwēga abalūmbilili nukubakwāba abēne ukukīnda mbulongelonongwa ukwēgako akahela akanini ukufuma ku bēne. Une ngwitikisania na ugwe, icyene kyo kindu ikinyanyasi. Lilino, ikyo kyo kikaya... Ugwe umenye, icyene kyo itolo kindukimo ugwe kwaga. Ndaga ugwe, kalumbu, nkundwe, aligwesa uyu ugwe gwāsūmīle ikyo.

94. Lilino, apa po lilipo ilinunu limo. Ililálúsyo: **Bulipo ubuyo mwi Bāngéli u luko lwa Samueli Gwākwānda 18:10, uyu ikuyoba i mbepo inyali ukufuma kwa Kyala yābōmbīle ifindu. Une ndikupilikisya u “mbepo nyali ukufuma kwa Kyala.” Ngulamba līngānia iki.**

⁸⁹ Ena, lumo nu butuli bwa Ntwa, une mbagile. Ikyene kitikusanusya ukuti Kyala yo Mbepo mbibi. Loli imbepo yiliyosa iya kilikyosa yikwīlāmbika kwa Kyala. Kangi Umwēne ikutēndēka kilikyōsa ukubōmba ukufwana na iki Umwēne ikwīgāna. Muketile?

⁹⁰ Lilino, pa lilálúsyo lyāko, ugwe kuyoba isya mbepo inyali iyi yābūkīle panja ukufuma kwa Kyala ukunkubilusya

Sauli. Umwēne āli lwīpiliko, ububūmbe ububōngotokele-pāsi—akayīlo, panongwa yakuti, ubuyo bwakwānda, umwēne āgomokīle nyuma. Kangi akabalilo kako ugwe kugwīla nyuma, imbepo inyali—Kyala isakwitikisyaga imbepo imbibi ukukukutamiaga ugwe.

⁹¹ Une ngulonda ukubala kwa umwe i kindukimo mu—mu kabalilo. Une ndinalyo ilinogono ilingi pa kyene apa. Muketile? U mbepo aligwesa ikufimbilisigwa ukuya gwakwilāmbika kwa Kyala. Ngimba umwe mukukumbukila akabalilo kako Yehosafati na Ahabu bayaga pakubuka pānja ku bwite? Kangi ikindu kyakwanda umwe mumenye, pala lyālipo i—abene bālitugesye mu fipata. Kangi Yehosafati āli nnyāmbāla ungolofu, kangi umwēne alinkuyoba (abanyafyāle babili pala, kangi abēne balinkōngānia amaka gābo palikimo) kangi polelo umwene alinkuti, “Unko uswe tundālusyege u Ntwa ukufwana ukuti kali uswe tusōkege pamo mma.”

⁹² Kangi Ahabu alinkubūka nukwakwēga abasololi bamia bana aba umwēne āli nabo, bōsa, abūmilisye abēne baswīligwe nukutupisigwa na filifyōsa; abene baali mu bubūmbigwe ubununu. Kangi abene balinkwisa pala, kangi abene bosa balinkusolola nu bwitikisanio bumo, balinkuti, “Būka kula, kangi Kyala isakukupa ugwe ubupōnjōli. Buka mmwanya ku Ramoti-giliyati kangi kula Kyala isakwēga i kindu kila kuli ugwe.” Yumo mwa bēne ālitendekile mwēne imbembe ibili nukwānda ukubopa ukusyūngutula ukuya kyakunāngisya, alinkuti, “Ukwisila mu mbembe isi, ugwe kwisakubagūta abēne kubutali pānja pa kīsu; kyokyako ugwe.”

⁹³ Lōli umwe mumenye, kilipo ikindukimo ukufwana nu mūndu gwa Kyala iki itolo kitikubuka ku kyōsa kya ikyo. Muketile? Linga ikyene kitikukuba panja ni Lisimbo, kilipo ikindukimo kitamisyē. Umwitiki ugwabwanaloli aligwēsa... Popāpo Yehosafati alinkuyoba, “Mulimōsa, bala bamia bana bikuboneka lōsa kanunu. Abene bikuboneka ngati banyāmbala banunu.”

“O, abēne bali,” lumo Ahabu āyobīle.

Lōli Yehosafati alinkuti, “Ngimba ugwe ukaya nayo yumo ugwakōngelelāpo?” Nongwa yafiki yumo ugwakōngelelāpo akabalilo kākō ugwe ulinabo bamia bana nu lwitikisanio lumolwēne? Panongwa yakuti umwēne āménye kyālipo ikindukimo iki kikāpilikisigwe itolo kitalusye. Muketile?

Umwene alinkuti, “Ena, uswe tuli nagwe yumoywene kangi, u mwanundumiana gwa Imlah, pamwanya apa,” alinkuti, “loli une numbengīle umwene.” Naloli. Ugwe kwīsa kwīgāla i kipānga kyāke akabalilo kalikōsa ugwe ubagile. Ugwe kwisakumbōna umwēne ukufuma nkīsu. Muketile? Naloli. “Une numbengīle umwēne.”

“Nongwa ya fiki ugwe kumbenga umwēne?”

“Umwene bwila ikusolola ukulwana na une.” Une ngwītika Yehosafati āmenye palapala pala kyālipo—ikindukimo kikāli kitalusye.

Popāpo umwēne alinkuti, “Būka kula nukwakummwēga Mikaya.”

Polelo abene balinkufyuka ukundonda umwene, kangi apa umwene alinkwisapo. . . Polelo akabalilo kāko abēne bābukīle kula, abēne balinkutuma untumigwa nukuyoba, “Lilino, gūlila i miniti. Lilino, abēne bali na ba Dokotala ba Bunyakyala bamia bana kula. Abēne bo bakīnde-bosa aba balipo nkīsu, na ba Ph, ba LLD, kangi filifyōsa.” Alinkuti, “Lilino, ugwe umenye, ugwe gwe ndondo nnini unnyambala nsitakumanyila, ugwe utisakulwana na bosa abapuuti bala.”

⁹⁴ Imlah alinkuti iki, pamo une ngusanusya, Mikaya āyobīle iki: “Une ndisakuyobaga nakimo mpaka Kyala ikukibika ikyene nkanwa mwangu, kangi polelo une nguyobaga katikati iki Umwene ikuyoba.” Une nkiganile ikyo. Une nkiganile ikyo. Mmasyu agangi, “Une ngwitugasyaga ni Lisyu.” Kali kyo fiki abāngi ba bēne bāyobile. Umwene alinkuti, “Ena,” alinkuti, “Une ngukubula ugwe. Linga ugwe utikulonda ukusopigwa panja, ugwe kinunupo yoba ikindu kilakila.”

Polelo umwēne alinkubuka ukusuluka kula. Kangi umwēne alinkuti, “Ngimba une ngufyukilaga kula?”

Umwene alinkuti, “Kindililāga.” Alinkuti, “Mbapo une ikilo iki. Unko une njobege lōsa ikyene nu Ntwa.” Une nkiganile ikyo. Polelo ikilo kila u Ntwa ābonīke ku mwēne, kangi ilisiku ilikōnge umwēne ābūkīle pamwanya. Kangi umwēne alinkuyōba, bo ikubūka mmwanya, umwene alinkuti, “Kindililāga; lōli une nālimbwēne Israeli ngati ng’osi kisita ntimi, sibalani le pa twāmba.” O, mwe! Kila kilinkulekesya u mbelo ukufuma ku mwene.

Kangi umwene alinkuti, “Ngimba une ngakubūla ugwe? Une nāmenye ikyene. Iyo yo katikati njila iyi umwene ikubombela akabalilo kosa, ikuyoba ikindukimo ikibībi ukulwana na une.”

⁹⁵ Fiki? Umwene itugasyaga ni Lisyu. Fiki? U nsololi pankyeni pa mwene, i Lisyu lya Kyala likufumila kwa Eliya, u nsololi ugwanaloliloli, umwēne āyobile, “Panongwa yakuti ugwe gōnile ililopa lya nsitabusobi Naboti, īmbwa sisyakumyānda ililopa lyāko nūgwe.” Kangi umwene alinkumbula umwene ububibi. Elisha ābombīle ābūkīle ku Mwanya. Loli umwene aamenye ukuti Elisha aali ni Lisyu lya Kyala, polelo umwene aalimile ni Lisyu. Une nkiganile ikyo. Syala ni Lisyu.

⁹⁶ Linga i Libangeli liyobile Yeso Kristi yo yuyo mmayolo, umwisyugu, na bwilanabwila; a maka Gake gakāli pōpe kikikyoy; u Mbepo Mwikemo ali kuli aligwesa uyu īganile, unko umwene īse, syalaga ni Lisyu. Ena, nkulumba! Kali kyo fiki abāngi ba bēne bikuyoba. Kali bobunununki balyēsigwe kangi go

masukulu mingi bulebule abēne bābūkīlēmō nukukīnda, ikyo kikaya nakimo ikyakubōmba ni kyēne.

Popāpo polelo umwene alinkuti... Umwinitu unkulumba unywamu ni mbembe pa ntu gwake, ikuyaga pakukiguta ikyēne—i kīsu pānja ukufuma pakukīnda u mwalafyāle, umwēne alinkwēnda ukwīsa nukundūpūla umwēne nkanwa (undumbilili unnini uyu). Umwēne āmēnye umwēne āli itolo panini mwīkemo mbunguluka popāpo kikālīko nakimo kyābagile ukuyobigwa isya ikyēne, polelo umwene alinkumūlupūla umwene nkanwa. Umwene alinkuti, “Une ngulonda ukukulalusya ugwe i kindukimo.” Alinkuti, “Yo njilanki iyi u Mbepo gwa Kyala abukege akabalilo kako Umwene asokege ukufuma kwa une linga ugwe uli nagwe Umwene?”

⁹⁷ Umwēne alinkuti, “Ugwe kwisakupilikisya akabalilo kāko ugwe gwītūgēsye nkabaga panja ukukilania ukuya gwamminyololo.” Umwene alinkuti, “Une numbwene Kyala itugesye pa kikota (Ameni! Lilino pilikisya!), kangi ikulundilo kya Kumwanya balinkukomana ukusyungutila Umwene.” Ngimba kyatamisye fiki? Unsololi Gwake atalile ayobile isi sibagile ukubombigwa kwa Ahabu. Kyala... Yula akāli Eliya āyobīle ikyo; yula āli nsololi umpakīgwe. Lila lyaali Lisyu lya Ntwa, ISI SYO IKUTI UNTWA. Kangi Mikaya alinkuti, “Une nkibwēne kyōsa ikilūndilo kya ku Mwānya kibūngēne ukusyūngutila Kyala mu lukomano ulukulumba. Kangi abene bayobaga yumo nu nnine. Kangi u Ntwa alinkuti, ‘Ywāni tubagile Uswe ukwēga ukubūka pāsi, yo ywāni gwa umwe abagile ukubūka pāsi, nukwakunsyōba Ahabu, ukunsosya umwene panja pala ukufwanikisya i Lisyu lya Kyala, ukummwega umwene ukutusuliligwa? Ngimba ywani Uswe tubagile ukwēga ukubuka pāsi?’”

⁹⁸ Mulimōsa, yumo āyobāga *iki* yumo pamo *ikyo* kila. Kangi ukukīnda akabalilo, i mbepo inyāli, imbepo yabusyōbi yikwīsa pala ukufuma kūsi kangi yilinkuti, “Linga Ugwe itolo kwīsakunyītīkīsya une. Une ne mbepo unsyōbi. Une ngusulukaga pāsi nukufika mu bōsa abalūmbilili bala, panongwa yakuti abēne bakaya nagwe u Mbepo Mwikemo; kangi une nisakubapela abēne (abēne ba balumiana abamanyisigwasukulu)—kangi une nisakubūka ukusuluka, nukwīngīla mu aligwēsa yumo gwa bēne, nukubasyōba abēne, nukubapela abēne ukusolola u busyōbi.” Ngimba umwēne āyobīle ikyēne? Kangi umwēne alinkuti, “Iyo yo njila uswe twīsa kusyōba.” Popāpo umwēne alinkusuluka pāsi.

Umwēne alinkuti—Kyala alinkuti, “Ugwe uli nu bubwītīkisigwe Bwāngu ukubūka.”

⁹⁹ Kangi umwēne alinkubūka pāsi nukwīngīla mu bala abasololi abasyōbi, ubutumigwe ubumanyisigwe-sukulu, nukubapela abēne ukusolola u busyōbi. Umwēne āli mbepo

unsyóbi ikubōmba ku bwígáne bwa Kyala. Unko une... Itolo ikindukimo ikingi ugwe ubagile ukukéta apa, itolo i miniti. Kētésya iki. Une ngulōnda umwe ukusanuka na une ku Bakorinti Gwākwánda untu gwa 5, ilinandi lya 1, itolo i miniti. Bakorinti Bakwanda... Kangi kētésya iki linga ugwe kulonda ukukéta ikindukimo, ikya Kyala ukupela i kindukimo—mumo fikuti imbepo inyali sila, mūmo fikuti isyēne bisa—isyēne sisakwenda... Umma ndaga, Pauli ikuyoba:

Ikyēne kyo kiyobígwe palipōsa ukuti bulipo u bulogwe pakati pa umwe, kangi ubwa luko ubulogwe bwakuti ikyēne kikaya... kiyōbigona pakati pa Bāpānja,... (Ngimba ugwe kwinogona fiki isya ikyo pakati pa kipanga?)... *ukuti yumo abagile ukuya nu nkasi gwa tāta gwāke.*

Kangi umwe mwitūfifye mōsa, kangi mukabōmba mma... (Unko uswe tukēte. Une ngwītika une nsanwike amāni mabili pa...)... *Umwe mwe—Kangi umwe mwitūfifye mōsa, kangi mukabōmba tutigi mukakūta, ukuti...* (Lilino, gūlila i miniti. Ngimba une... Ena, uko ko kotalusya. Ena)... *kūta...* (Ikyo kyo ikyēne)... *mwitutumwisyē mōsa, kangi mukabōmba komma... ukukuuta, ukuti umwēne uyu abōmbile ikĩndu iki abāgile ukusōsigwāmo ukufuma mwa umwe.*

¹⁰⁰ Une ngamanya. Une ndikwitika ukuti aligwesa abagile ukuyoba ku iki pamo ukutumula kunyuma, loli une itolo nguponesyaga iki une ngwitika: Linga u mundu akabalilo kamo ikwisusigwa nu Mbepo umwene akabagila ukutāga Umwene. Muketile, muketile?

Kabuno une naloliloli, bo ngayapo mu mbili, lōli ndipo mwa mbepo, ndalile ndōngile, ukuya mfwānège une nālipo, ukufwana nu mwene uyu abombilepo ikĩndu iyi,

Mu ngamu ya gwĩtu Ntwa Yeso Kristi, akabalilo kāko umwe mukubūngania palikimo, kangi mbepo gwangu, na maka ga u Ntwa Yeso Kristi,

Ukumbika bo uyu yumo kwa Sētáno ku bonangiko bwa mbili, ukuti u mbepo abagile ukupokigwa mu lisiku lya Ntwa Yeso.

¹⁰¹ Kyala, ukumbula i Kipanga ikikemo, iki kyo Mbili Gwake apa pa kisu, ikubo (lilino, iki kyo ukufuma Lwitikano Ulukūlu, mu Ulupya) ukumbūla u nnyāmbala uyu āli gwākinyanyasi fīyo kangi mfite pakati pa bāndu mpaka umwēne itūgalāga nu nkasi gwa gwīse gwāke mwēne. Alinkuti, “Ikĩndu kya luko ulu mu Mbili gwa Kristi... Ugwe, Kipanga, nsanusilaga umwene kwa mōhési ku bonangike...” Muketile? Kyakla ikwītikisya i... Kangi akabalilo kāko Umwēne ali nakyo ikindukimo Umwēne ikulōnda kibōmbígwe, ukubika unkyapi pa munduyumo, Umwēne isakusanusilaga imbepo inyali pa bēne

ukuti isyēne sisakubilisya u mūndu yula nu—nu kubatwāla abēne ukugōmokela. Lilino, uswe tukusyagania unnyambala uyu ukufuma . . .

¹⁰² Ikyo kyo iki kitamisye ni fipanga umwisyugu. Akabalilo kako unnyambala ikwisa mu Mbili gwa Kristi kangi ikwisa ukuya yumo mwa benekaya nukwanda ukubomba ububibi, mbuyo bwa umwe mwēsa ukwisa palikimo nukubōmba ikindu kikiki iki . . . Kangi umwe, Branham Tabernacle, bomba ikyo. Panongwa yakuti akabalilo kosa umwe mukunkolelela umwēne pala, umwēne ali pāsi pa Lilopa. Kangi umwēne ikwima itolo ukubomba ikindu kilakila ukwāndisya kangi ukukilania kangi ukukilania pa kabalilo kalikosa. Umwe fika palikimo nukummwegela umwene kula kwa mōhēsi ku bonangike bwa nyōfu, ukuti u mbepo gwake—bo—lumo abagile ukupokigwa mu lisiku lya Ntwa. Kangi kētēsya unkyapi gwa Kyala gukwisa mula. Kētēsya mōhēsi ikwēga ubukolelele bwa umwēne. Iyo yo mbepo inyali yikummwēga umwēne.

¹⁰³ Kangi undumiana uyu alinkugolosigwa mōsa. Umwēne alinkugomokela. Uswe tukusyāgānia mu Bakorinti Bakibili kūko umwēne naloliloli āpyāgile mōsa pankyēni pa Kyala.

¹⁰⁴ Kēta kwa Yobu, u nnyambala umpelelesye, u nnyambala ungolofu. Kangi Kyala alitikiisye u mōhēsi umbibi ukwisa pa mwene, nukumfūnda umwēne, na filifyōsa ifīngi kuli ukupelelesya kwa mbepo gwāke. Muketile? Popāpo i mbepo inyali sili . . . Kyala ikubombela imbombo imbepo inyali utubalilo twingī ukubomba ulubatiko Lwake nu bwigāne Bwake.

95. Lilino, apa lilipo limo ili naloliloli lyo mwifwa. Ililālūsyo (Une ngwinogona umwēne yo mundu yulayula, panongwa yakuti ikyene kikuboneka ko kalakala akasimbilo): **Linga u mūndu ikufimbilisigwa ukuya na Mbepo Mwikemo ukuya—na Mbepo Mwikemo ukupīndūka nukubūka mu bunyakiligwa, ngimba kisakuyaga kayilo kaki ka bāna aba bafwile bo fikāli ifyīnja fya kwāmulila? Kangi mo ndili abēne bisakusyūkaga?**

¹⁰⁵ Lilino, nkundwe gwangu, kalumbu, une ngabagila ukukubula ugwe ikyo. Likayapo nalimo i Lisimbo pa kyene mwi Bāngēli mūmo une mbagile ukwaga kulikosa. Lōli une mbagile ukuyoba aminogono gāngu. Lilino, iki kisakukukasyaga ugwe gwe kwītika mu lipyāna lya Kyala. Umwe muketile, umundu uyu ikulonda ukumanya (ili lyo lilalusyo ilinunu fiyo. Muketile?) u mūndu uyu ikulōnda ukumanya iki ubusyūke—iki kisakubonekaga kwa bōnda, ukuti linga umwēne abagile ukuya na Mbepo Mwikemo ukuti abukege mu Kunyakiligwa . . . Mumo une njobīle, uko ko kotalusya. Ikyo kyo kufwana ni Bangeli. Uko ko kumanyisya kwa Lisimbo. Komma uku—komma ukubuka ku Mwanyā . . . Panongwa yakuti u abāndu

abāsusigwe na Mbepo Mwikemo yo busyuke bwakwanda, a Basaligwa. Kangi abasyāle ba bala . . . Abāngi ba bafwe batikuya nu bumi kuli ifyīnja elifu yumo. Ukufuma pa Fyinj'elifu, polelo ubusyūke bwākibili, ubulōngi bwa Kikota Kyelu ubukulumba. Mukatile? Ulo lo katikati lubātiko lwa Bāngéli. Loli u mundu uyu ikulonda ukumanya iki kikufwana na bāna aba. Abene . . . Mmasyu agangi, ngimba abene balinagwe u Mbepo Mwikemo bo abene bakāli bakapāpīgwa? Ngimba abene bālyambilile Ikyene? Lilino, ikyo une ngabagila ukubabula umwe.

106 Lōli lilino, unko uswe tuyobe bo ulu: Uswe tumenye ukuti abāna bābo bikufwa, kisitakupāsyā isya bapāpi bābo, abēne bapokīgwe. Lilino, une ngukānikana ni sukulu ya basololi pa ikyo. Abene bātīle linga akene kāli—kāfwīle nu mpapi uyu āli mbībi, ukuti u mwana yula ābagile ukubuka ku gehena, ukubola; patisakuyapo kangi'mma ku kene. Ena, Yeso . . . Yohani āyobile akabalilo kako Yeso ikwisa, “Kēta u Kang'osi gwa Kyala uyu ikusoosya imbibi sya nkisu.” Kangi linga u mwāna yula āli mundu, uyu ābagile ukwisa pāsī pa bulongi bwa Kyala, kangi Yeso āfwile ukwēga imbībi, imbībi syōsa syasōsigwēpo pankyēni pa Kyala akabalilo kākō Yeso āfwile panongwa yila. Imbībi syīnu syahobokelīgwe. Imbībi syāngu syahobokelīgwe. Kangi injila yēne iyi ugwe ubagīle ukuhobokelīgwamo siku ko kwitikisya ubuhobokelo Bwāke. Lilino, u mwāna akabagila ukwitikisya ukuhobokelo bwake, polelo akene kakābomba nakimo. Akene kakabīmba nakimo na panandi mma. Popāpo akēne ko naloliloli mwaitolo ukubūka ku Mwānya.

107 Lōli ugwe kwisakuyobāga, “Ngimba abēne bisakubūkaga mu Bunyakiligwa?” Lilino—lilino, ili lyo lisyu lyangu lyene; ili lyo linogono lyangu lilino. Komma . . . Une ngabagila ukusisimikisya iki ni Bāngéli. Lōli kēta. Linga Kyala, bo ulwalo lwa kisu lukāligwa, āmenye umundu aligwesa ikuyaga siku pa kisu kya pāsī . . . Ngimba umwe mukwitika ikyo? Umwēne āmenye imbwele inandi yiliyosa, imbani yiliyosa, imbwele yiliyosa, Umwēne āmenye kilikyosa iki kisakuyagamo siku pa kīsu. Linga Umwēne āmenye ikyo . . .

108 Kēta. Unko uswe twege mwa kwegelelapo, Mōse. Akabalilo kako Mōse āpāpīgwe, umwene āli nsololi. Pankyeni pa Yeremiya . . . Kyala ālimbūlile Yeremiya, “Bo ugwe ukāli nukubumbigwa munda mwa māma gwāko, bo ukāli ugwe ukubūmbigwāmo siku mūnda mwāke, une nakumēnye ugwe, kangi nakukemesisye ugwe kangi nukukusaya ugwe u nsololi ku fikolo.” Yohani u Mōsi, ifyīnja bamia bahano-na-babili na kalongo-na-babili bo umwēne akāli akapāpīgwa, Yesaya alimbwēne umwēne mu mboniboni, alinkuti, “Umwene yo lisyu lya yumo likukūta ndulangelanga.”

109 Ukusūngulīgwa-ngāni pamo ukumanyila-ngāni kwa Kyala amenye fyōsa ifya bāna banini (mukatile?), iki abēne bāyāga pakubōmba. Kangi Umwēne āmenye abēne bisakufwāga.

Umwēne āménye. Nakimo kibagile ukuboneka kisita Kyala amēnye isya ikyēne. Nakimo kibagile ukuboneka ku . . . Itolo bo yu Ntimi Nnunū, mumo Umwene ikwingila . . . Lilino, ukwega iki ukwisila mu Lisimbo, Une ndinkutoligwa ukuyoba i Lisimbo likuyoba *kyakuti-na-kyakuti*. Une itolo ngwēga ikyēne ku linogóno lyāngu.

96. Lilino, ililālūsyo ilikōnge lyo limo une ngwinogona ukuti lumo yumo āli iki une nāyobīle ikilo kimo. **Lingania u nkasi ukuya mpokígwe ukwisila mu kupāpa u mwāna.**

¹¹⁰ Unkasi akapokigwa nu kupāpa u mwāna. Lōli unko uswe tusanuke lilino kwa Timoti Gwakwanda 2:8 itolo i miniti. Kangi unko uswe itolo tusyāgāniege iki i Bāngéli likuyoba isya mwanike. Lilino, une ngusyagania ukuti ikyo kyo kimanyisyo kya kiKatolika, ukuti un^{*}Katolika ikuyoba u nkikulu ikupokígwa mu kupapa-bāna, ukwisila mukupāpa u mwāna. Lōli unko uswe tulinga . . . Une ndikwītika ikyo. Timoti Gwākwānda untu gwa 2, kangi unko uswe twānde pa linandi lya 8, nukubala itolo pakabalilo lilino. Umma ndaga, pilikisya.

Nkayīlo kalakala bōpe, fikuti abakīkulu bīnu bimogesyege bēne mmyēnda imibagile. . . (We tutikulōndigwa ukulālusya ikyo, bule uswe? Pilikisya ku iki.) . . . ni kisyo kya soni. . . (Whuu!) . . . kangi ulwiyīsyo; comma nu ukuluka isyāke inywīli, pamo inyāmba imbala, pamo imyēnda yantēngo; (Bakundwe, une ngubatūla umwe apa, une ngusūbīla. Fyosa ifilūndu ifipya ifi ilisiku lyōsa pamo amasiku matatu. Umwe muketile? Ikyo kikaya baKristi.)

Lōli (aba bikuya bakīkulu ukwiyoabela ubunyakyala) ni mbombo inunu.

Unko abakikulu binu bamanyilege nkimyemye nu kwilāmbika kōsa.

Lōli une ndikwitikisya u nkikulu ukumanyisya, pamo ukupoka ubulagili pamwanya pa . . . nnyambala, loli ukuya . . . kimyemye.

Kabuno Adamu ābumbigwe akākwānda, kangi polelo Eva.

. . . Adam akāsyobígwe mma, loli u nkikulu ukuya nsyōbígwe āli mbutulwanongwa.

Palema bo iki umwene isakupokigwaga mu kupāpa-bāna linga. . . (Lilino, umwene atikuyoba ku nkikulu gwa kisu kyapasi, ukuya nu twana.) . . . linga umwene ikukindilila mu lwitiko. . . (Muketile? Linga umwene ikukindilila. Umwene yo atalile. . . Uyo yo nkikulu umwene ikuyobapo, unkikulu uyu atalile apokigwe. Muketile?) . . . kangi u lugano nu bugolofu na mabyebye gōsa.

¹¹¹ Komma ukwisila ukuya nu mwāna kikumpela umwēne ukupokigwa, lōli panongwa yakuti umwēne ikukusya abāna, ikubōmba imbombo yāke, komma ukukusya abapūsi, imbwa, kangi fyo-fiki ifyakongelelapo ukwēga ubuyo bwa mwānike, bo mūmo abēne bikubōmbela umwīsyūgu, ukupa akēne u lugano lwa mama ukuti umwene abagile ukubuka panja nukubopela ukusyūngutila ikilo kyosa. Abandu bamo bikubomba ikyo. Nsuluménie, lōli abēne bikubōmba ikyēne. Ikyo kyo kyakutilisya kyamatinge kwa une ukuyoba, lōli u bwānalōli bo bwanalōli. Muketile? Abene batikulonda u mwāna ukuya bapinyiligwe pási na kēne. Lōli mu kupāpa-bāna, linga umwēne ikukīndilīla mu lwītiko, bwīkēmo, na bōsa ubwāgānie, umwēne isakupokigwa. Lōli *linga* go, ugwe kwisakupokigwaga nūgwe, *linga* ugwe upāpīgwe kabubili. Ugwe kwisakubūmbulusigwāga *linga* ugwe kwitika. Ugwe ubagile ukwambilila Mbepo Mwikemo *linga* ugwe kwitika Ikyēne, ukwitendekesya ku Kyene, *linga* ugwe gwitendekisye ku Kyene. Kangi umwēne isakupokigwaga *linga* umwene ikūmilisya ukubomba ifindu ifi (muketile?), lōli komma panongwa yakuti umwene yo nkikulu. Popāpo uko ko kotalusya, nkundwe, kalumbu. Ikyēne kikaya kimanyisyo kya Katolika napanandi pōsa. Lilino une ngulōnda. . . Apa lilipo ilīngi limo ili lyo nalōli likubanilila lila. Polelo uswe tuli nalyo limolyene ukōngelelapo. Une ngwinogona lumo uswe tuli na kabalilo ka iliyene. Une itolo negile kōsa akabalilo kitu. Lilino, iki kyo itolo—iki kyo itolo fyakukōnga fya luyigo. Iki kyo fyakukōnga fya lukomano, amalālūsyo aga.

97. Lilino: Nkundwe Branham (ikyene kyo kisīmbìgwe ni taipei), ngimba iliyene lyo Lisimbo kuli u mūndu ukuyoba mu ndimi nukusanusya i ndumi yake yene? Linga polelo, ngusuma lingania. Bakorinti Bakwanda pamo Bakorinti 14:19 na Bakorinti 14:27.

¹¹² Umma ndaga, unko uswe tubūke kula ku Lisimbo lila nukukéta iki iliyene likuyoba. Kangi polelo uswe twisakukeeta ukuti kali uswe tukuyunga i Syamasimbo iki. Uswe tukuloonda ukuya Kyamasimbo. Kangi Bakorinti 14. Lilino, umundu ikulonda ukumanya *linga* ikyene Kyamasimbo ukuya nnyambala ukusanusya i ndumi yake yene iyi umwene āyobile mu ndimi. “Linga momumo, *lingania* a Bakorinti 14:19.” Unko uswe tukēte, 14 na 19. Umma ndaga, apa uswe tuli.

Lōli mu fipānga une. . . kinunupo ukuyoba amasyu mahano nu kupilikisya kwāngu, ukuti ukwisila mu lisyu lyāngu une mbagile ukubamanyisya abangi nāne, ukukinda maelifu kalongo. . . mu. . . ndimi insitakumanyigwa.

Lilino, ilikōnge lyo linandi lya 27, abēne bikulōnda ukumanya.

Linga u nnyāmbàla aligwēsa ikuyoba mu lulimi ulusitakumanyigwa, unko icyēne kiyega ukwisila babili, pamo ku... ukukīnda ukwisila batatu, kangi ikyo ukwisila nkuyabana-kabalilo; kangi unko yumo asanusye.

113 Lilino, une ngwega iki u mundu uyu ikugela ukufikako (iki une ngulōnda—une nguyaga pakubala ikindukimo kwa umwe itolo akabalilo). Loli une ngwinogona iki u nkundwe pamo kalumbu ikugela ukufikako, “Ngimba icyēne kili kanunu ku mūndu uyu ikuyoba mu ndimi yope ukusanusya i ndumi iyi umwēne āyobīle?” Lilino, gwempala mwinangu nganigwa, linga ugwe kwisakubala ilinandi lya 13 mu ntu gulagula, icyene kikukubula ugwe:

Panongwa ya iki unko umwēne uyu ikuyoba mu lulimi ulusitakumanyigwa ipūte ukuti umwēne abagile ukusanusya.

114 Naloliloli. Umwene abagile ukusanusya indumi yake mwene. Lilino, linga uswe itolo... Unko uswe itolo... Ena, ugwe... Bala kyosa kya icyene apa, kangi ugwe ubagile ukuketa Ikyene kyo... Itolo bala untu gosa gula. Ikyēne kyo kinunu fiyo, kikulingānia icyēne.

115 Lilino, ukuyoba mu ndimi... Lilino, akabalilo kako uswe tuli pa ikyo, kangi iki ukuya pa tepi, une ngulonda ukuyoba ukuti une ngwitika itolo mu ndimi mumo une ngwitikila mu bubumbulusyo Bwakyala, kangi u—u lōsyo lwa Mbepo Mwikemo, u Kwisa kwakibili kwa Kristi, kangi a maka ga kīsu iki kikwisa; Une ngwitika itolo bo bwingi mu ikyo mumo une ngwitikila, loli une ngwitika ukuyobela mu ndimi buli nu buyo bwake itolo bo ku kwisa kwa Kristi kuli nu buyo bwake; ububumbulusyo Bwakyala buli nu buyo bwake; kilikyosa kili nu buyo bwake.

116 Lilino, kwa umwe bāndu, une ndinalo ulusako ukuyoba iki lilino, kangi une ngulōnda ukulīngānia icyēne. Kangi linga une ngufulasya aligwesa, une ndikusanusya icyene mma. Une ndikusanusya ukupela ubufuluganiko. Loli pilikisya. Iki kyo kyātamisye nu kuyoba mu ndimi insitakumanyigwa na bāndu ba kiPentekosti (iki nili nimwene; Une ndi gwa Pentekosti. Muketile?)... Lilino, iki kyāli lutamio kyo iki: ukuti abēne batikutīla icyēne. Kangi ikindu ikingi, abene balinkukileka itolo icyene kibukege ku ndufuluganiko. Abene batikugomokela ku Lisyu.

117 Lilino pilikisya. Apa po yilipo i njila—i unko—apa po yilipo i njila i kipanga kibikigwe. Lilino, mu kipanga kya kiPentekosti, linga une nāli ntimi ku kipanga iki, une ngubabulaga umwe mūmo une mbagīle ukukibika icyēne mōsa (muketile?), linga une nāli—nabagīle ukuya apa akabalilo kōsa ukutīma icyēne. Une āngāle ngwēga i kikūngilwa kilikyōsa mwi Bāngēli. Ukubabūla

abītiki icyākwaṅanda ukuya bōsigwe mwa Mbepo Mwikemo. Kangi polelo, icyabupe kya Bakorinti Bakwanda 12 kyayaga pakubomba mu kipanga kyangu, linga une nābagile ukubegela abene mula, umbili gosa gukubomba.

¹¹⁸ Lilino, linga umwe mukukētésya... Kisitaukutēndéka ubuyobelo lilino. Kangi kumbukilaga, une ngabagila ukuyoba ilisyu limolyene ili likulwana—une mbagile ukuhelula Mbepo Mwikemo. Kangi Kyala amenye une ngabagila ukuyoba ikyo nubusobi. Muketile? Loli une nguyoba itolo iki ukugela ukupa ugwe u kukēta kwa Lisimbo ukufuma pāpo une nkifūndīle icyēne lilino ku kifuki fyiṅja malongo mabili. Une nālumbilīlaga ku fyiṅja malongo matatu. Kangi une ngīndīlēmō mu kilikyōsa, itolo nikwābilēmō ukukīnda; umwe mubagile ukwīnogonela iki icyēne kiyīlile ngati. Kangi ukukētésya unnyāmbāla aligwesa, kangi ikimanyisyo kyābo, ikīsu kyōsa. Kangi ukwēga icyēne panongwa yakuti icyēne kyo kifumbwe kyāngu. Ikyene kyo kifumbwe ku bandu palubafu lwa nimwene. Une mbagile ukusōkāpo apa. Ugwe ubagile ukusōkāpo apa. Kangi linga une ngubuka ukuya nsololi gwabutungulu, une ngutagaga u moyo gwangu nimwene nukutaga ugwīnu na une. Popāpo icyēne kyo kyakukīndapo—icyēne kyo kyakukīndapo unkati gwa lisiku lyōsa; icyēne kyo kukīndāpo ubufumuke; icyēne kyo kyākukīndapo kalikōsa akāngi; icyēne kyo Būmi kwa une. Muketile? Kangi une ngulōnda akabalilo kōsa ukuya kisolofu-ukukīnda ukwa bwanalōli-ndumbula.

¹¹⁹ Lilino, ugwe kubuka nkipinga kya kiPentekosti, ikindu kyakwanda... (Une ndikusanusya fyosa fya ifyene. Bamo mwa bali...) Kīngi ka kabalilo ugwe fufika mu kipānga nukwānda ukulūmbilīla; akabalilo kako umwe mukulumbilīla, umunduyumo isakusumuka mmwanya nukuyoba mu ndimi. Lilino, u mūndu umpala yula abagile ukuya mpelelesye īsusīgwe na Mbepo Mwikemo, kangi uyo abagile ukuya Mbepo Mwikemo ikuyoba ukwisila mu mundu yula, loli i kindu kya ikylene kyo, abene bakamanyisigwa. Linga ubutumigwe ubu pa kigemo buli pāsī pa bupakigwe ikuyoba, u mbepo gwa basololi ikupilikila ku nsololi. Muketile? “Unko ifindu fyosa fibombigwe...” Lilino, ukufika ukukilania apa mwa Pauli nongwa ya fiki umwene ikuyoba ukuti “akabalilo kako yumo ikuyoba,” na fyosa bo ifyo... “akabalilo kāko umwēne ikwisa mula, mula mwāli itolo ulufuluganiko.”

¹²⁰ Lilino, une ndendike ukukōlela kwa pa kigemo, kangi umundu yumo ikufyuka mmwanya nukuyoba mu ndimi. Ikyene itolo... Ena, ugwe itolo kifwene itolo ukuleka ukukōlēla kwa pakigemo. Ikyene kikwimika ikylene. Muketile?

¹²¹ Kangi polelo, ikindu ikingi. Utubalilo twīngi abāndu bisakufyūka mmwānya nukuyoba mu ndimi, kangi abāndu bikwitūgasya nukutafunya umpulya gwakutafunya, bikukelengania. Linga Kyala ikuyoba, yaga kimyemye, pilikisya!

Linga ubo bo Bwanaloli, linga uyo yo Mbepo Mwikemo ikuyoba mu mundu yula, ugwe kwitugasya kimyemye nu kupilika, yaga gwaluyĩndiko. Ulusanusyo lumo lubagile ukwisa kwa umwe. Muketile? Ukwitugasya kimyemye; pilikisya kuli u busanusi. Lilino, linga akayapo unsanusi nkipanga, polelo abene babagisenie ukukolelela ulutengano lwabo mu Mbili.

¹²² Kangi polelo, akabalilo kãko abene bikuyoba ni ndimi insitakumanyigwa, i Bãngeli lyãyobile, unko abene bayobe ku bibene ku bene na Kyalala. Umwene uyu ikuyoba mu ndimi inhesya ikwiyege mwene. Lilino, isyo syo ndimi insitakumanyigwa; akayobelo, injobelo syo sikĩndene. “Isyene syo nakimo,” umwene ikuyoba. . . Lõli iki kikipela a kũgo kili nu busanusi. Loli ugwe. . . Linga ingangabwite yikukuba, ugwe kufimbilisigwa ukumanya iki ikyene kikipilikigwa (. . . itolo kikiputa ikyene) pamo ugwe utisakumanya akĩtendekisye gwĩmwene kuli ubwite. Linga aligwesa ikuyoba mu ndimi, kangi itolo “tuu”; ikyo kyo kyosa kilipo ku kyene, ywani amenye ikyakubomba. Lõli linga ikyene kikwãnda u *refele*, ulu likusanusya “sumuka mmwanya!” Linga ikyene kikipũta *tapusi*, ikyo kokuti “bũka pãsi.” Muketile? Linga ikyene kikipũta u *ndukonkyeni* ikyo kikusanusya “ndukonkyeni.” Ikyene kikufimbilisigwa ukupa ubusanusi, kangi itolo komma itolo ukuyoba kwene. Popãpo mu kipãnga, linga akayapo u nsanusi, lõli ukuti alipo u nsanusi yumo, polelo indimi syo isi syosyãke sya nkipãnga.

¹²³ Lilino, ku lilaalusyo lyaako, mwinangu, ili likuyoba, “Une kinunupo ukuyoba maelifu mahano. . . amasyu mahano nkati, kangi ukuti abãndu babagile ukumbilikisya une ukukĩnda maelifu mahano (pamo kilikyosa ikingi ikyene kikuyoba) mu lumini insitakumanyigwa.” Ikyo kyo kyabwanaloli. Lõli balaga kĩndililãga pãsi: “. . . pene pãpo ikyene kiyege ukwĩsila ubusetuli pamo ukwĩsila ubusanusi ku buyengi.” Muketi? Uku yenga.

¹²⁴ Lilino, une itolo mu luko lumo nisakupa umwe akafũdo akanini bule linga—iki. . . Linga une nãli ntĩmi i kipanga iki kikwisa, linga Kyalala abagile ukungõlelã une ukutĩma ikyene, apa po yilipo i njila une ngwẽndesyaga ikyene: Une angali ngugela ukummwaga umundu aligwesa nkati mula uyu aali ni kikũngilwa. Kangi une ãngali nguyaga na bãndu bala ukwãgana kifuki isala yimo bõ lukãli ulukomano ukwãndãmo siku, nkyũmba ku bene. Baleka abene bitugesye pasi pa Mbepo. Kangi ikindu kyakwanda umwe mumenye, yumoywene ikusuluka, umwene ali ni kikũngilwa kya kuyoba mu ndimi. Kangi umwene ikuyoba mu ndimi. Aligwesa ikwitũgasya kimyemye. Kangi polelo yumo ikufyuka mmwanya kangi ikulingania iki umwene ikuyoba. Lilino, bo ikyo kikãli ukupigwa ku kipanga, i Bãngeli likuyoba ikyene kikufimbilisigwa ukulõngigwa pakati pa baketi babili pamo batatu. Lilino, uyo yo nnyãmbãla uyu ali nu kumanyila-ngãni kwa mbepo (muketile?), panongwa

yakuti utubalilo twingi amaka amabibi gikufika nkati mula. (Muketile?) Pauli ayobile isya icyène. Lōli polelo, amaka ga Kyala gali nkati mula gópe. Mbula une i kilundilo kũko ububibi butikubĩkĩgwa. Mbula une kũko abānabalumiána ba Kyala bibũngénie palikimo kũko Sētáno akaya pakati pa bēne. Ikyène kyo kilikyōsa. Popāpo komma ukukĩny'inginya ku ikyo. Muketile? Sētáno ali kulikōsa. Lilino, apa uswe tulipo. Umunduyumo ikuyoba mu ndimi. Lilino, balipo batatu bitugesye pala aba bali na Mbepo gwa kumañyila-ngāni. Kangi yumo ikuyoba mu ndimi nukupa indumi. Lilino, icyène kikabagĩla ukwāndĩsya i Lisimbo, panongwa yakuti Kyala atikubōmbéla ukwāndĩsya ukwaitolo, kangi Umwēne ātubūlile uswe komma ukubōmba. Muketile? Polelo icyene kikaya ikyo mma. Iyene yo ndumi ku kipanga.

¹²⁵ Uswe tufumile pakuya ni fĩndu fibili mu lusasano ulu mpaka na lino. Kētēsya iki kimo kilikyōsa kya ifyène fyāli—fipelelesye, palapala pa butononde. Muketile? Ukusemela mula. Unnyāmbāla yumo alinkfyūka mmwanya, nukuyoba mu ndimi, kangi alinkupa ubusanusi, kangi alinkusyūmbutuka palapala ukugomokela ukusyūngutila, nukusisikisya i ndumi yila iyi itolo yabūkile panja. Uyungi yumo āfyūkile ikilo kimo, kangi ayobile mu—pāsi pa bupūtigwe bwa busololi, kangi ayobile ikindukimo, kisita kumanya iki umwēne ayobāga; kangi polelo ku bumalikisyo umwēne alinkuyoba panja, “Nsayigwa yo umwene uyu ikwisa mu Ngamu ya Ntwa.” Nakalinga ikindukimo kyālingolile une mbibimbibi itolo nukuyoba, “Munjil'iyingi nsayigwa yo umwene uyu ikwitika ukuti uyu yo Ntwa isile.”

¹²⁶ Kēta i kyapakati—polelo u Mbepo Mwĩkemo alinkugwa mu kiyũmba nkilo kya mmayolo. Muketile? Ikyo kyo kuli ubuyēngi. Une nālimile pala ukugela ukubabula a bandu ukuti abene bikufimbilisigwa ukwambilila Mbepo Mwikemo. Kangi u mōhési ālīsile nkati ukusyungutila abāndu, ikuyoba, “Komma ukupilikisya; itūgāsya kimyemye.”

Kalumbu gwangu alinkuti, “Bill, une nāli nhobofu fiyo akabalilo kako ugwe gwālumbililāga; nĩpilikaga ngati une nābagile ukufyūka mmwanya nukunyēla ukukilania ikibũmba.”

Une ndinkuti, “Fyuka mmwanya kangi nyela.” Ikyo kyo kyosa.

Kangi umwene alinkuti, “Lōli akabalilo kāko ugwe gwabukaga ukubomba ikyo,” kangi alinkuti, “abandu balinkwanda ukuywēga,” alinkuti, “polelo une itolo ndikwĩpilika ngati une nāli gwaĩyolo nakimo.”

¹²⁷ Une ndinkuti, “Uyo yo mōhési. Uyo yo Sētáno. Akabalilo kāko umwēne ukwīsa nkati ukubōmba ikyo,” une ndinkuyoba, “ugwe āngāli ufyūkile mmwanya mulimōsa.” Uswe tuli bapūti kwa Kyala, ukutēndēka ilikemo lyamwambepo—ilikemo, iseke sya milomo gyiitu ukupa ulutufyo ku Ngamu Yāke. Muketile?

128 Lilino, lilino, apa kilipo iki kyāboníke. Polelo u Mbepo Mwikemo alinkōnēka, panongwa yakuti ikyo kyaali itolo... “Nsayigwa yo yūyo uyu ikwitika.” Fibili, fitatu ifi kilo ukutalula une nāgelile ukwāla ikyo nkati mula; kangu polelo, u Mbepo Mwikemo aayobile kangu alinkuti (pasi pa lupūtilo) alinkuti, “Nsayigwa yo yuyo uyu ikwisa mu Ngamu ya Ntwa.” Kangu bo une ngāli ukuyoba kalikosa, une nābombile nāyobile ikylene ukwāndisya. “Nsayigwa yo yuyo uyu ikwitika Untwa isile mu iki.” Umwe muketile? Kangu une itolo nāyobāga iki, u Mbepo Mwikemo yo Kyalā Mwene mwa umwe. Muketile? Kangu abēne bakikolāga ikyēne. Muketile? Kangu polelo u Mbepo Mwikemo alinkugwa pakati pa bāndu. Kēta mūmo Ikyene—Ikyene kikuyēngela, ubusololi?

129 Lilino, kulipo ukukindana pakati pa busololi nu nsololi. Ubusololi bukubuka ukufuma kwa yumo ku nnine, loli unsololi apapigwe ukufuma ku bwāne nsololi. Abene balinayo ISI SYO IKUTI UNTWA! Kisita kulonga isya abene. Umwe mutikuketa abene bikwima pankyeni pa Yesaya, pamo Yeremiya, aligwesa gwa basololi bala, panongwa yakuti abene bāli na ISI SYO IKUTI UNTWA! Loli u mbepo gwa busololi pakati pa bandu; ugwe kufimbilisigwa ukuketesya ikyo, panongwa yakuti Sētāno isakutelemukila nkati mula. Muketile? Lilino. Lōli ikyēne kikufimbilisigwa ukulōngigwa.

130 Lilino, uswe tuli—uswe tukuyaga nu lusasanio. Lilino, kētésya iki kifuki fiyo lilino, umwe balumbilili. Uswe tukwitendekesyaga ulusasanio. Umma ndaga. Pamo lumo uswe tuli itolo nu bubombelo bwabwīla bwa kipanga. I kipanga kili pa moto. Ikyēne kibagīle ukuya akabalilo kōsa. Ena, lumo uswe tuli nabo bahano pamo abāndu ntāndatu aba bo abāndu bafikūngilwa; yumo ikuyoba ni ndimi, babili pamo batatu lumo ikuyoba mu ndimi, bana pamo bahano ni ndimi, bāli ni kyabupi kya ndimi, ukuyoba mu ndimi inhesya. Babili pamo batatu ba abene babagile ukusanusya. Lumo alipo yumoywene—babili, pamo batatu ba abene aba bali ifikungilwa fya mahala. Umma ndaga. Abēne bōsa bikwāgana, abakipēgigwa abāndu bala... Ugwe... Ifikūngilwa fila fipīgwe kwa ugwe komma ukusāla nafyo, komma ukuyoba, “Lwimiko kwa Kyalā, une nguyoba mu ndimi! Aleluya!” Ugwe—ugwe gwe—ugwe kwīsulusya pāsi gwīmwēne. Ifyēne fyo, fipegigwe kwa ugwe ku mbombo nafyo. Kangu ikiyabo kyāko mu kipānga kibagile ukwīsa bo lukāli u lukomano ulunywāmu ukwānda, panongwa yakuti abasitakumanyisigwa bikuyaga pakati pa uswe.

131 Polelo umwe mukuya pakusōkāpo ukwīngila nkyūmba, kangu umwe mukwitūgāsya mula, umwe bāndu palikimo, panongwa yakuti umwe mwe babōmbi-palikimo mu Nongwainunu. Polelo umwe mukwitūgasya mula. “Ntwa, ngimba kalipo kalikosa Ugwe kulonda uswe ukumanya ikilo iki? Yoba kwa uswe, O Gwakumwanya Tāta,” ukupa inyīpūto,

ukusũmila; ukwĩmba inyĩmbo. Nukutalula ukusuluka ikwisa u Mbepo, ikugwa pa mundu yumo, ikuyoba mu ndimi. Yumo ikufyuka mmwanya nukuti, “ISI SYO IKUTI UNTWA.” Ngimba ikyene kyo fiki? Pilikisya. “Buka ukambule Nkundwe Jones ukusõkako ukufuma ku buyo kũko umwene ikwitugasyámo, kabuno kilábo pamusi pisakuyaga kafulafũmbi ukupyágila ikĩsu kila; kangi ikyene kikwegaga i nyumba yake. Ege ifyombo fyake nukusoka!”

¹³² Lilino, ikyo—ikyo kikupilikigwa kinunu. Loli gulila i miniti. Pala pakufĩmbilisigwa ukuyapo abanyãmbála batatu pala aba bali na Mbepo gwa kumanyila-ngãni. Yumo mwa bene bikuyoba, “Ikyene kyãli kya Ntwa.” Uyungi yumo ikuyoba, “Ikyene kyãli kya Ntwa.” Ikyo kyo babili ukulwana na batatu—babili pamo batatu abaketi. Umma ndaga. Abẽne bikusĩmba ikyo pãsi pa kapatu ka kalatasi. Ikyo kyo iki u Mbepo ayobĩle. Umma ndaga. Abene bikugomokela ku kwiputa, ukumpalisya u Ntwa.

¹³³ Ukukinda akabalilo, “ISI SYO IKUTI UNTWA (unsololi ikufyuka mmwanya) ISI SYO IKUTI UNTWA, ikilo iki, ukufuma ku New York City isakuyaga nkikulu; umwene ali pa kitala; umwẽne ikwĩsa nu nyumba pa kitala. Umwẽne ali ni kitambala ikyambindimbini ukusyũngutila untu gwãke. Umwẽne ikufwa na kansa. Iki kimpelile umwene ukuya njila iyi, u Ntwa ikukõlelela ukulwana nu mwene: akabalilo kamo umwene alĩbile ihela ukufuma ku Kipanga Kyake akabalilo kãko umwene aali ni fyinja kalongo na ntãndatu mbukusi. Mbula Nkundwe Branham ukumbula umwene ifindu ifi. ISI SYO IKUTI UNTWA, linga umwene isakupelaga ikyo ukuya kitalusye, umwene isakubumbulusigwaga.” Gũlĩla i miniti. Ikyo kikupilikigwa ukuya kinunu fiyo, lõli gũlĩla i miniti. Ugwe kuyaga ku kubĩka ingamu yãko pa kalatasi iyi, mmanya-ngãni? Ngimba ugwe kuyaga kukubĩka i ngamu yãko?

¹³⁴ “Ikyene kyãli kya Ntwa.” Yumo alinkuti, “Ikyene kyãli kya Ntwa.” Polelo—polelo ugwe simba ikyene, “ISI SYO IKUTI U NTWA, ikilo iki pisakuyapo u nkikulu ikwisamo, ikindu *kyakuti-kyakuti*.” Yumo nu kumanyila-ngãni kwa mbepo, babili pamo batatu ba abẽne bikusaina ikimanyilo kyãbo ku kyẽne. Indumi syosa isi sikupegigwe. Umma ndaga.

¹³⁵ Polelo ukukĩndapo akabalilo abene bikwanda ukupilika i libangala likukuba. Ikipanga kyãndile ukwẽga pala. Polelo abene bikutwala indumi sila, ukusilãmbalika isyẽne papapa apa pa kigemo. Papapa apa pa pãpo isyẽne sibagile ukuya silãmbalale. Une nsõkilẽpo pa buyobumo ngufũnda, ngwĩpũta. Ukukinda akabalilo une ngusõka pãnja ukufuma pãpo inyĩmbo sikwĩmbigwa. I kipãnga kili lõsa ndubãtiko, abãndu bikwĩsa, bikwĩtũgãsa, ukwĩnogona, ukwĩpũta; ikyo umwe mukulõndigwa ukubõmba. Komma ukwisa ku kipanga nukuyoba yumo nu nnine, isaga ku kipanga ukuyoba kwa Kyala. Yaga nu bulilanisi bwĩnu pãnja pala. Muketile? Uswẽ

tukulilanila na Kyala lilino. Kangi uswe tukwīsa apa tukuyoba, kilikyosa nikimyemye, nuluyīndiko, u Mbepo ikwenda. Unkubapiano ikwīsa ku piano kifuki amaminiti mahano bo lukāli ulukomano lwa nyīmbo ukwānda, anda naloliloli nubunoge:

Kula ku kipingika kuko u Mpoki gwangu
alimfwilile,
Kula kula panongwa ya kusukígwa ku mbībi
une nakūtīle;

Pamo akimbo akanini akanyafu, naloliloli nikimyemye. Ikyene kikutwala u Kuyapo kwa Mbepo Mwikemo ndukomano. Muketile? Umma ndaga.

¹³⁶ Abāndu bītūgésye pala. Bamo mwa bene bo naloliloli—bikwanda ukukūta kangi ukufyuka ku kigemo, ukupinduka bo ubulumbilili bukāli bukandamo siku. U Mbepo Mwikemo ali pala. Muketile? Ikipanga kili mbubabe. Abakristi bikwīpūta; abēne bali na mabuyo gābo. Abēne batikwitūgasya pala bikutafunya umpulya gwakufafunya, bikuyoba, “Eyi, Liddie, mbapo une tumo utwāko utulāngi-twa-mmilomo; Une ngulonda... Umwe mumenye. Umwe mumenye. Une ngufūmbwa... Ugwe umenye, ilisiku ilīngi akabalilo kāko une nāli pāsi pala ngūla, une ngubabūla umwe, une nāli kifuki ukukanya pa nyōbe syīnu syammalūndi. Ngimba une naketilemo siku uluko lwa... Ngimba umwe mukwinogona fiki isya ikyo?” O, kisa! Kangi kukikōlēla ikyene mu nyumba ya Kyala. Fiki, ikyene kyo kikosyasoni. U Mbili gwa Kristi ukwisa palikimo. Apo uswe tukwitūgasya.

U nnyambala itugesye kifuki, “Yoba, ugwe umenye akabalilo kako uswe twabukile ukukilania kula, uyu *gwakuti-na-gwakuti* kangi *gwakuti-na-gwakuti*...” Ikyo kyo kili kanunu mosa, lōli nkati muno ikyēne kyo nyumba ya Kyala.

¹³⁷ Isaga muno mukwīpūta; ega utubuyo twīnu. Une nguyoba lilino, komma ku fipānga fyīnu, bakundwe. Une ngamanya iki umwe mukubomba; une nguyoba ku kipanga iki. Une nguyoba ku kifigo kyangu kya kunyuma. Muketile? Uko ko kutalusya.

¹³⁸ Lilino, akabalilo kako umwe mukwisa muno bo lula, polelo i kindu kyakwanda umwe mumenye, u ntimi ikweenda panja. Umwēne yo nubupya. Umwēne atikufimbilisígwa ukwāmūla *iki, kila*, kangi *ikīngi*. Umwene ikwisa itolo ukufuma ku—ku ndungwa ya butumigwe bwake. Umwene aali pasi pa maka ga Mbepo Mwikemo. Umwēne ikwēnda itolo nkati kūko indapi sya moto sibūngēne palikimo. Iyene yili kifuki mbanda lilino (muketile?), umwene ikwendendeka ukusyungutula. Umwene ikwenda panja apa, ikupimba iki. “Indumi ukufuma ku kipanga: ‘ISI SYO IKUTI UNTWA, Nkundwe Jones asāme ukufuma ku nyumba yake. Kilabo pamusi pa sala ya kibili u kafulafūmbi isa kupyāgila ikisu kyāke. Ege ifyōmbo fyāke nukusōkako.”

Nkundwe Jones ikwēga ikyo. Umma ndaga. Ikyo kyo pa buketi. “ISI SYO IKUTI U NTWA, apene pisakuyapo unkwikulu ni ngamu ya *Gwakuti-na-gwakuti* ikwisaga muno ikilo iki, kangi ikyene kyāli—umwene abombile *isyakuti-ni-syakuti*.” (Mumo une njobile itolo, muketile, bo ulo.) Umma ndaga, ikyo kilāmbalele ukukilania. Ikyo kyo ikyēne. Abēne batalife bali nu buyo bwābo lilino mu kipanga. Umma ndaga.

¹³⁹ Polelo umwene ikwega i ndumi. Kangi i kindu kyakwanda umwe mumenye, umwene ikwanda ukulumbilila. Nakimo ikyakufufania; ikyene kitalile kikubonike pa buyo. Lilino, uswe tukukindililaga, uswe tukulumbilila indumi.

¹⁴⁰ Kangi ukufūma pala akabalilo kako i . . . I kindu kyakwanda umwe mumenye akabalilo kako i ndumi yimalike, ulukindi lwa bubumbulusyo lukwanda. Apa ikwisa u nkikulu. Yumo āyobile mu ndimi nukuti umwene isaga. Muketile? Aligwesa gwa uswe amenye iki kikubonekaga. Aligwesa gwa uswe amenye ikyene. Muketile mūmo u lwitiko lukwanda ukuyenga ni ndimi sya moto simile pamwanya pa umwe lilino. Umwene āndile ukwibungania palikimo. Fiki, ikyene kyo itolo mbombo immalisigwe; ikyo kyo kyosa.

Unkwikulu yula . . . Une nguyobaga, “Nka. *Gwakuti-na-gwakuti*, ukufuma ku Kāya ka New York, itūgesye apa . . .” Muketile?

“O, uko ko kutalusya. Ngimba ugwe umenye bulebule ikyo?”

“Iyene yo ndumi ukufuma kwa Ntwa ukubuka ku kipanga. Akabalilo kāko ugwe gwāli ni finyinja kalongo-na-ntāndatu mbukusi, bule ugwe pa buyo *bwakuti-bwakuti* kangi ubōmbile—gwalyēgile ihela simo ukufuma ku kipanga, kangi gwāhīyile iyēne, kangi gwābūkile pānja, kangi gwākabile imyēnda imipya ni yēne?”

“O, uko ko kutalusya. Uko ko kutalusya.”

“Ikyo kyo katikati iki Kyala atubūlile uswe ikilo iki ukwisila mwa Nkundwe *Gwakuti-na-gwakuti*, āyobile mu ndimi; Nkundwe *Gwakuti-na-gwakuti* ālingenie; Nkundwe *Gwakuti-na-gwakuti* kuno āyobile, isya kukētela-ngāni, alinkuyoba ikyēne kyāli ukufuma kwa Ntwa. Kangi ikyo kyo bwānalōli.”

“Ena!”

“Polelo, ISI SYO IKUTI UNTWA, buka katendekesye isyene kanunu, kangi ugwe kwisa kukindaga pamwanya pa kansa gwako.”

¹⁴¹ Nkundwe Jones ikubūka ku kāya, ikwēga amagali ga gileta, ikupāngania mōsa, ikwēga ifyōmbo fyāke, nukusōkako ukufuma kula. Kangi isala yakibili kilābo pamūsi: Swii! kikubūka ikindu kila kyōsa kipufwike. Muketile? Polelo i kipanga kukutūfya . . . “Ndaga ugwe, Ntwa Yeso, panongwa ya bununu Bwāko.” Lilino, ikyo kyo iki ikyēne kili, uku yēnga, kuli i kipānga.

142 Lilino, bule linga ikylene kitikuboneka bo abene bayobile ikylene? Polelo umwe muli na mbepo umbibi pakati pa umwe. Ugwe utikulōnda ikindu ikibibi kila. Nongwa ya fiki umwe mukulōnda ikindukimo ikibibi akabalilo kāko i—i imyānya giswile na kiPentekosti kyanalololi? Komma ukwēga ikyāiyolo kyakwimilambuwo ukufuma kwa mōhēsi. Ega ikindukimo ikyānaloli. Kyala ali nakyo ikyēne kuli ugwe. Polelo komma umwe ukuya ni ngomano kangi mma, nukubika kalikōsa pamwanya apa, mpaka Kyala atalile asisimikisye ukuti umwe mwe batalusye, panongwa yakuti ugwe uli ntūli ku kipanga pa mbombo ya Nongwainunu. Lilino, umwe mukupilikisya ikylene iki ikylene kili?

143 Kangi indimi, indimi insitakumanyigwa. . . Nayumo umūndu umwēne—amenye iki umwēne ikuyobelapo. Umwene ikuyoba; loli akogo kalikosa kalinalo lusanusyo. Ako kali nu kusanusya. [Nkundwe Branham ikukuba ifiboko fyake—Nsimbi.] “Glaki, glaki, gilaki!” Kila kili—kila kyo i—kila kyo njobelo yimi kubuyobumo.

144 Akabalilo kāko une nāli mu Africa, une ngālitikemo siku ikyēne, lōli kilikyōsa iki kyātēndike unjwēgo kyāli nu luko lumo lwa lusanusyo ku kyēne. I Bāngēli lyāyobile kakayapo akōgo nakamo akasita mbombo, kisita busanusi. Akōgo kalikōsa aka kakutēndekigwa kali ni busanusi bumo ku kindukimo. Fiki, une nābagile ukupilika abandu bikuyoba. . . Une nābagile ukuyoba, “Yeso Kristi, u Mwanundumiana gwa Kyala.”

145 Yumo mwa bēne ābagile ukubūka [Nkundwe Branham ikwegelela unsanusyi gwa kiAfrika—Nsimbi.]. Uyungi ikubuka [Nkundwe Branham kangikunangisya.]. Kangi yula aali, “Yeso Kristi, u Mwanundumiana gwa Kyala.” Muketile? Ikyēne kyāli ni. . . Kangi komma ukusanusya nakimo kwa une, lōli ku bēne ikyēne kyāli injobelo itolo mūmo une nguyobelā kwa umwe. Akabalilo kāko unsanusi gwa aba Zulu, aba Xhosa, aba Basutu, kangifyo fiki ifyakōngelelāpo, bikwisa mula, aligwēsa uyu āyobigwe, aligwesa āpilikisye. Kangi ifindu ifi fifyo umwe mukupilika abandu aba itolo bikulabalaba itolo, kangimukwīnogona ikyēne kyo kilūndiko kya kulotoka, ikyēne kikaya; ikyēne kili nu busanusi. Popāpo uswe tukulōndigwa ukuyīndika ikyēne, ukukibika ikyēne mbuyo bwāke.

146 Lilino, lumoyikālipo i ndumi nayimo. Lilino, ububōmbelo bumalike; ukukōlēla kwa pakigemo kutēndekigwe. Kangi ukufuma akabalilo umunduyumo (yikālipo nayimo indumi kunyuma kula) umundu yumo ikufyūka mmwanya mbibimbibi bo abēne bali nalo ulusako ukubōmba. U Mbepo Mwikemo. . . Lilino, ili Bangeli lyaayobile, “Linga akayako unsanusi, unko umweene akolege uluteengano lwake.” Kali ikylene kikuyaga kibibi bulebutu, kolelela ulutengano lwako.

147 Yoba, “Une ngabagila ukubomba ikyene.” Ili Bangeli liyobile ukuti ugwe ubagile. Muketile? Polelo ikyo—ikyo kikumasya inongwa ya ikyene. Muketile? Unko umwene akolege ulutengano lwāke.

148 Polelo, akabalilo kāko ikyēne, ulusako lukwīsa kūko filifyōsa fili ndubātiko, polelo linga u Mbepo Mwikemo ikunyela pa mwene ukupa i ndumi, polelo paga iyene. Ikyo kyo katikati iki ugwe kufimbilisigwa ukubomba. Polelo ubusanusi bukwīsa, buyobile, “Alipo u nkīkūlu nkati muno ni ngamu ya Sally Jones (Une ngusubila ukuti unkikulu yula akaya muno ni ngamu yila, loli. . .) Sally Jones. (Muketile?) Mbula umwene ukuti iki kyo kilo kyabumalikisyo ikya kukōleligwa kwāke. Tēdeka ikyēne kinunu na Kyala ’nongwa yakuti umwēne ali na kabalilo kapīmba umwēne isakuyaga apa.” Lilino, Sally Jones isakubopaga pa kigemo itolo mwambibimbibi bo mūmo umwene abagīle ukufika kula (muketile?), panongwa yakuti ikyo kyo bukōlelo bwāke ubwabumalikisyo. Muketile? Uko ko kupa indumi, pamo ukusisimikisya, pamo ikindukimo.

149 Ikyo kyo kipanga kya kiPentekosti mbubōmbelo. Lukayapo ulusako nalumo kuli imbepo inyali ukuselemukilamo nkati, panongwa yakuti ikyēne kyo kitalile. . . I Bāngēli likupa katikati, “Unko ikyēne kiyega ukwisila mukulekelana, kangi ukwisila mu batatu; kangi unko babili pamo ukōngelelāpo balōnge.” Ikyo kyo kipānga. Lōli ko kūgu uswe tufikīle umwīsyūgu? Tukunyēla mmwanya, ukwipīmiamo-nkyēni, tukuseka nukukīndilila akabalilo kāko umunduyumo ikuyoba mu ndimi; uyūngi ikukēta, ikuyoba isya kindukimo ikīngi nukulūndikana ukusyūngutīla; untimi ikubomba ikindukimo; pamo umunduyumo ukulūndika ukusyūngutīle. Ena, uko kukaya kotalusya mma. Lumo untīmī ikulūmbilila, kangi umunduyumo ikusumuka mmwanya nukufubania umwēne nkati mu. . . Lumo ikubala i Bāngēli kangi umunduyumo. . . Ukubala i Bāngēli, kangi u munduyumo kunyuma kula ikuyoba mu ndimi. O, umma! Muketile? Undumbilili pamwanya ikulūmbilia nkigemo, umunduyumo ikusumuka mmwanya nukumfubania umwēne, ikuyoba mu ndimi. Ikyene kili kanunu kyosa. Une ndikuyoba ukuti umwēne akaya yo Mbepo Mwikemo, loli ugwe kufimbilisigwa ukumanya akabombelo ka Mbepo Mwikemo (muketile?), ukukibombela Ikyene.

Lilino, une—une ngwēga. . . Ngimba umwe muli nabo ubuyo kuli limo ilyakōngelelāpo? Polelo, u kilabo po pa Ndungu. Polelo, uswe twisa. . . Unko uswe itolo. . . Apa pali limo. Une ngwinogona iliyene lyaipyana ukukinda. Kangi lilino, linga umwe mwēsa mwisakwikasya na une itolo amaminiti manāndi ukōngelelāpo, ngulamba. Kangi polelo, une nisa. . . Une ngulōnda umwe—une ngulōnda umwe ukwēga iki. Une nakikyūngile iki panongwa. Ili lyo lyāngu lyabumalikisyo.

Lilino, ikyākwānda, une nguyaga pakubala ifindu fibili ifi u mūndu yula alālūsīsyē. Ikyēne kyo kila pa kapatu ka kalatasi akaiyolo, kasīmbigwe na kasimbilo kamaboko akamogi. Ngaya ni fūndo yo ywāni umwēne āli, nayimo ingamu yisīmbigwe ku—ku lililyōsa lya gēne.

98. Nkundwe Branham, ngimba ikyēne kitalusye kuli abalūmbilili ukutēdeka ingwābilo indāli panongwa ya hela mu ngomano syābo, ukubabūla ukuti Kyāla ābabūlile abēne ukuti abāndu bīngi bakuti nkilūndilo bikufīmbilisigwa ukupa inyīngi mwakuti? Linga iki kyo kitalusye, une ngulōnda ukumanya. Pamo linga ikyēne kisobi, une ngulōnda ukumanya. Iki kimfubēnie une mbubībi fiyo.

¹⁵⁰ Lilino, umwe muketile, mwinangu, une nguyaga pakubabūla umwe, une nguyaga pakubabūla umwe iki une ngwinogona. Muketile? Lilino, ikyo kitikusanusya ikyene kitalusye. Une ngwinogona ikyene kyo kibibi.

¹⁵¹ Lilino, une ngwinogona iki. Kyala ālindumīle une pa ngunda. Une ngētīle akabalilo kūko une nābonekaga ngati une mbagīle ukuya pabunini . . . Kangi une—une ngāli ni hela nayimo napanandi. Kangi une nabagile ukuyoba, “Itolo kīndisya i sahani yafyabupi.”

Kangi undindilili ikwisaga kwa une nu kuyoba, “Keta, Billy, uswe twe madola maelifu mahano mbukesefu ikilo iki, Ndumiana. Ngimba ugwe uli ni hela mu Jeffersonville ukuhomba ikyene?”

¹⁵² Une nguyobaga, “Ikyene kili kanunu mosa. Kyala ālindumīle une kuno, pamo une āngāli ngīsa mma. (Muketile?) Itolo kikukilania isahani ya kyābupi.”

Kangi bo ulukomano lumalike, umunduyumo ikuyoba, “Ugwe umenye, Untwa abikile pa ndumbula yangu ukupa amadola maelifu mahano ku iki.” Muketile, muketile? Ikyākwānda, yaga gwakulongosigwa ukubōmba ikyēne.

¹⁵³ Une ndikwītika mukukwābila, kangi ukusūma, kangi ukulambalamba ihela. Une ngwinogona ikyēne kyo kīndu kisobi. Lilino, nkundwe, linga ugwe kubomba ikyene, komma ukwitikisya une mfulasye ubwipilike bwinu. Muketile? Ugwe—ugwe ubagile ukuya ni njila-iyabwanaloli ukufuma kwa Kyala ukubomba ikyene. Lōli une nguyoba itolo kwa nimwene. Une ndikwitika mu kyene mma.

¹⁵⁴ Lilino, une mbilike isya balumbilili bikubuka nukuyoba . . . Une ndinkwima palapala, pakaya patali mma . . . Lilino, iki kyo kikaya baPentekosti, iki kyo . . . Ena, ikyene kyo fipanga (muketile?), ifipanga ifingi. Ulwene lwāli ku lukomano lwabugonelo unnywamu. Gertie, ugwe gwāli na une, bingi abangi balipo. Kangi abēne balinkwēga pamūsi pōsa ku kipanga-kipāgūke ikifumuke—fibili pamo fitatu fya fyēne palikimo (ifyo fyō fipānga ifisibiligwe ifisibiligwe, ngati

ifipānga fyītu ifyalilino apa mu kāya, na fyōsa bo ifyo) ku lukomano-lukulumba—kangi abene balinkwega pamusi gosa, bīmīle pa kigemo—kangi ukutīlisya ukuti ukuti KƳala isakōnangāga ifibyāligwa fyābo, isakubapa abāna bābo ubulemale, ni findu bo ifyo, linga abene bakābikile mu lukomano lula. Ikyo kyo katikati bwanaloli, ni Bangeli ili pankyeni pa une. Une ndinkuti, “Ukwene ko mahelu kwa KƳala kangi ku ba bakōngesi Bake.” Linga KƳala ikutuma ugwe, Umwene ikukupakikisyaga ugwe. Linga Umwene akakutuma ugwe, polelo itikisya i kipanga-kipāgūke kukupakisyega ugwe polelo. Loli—loli ugwe. . . Linga KƳala ikukutumaga ugwe, Umwene isakukupakikisyaga ugwe.

99. Bule isya lukino lwa Krismasi mu kipanga kya Mbepo Mwikemo?

¹⁵⁵ Ena, linga ulwēne lo lwakufwāna na Kristi, ulwēne lubagile ukuya kanunu. Lōli linga ulwēne lo lwakufwāna na Santa Klausī, une ndikwītika mu mwēne. Une—une mmalile ngulile—une mbombile ngulile ukufuma ku ikyo. Une ndikwītika mwa Santa Klausī napanandi. Muketile? Kangi tumo mwa utu utunini utundu twa Krismasi abēne bali nato, une ngwīnogona fyō fyakyūgila. Kangi. . . Lōli une ngwīnogona abēne bēgilēmo yōsa Kristi pānja pa Krismasi nukubīkamo Santa Klausī mu kyēne.

¹⁵⁶ Kangi Santa Klausī ko kapāngo kakwāta. (Une ndikufulasya ubwīpilikisye bulibosa bwa umwe, une ngusūbila, isya bāna.) Lōli une ngukubūlāga ugwe. Apa pakaya patali mma, ukufwana ifyinja malongo-mabili-na-fihano, malongo matatu ifi fikindīle, akabalilo kāko u ndumbilili apa nkaya aka, untimi gwa—gwa kipanga ikinywamu apa nkaya, uyu une nālimmenye naloli nubunu fiyo, umwinangu gwapakipāmbāga gwa une, umwēne alinkwisa kwa une. Kangi Charlie Bohannon (Nkundwe Mike, umwe mukukūmbukila Charlie Bohannon, unnūnu umwīnangu gwa une). . . Alitūgēsye mula mu ofesi yāke kangi alinkuti, “Une ndisamo siku ukubabūla abāna bāngu pamo ukuya na abīsukūlu bāngu ukubūligwa ubusyōbi bula kāngi mma.” Umwene alinkuti, “Undumyana gwangu unnini alinkwenda ukusegelela kwa une bo umwene afikile pa fyinja kalongo na fibili mbukusi, nukuyoba isya Santa Klausī. . .” Kangi umwene, alinkuti, “Fiki. . . Lūki, une ndinakyo ikindukimo ikyakukubūla ugwe,” alinkuti, “Mama. . .” Umwe mumenye, kangi kindililaga ukumbula umwene iki umwene aabombile.

Polelo bo umwene agomokile, alinkuti, “Polelo, Tata, ngimba u Yeso uyu yo kīndu kilakila?”

¹⁵⁷ Yoba ubwānaloli. Santa Klausī yo gwa kiKatolika umwīniti gwakwēmbēla palipōsa, u Kris Kringlē pamo Mwikēmo Nikolasi, ugwa kiJeremani gwa Kikatolika gwaiyolo mwikemo gwa fyinja fingi ifi fikindilepo yūyo ābukile ukusyungutila ukubomba ubununu ku bāna. Kangi abene bapimbile ikyene

ukuya lwiho. Loli Yeso Kristi yo Mwanundumiana gwa Kyala. Umwene yo naloliloli, kangi Umwene mumi.

Lilino, apa lilipo ililālúsyo, ilyabumalikisyo limo, ili lyo fiyo. . .

¹⁵⁸ Lilino kēta. Ugwe ubagīle ukusitakwitikisania na une pa ikyo. Lōli linga ugwe kubōmba ukusita kukanikana na une, kumbukilága, unko ikyēne kiyege mbwīnake, bule umwe? Une mbaganile umwe, kangi une ndikulonda uku—ndikulonda ukufulasya ubwipilike bwinu. Une itolo, une ngulonda ukuya gwabwanaloli mu ndumbula. Linga une ngabagila. . . linga une ngumbula undumiana gwāngu u busyōbi, polelo une ndi nsyōbi. Muketile? Une ngulonda ukumbula umwēne u bwānalōli.

¹⁵⁹ Lilino, une ngumbula umwēne isya Santa Klausi, une nguyoba, “Ena, nalōli, aliko u Santa Klausi. Kētēsya Tāta pa Krismasi pakilo.” Muketile? Ena.

¹⁶⁰ Umwe mumenye, ilisiku limo une nāli pāsi kula, kangi une nāgelīle ikyo pa ndīndwāna unnini itolo ukukētá. Une naloliloli nāhombigwe ukugomosya pakiyolo. Une nāli nkiyūmba. Kangi abēne bālīmīle pala, pasī apa ku Quaker Maid. Kangi une nābūkile pāsi pala ukwākūla ifyakulilūka. Kangi polelo uswe, unkasi na une, twāli nkati mula. Kangi pala ālipo unnīni kanini akalīndwāna, akāli nukukīnda kifuki imyēsi kalongo na lwēle mbukusi, kangi umwēne ālīmīle pala, ikubūka, ikwīmba, “Kuba Amabāngāla, Kuba Amabāngāla. . .” Kangi une ndinkuti. . . Mu bwīmilo bwāke ubunīni, umwe mumenye, itūgesye mu nyuma mwa kagileta akanini.

Une ndinkuti, “Ngimba ugwe kulōndēsya Santa Klausi?”

Umwene alinkuti, “Uyo yo tata gwangu, Nkulumba.”

Une ndinkuti, “Sayaga indumbula yako innini, Luuki. Ugwe uli na mahala.”

Lilino, apa lilipo i līmwfīwa ilyanaloli, binangu. Kangi mu iki. . . Polelo une ngwīgalaga. O, ilyene lyo—ilyene lyo Lisimbo ilinoge, loli ilyene lyo mwifwa ku mundu aligwesa uyu ikufwana ukuya. Kangi ilyene lyālibanilīle une ku fyinja ni fyinja; kangi mwene ni lipyana lya Kyala. . . Kangi unkasi gwāngu umpala, itūgēsye kulakula kunyuma kula lilino, akabalilo kāko umwēne āpilike ukuti une nāli nalyo ililālúsyo lila pamusi apa, umwene alinkuti, “Bill, ngimba ugwe kwamula bulebole ikyo?” Umwene alinkuti, “Une akabalilo kosa naswīgaga ikyo nimwene.” Alinkuti, “Une ngākipilikisyo siku ikyene.” Kangi alinkuti. . .

Une ndinkuti, “Sulukaga pasī ikilo iki, Nyafundumbula. Une ngubombaga ubununu bwangu bosa nu butuli bwa Kyala.”

100. Nkundwe Branham, ngulamba līngānia Bahiburi 6:4 mpaka 6.

¹⁶¹ Ako ko kabalilo kamokene icyēne naloliloli . . . Muketile, lilino ugwe kwisakufimbilisigwa ukukētēsya apa pa lwītiko lwītu, ilipyana, ubuponesigwa bwa bītiki, ukwikasya kwa bīkēmo, ukwīsya, tutigi, ukwa bikēmo. Bahiburi untu gwa 6, 4 mpaka 6.

Lilino, akabalilo kāko icyēne . . . mālīsyā iki, polelo une ngusūbīla ukuti Kyala isakundula une ukutēndēka icyēne ukuya kyanaloliloli kilāngāle kwa umwe. Une nsulumēnie, une—une ndinayo Indumi yangu ku kilo iki; lumo une ngulumbililaga ikindu kilakila ndubunju ku—ku bubombelo. Polelo une ngubukaga.

¹⁶² Lilino, ili lyo mwifwa naloliloli. Muketile? Lilino, ugwe kufimbilisigwa ukukētēsya. Lilino kumbukilaga, uswe tukwitika nukumanyisya pa kipanga iki, komma ukuti filifyosa fikwisa nukuywega, kilikyosa iki kikuyoba mu ndimi, kilikyosa iki kikiponia pakiboko nu ndumbilili, alinabo u Bumi Bwasyepwa. Loli uswe tukwitika linga ugwe uli nu Bumi Bwasyepwa, linga Kyala akupele ugwe u Bumi Bwasyepwa, ugwe uli nabo Ubwene bwilanabwila. Muketile? Panongwa yakuti kēta. Linga icyēne kikābōmba, Yeso ikwāgigwa mmanyisi ntūngūlu. Mwa Mwikemo Yohani 5:24, Umwene aatile, “Umwene uyu ikupilika a Masyu Gangu kangi nukwitika pa Umwēne uyu alindumile Une ali nu Bumi Bwabwila, kangi atisakwisamo ku bulongi siku, loli akilenie ukufuma ku bufwe ukubuka ku Bumi.” Lilino, kanikanaga nu Mwene. “Bosa aba Tāta ambele Une . . . Nayumo umundu abagile ukwisa ku Myangu penepapo Tata ikunkwaba umwene. (Une ngwandisya i Lisimbo.) Bosa aba bikwisa . . . Nayumo umundu abagile ukwisa ku Myangu penepapo Tata Gwangu ikunkwaba umwene tāsi. Kangi bōsa aba Tāta Gwāngu ambele Une bisakwisaga kwa Une. (Muketile?) Kangi bosa aba bikwisa kwa Une, Une nisakubapa abēne u Būmi Ubusitakumalika (Mwikemo Yohani 6), kangi nisakunsiyusya umwene mmasiku ga bumalikisyo.” Ago go masyu Gake.

¹⁶³ Lilino kēta. Linga une ngulōnda ukugomokela ku Baefesi untu gwa 1, Pauli ikulūmbilīla . . . Lilino, a Bakorinti, aligwesa āli nu lulimi kangi u lwīmbo. Umwe mukētēsya ifipanga ifingi fikāli nalo ulutamio lula. Umwene akāyobilēmo siku nakimo isya icyene. Ngimba umwene āyobelamo siku mu ndimi kulikosa mu kipanga kya Efesi, ikipanga kya Roma? Umma! Abēne bāli ni ndimi na filifyōsa itolo bo Bakorinti bābōmbīle, lōli abēne bāli nako icyēne ndubātiko. A Bakorinti itolo balinkutoligwa ukukyēga icyene ndubātiko. Muketile? Lōli Pauli ābūkīle pāsī pala nukwakubika ikipanga ndubātiko.

Lilino, umwene . . . Une ngwitika, bo yu Oral Roberts ikuyoba, “Kyala yo Kyala nnuu.” Ngimba umwe mutikukytika ikyo?

164 Kangi ugwe kuyoba, “Ena, ngimba bule aba Pentekosto ni ndimi polelo, Nkundwe Branham?” Une ngwinogona abene balinagwe u Mbepo Mwikemo. Naloliloli abene babombile. Umma ndaga, fiki? Kéta. Ugwe kwitika Umwene yo Kyala nnunu? Thomas áyobile akabalilo kamo, “Ugwe umenye, Ntwa . . .”

Bosa ba abene balimmwitike Umwene. Balinkuti, “O, uswe tumenye Umwene yo gwanaloliloli!”

“O,” Thomas alinkuti, “umma, umma, une ndikwitika ikyene mma. Injila yène une nisakwítika ikyène, une nisakufĩmbilisigwa ukuya nakyo ikyabukéti kimo. Une ngwisakufĩmbilisigwaga ukwĩngisya inyóbe syāngu mu lubafu Lwāke kangi mu bulabe bwa misumali mfiboko Fyāke.”

Umwene yo Kyala nnunu. Umwene alinkuti, “Isaga kuno, Thomas. Apa ugwe uli.”

“O,” Thomas alinkuti, “lilino une ngwitika.”

165 Umwene alinkuti, “Ena, Thomas, ukufuma pápo ugwe umbwene Une, kangi gwipilikaga Une, kangi ukubika ikiboko Kyangu. . . ifiboko fyāko mu lubafu Lwāngu, ugwe kwitika. Lóli bo bunywapo bulebu go mfwālo gwābo bābo bakakétilēmo siku kangi pōpe bikwítika.” Umwene yo Kyala nnunu. Umwene ikupa ugwe ikinyonywo kya ndumbula yako, ena. Unko uswe itolo tummwitike Umwene. Ubo bo—ubo bo—ubo bo butike bwa bufwe kwa Sētāno. Akabalilo kako unnyambala ikwega Kyala pa Lisyu Lyake, nkundwe, ikyo kisakungoga Sétano akabalilo kalikosa. Ikyo kyo kutika ukukafu-ukukinda kũko Sétano abagile ukwega, akabalilo kāko u nnyāmbála isakwegaga Kyala ku Lisyu Lyāke. Ena, nkulumba. Mumo une njobiile, “Umundu atisakuya nu bumi pamwene (Yeso, ikilo kimo), loli i Lisyu lililyosa ili likusoka panja . . .”

166 Lilino, kētésya iki. Lilino une nguyaga pakwánda pa linandi lýākwánda:

Polelo ukuleka ifundo sya kimanyísyo kya Kristi, unko uswe tubúke ku bupelelesye; . . . (Lilino, ikindu kyakwanda une ngulonda umwe mumanye: uyu Pauli ikuyobako apa? Bahiburi. Abene bikuyoba, “Abahiburi,” pamwanya, Buku gwa Bahiburi. Ngimba ikyo kitalusye? AbaYuda aba bāpíkile Yeso . . . Ngimba umwe mubagile—umwe mukukikola ikyène lilino? Umwēne ikuyoba ku baYuda, ukubanāngísya abēne unsyūngúlu gwa lulagilo ukuya kyākwegelēla kya Kristi. Fyōsa ifindu fyaiyolo ikyakwēgelēla kya kipya. Lilino kētésya.)

. . . ukuleka ifundo sya kimanyísyo kya Kristi, unko uswe tubúke ku bupelelesye; . . .

167 Lilino, umwene ayobaga ku bene isya fimanyisyo. Unko uswe tubūke nukuyoba isya findu ifipelelesigwe. Lilino, ugwe upelelesigwe mwa Kyala akabalilo kāko ugwe ufūngilígwe nu Mbepo Mwikemo *mpaka* ilisiku lya butabuligwe bwāko. “Umwene uyu apapigwe mwa Kyala (Yohani Gwakwanda) atikutulwa ubonangi; kabuno umwene akabagila ukonanga, kabuno u Luseke lwa Kyala lukusyala mu mwene.”

168 U nnyāmbāla uyu isusigwe na Mbepo Mwikemo, komma ikwīnogona umwēne isusigwe, loli umwene uyu apapigwe mwa Mbepo gwa Kyala atikutulwa ubonangi, kabuno i Mbeyu ya Kyala yili mwa umwēne, kangi umwēne akabagila ukutulwa inongwa. Muketile? Ngimba i Bāngéli likuyoba ikyo? Popāpo pala ikyēne kili. Ugwe uli. . . Komma iki ugwe kubomba, kyo fiki, komma iki ikīsu kikwīnogona ikya ugwe, ikyēne kyo iki Kyala ikwīnogona isya ugwe. Muketile, muketile? Ugwe ukabagila. . . Nguyaga bulebule une nu lulagilo lusīmbigwe nu mwenekaya gwa kāya, ukuti une mbagile ukubopa amamailosi malongo mana pa sala yimo ukukīnda nkāya, kangi unsikali aligwēsa nukumbinya une? Une ngabagila. Ngutulwaga bulebule une inōngwa akabalilo kāko kilipo ikyābupi kya lilopa pankyēni pa Kyala nubukīndilisi, kūko Umwēne akabagile nukumbona une; akabalilo kāko kilipo i kyakung’anyapo pa i—pa ki. . . pankyeni pa une na Kyala, ikikingo kya Lilopa? Kabuno uswe tufwile, kangi u bumi bwitu bufisigwe mwa Kristi ukwisila mwa Kyala, ukufūngilígwa na Mbepo Mwikemo. Bulebule nkisu ubagile ukubomba akandu kalikosa akasobi mbuketelo bwa Kyala? “Linga uswe tukutulwa inongwa nubwígāne (Bahiburi 10) ukufuma pāpo uswe twālyāmbilīle ubumanyi bwa Bwānalóli, likayapo nalimo kangi ilikemo ilya butulwanongwa.” Nkati muno ukwēne kukabagila (muketile?) ukutulwa inongwa nubwígāne.

169 Lilino, unko uswe tukindilīle nukubala. Umma ndaga.

*. . . bupelelesye; komma ukwāla kangi u lwālo lwa—
lwa bupinduke ukufuma ku mbombo imfwano, kangi. . .
lwītiko kubwa kwa Kyala,*

*Isya kimanyisyo kya nyōsyo, . . . ukwāla kwa fiboko,
kangi isya u busyūke bwa bafwe, kangi. . . ubulongi bwa
syepwa.*

*Kangi iki. . . uswe tukubomba, linga Kyala
ikwitikisya.*

(Lilino apa po pāpo abēne bālundāga ukwānda, ukufuma ku linandi lya 4.) *Kabuno ukwēne ko kukabagila kuli bābo. . . akabalilo kamo bāmulikígwe, kangi bagōnjīle ifya kikūngilwa kyakumwanya, kangi bātēndekígwe balilanisi ba Mbepo Mwikemo,*

*Kangi bagōnjīle ifya lisyu ilinunu ilya Kyala, kangi a
maka ga kisu iki kikiwisa,*

*Linga abēne bisakugwīla panja, ukubapyāgila kangī—
ukubapyagila abēne kangī ku bupīnduke; namanga
abēne bikukomelēla ku bēne u Mwanundumiana gwa
Kyāla kabili, nukumbika umwēne ku bukosityoni
bwapabwēlu.*

170 Lilino, lilino, ikyo kikuboneka ngati, ukufuma pa njila iyi umwe mukubala ikyeene pala, ukuti unnyambala abagile ukwambilila u Mbepo Mwikemo, kangī polelo ukugomokela nyuma nu kutagigwa. Loli ikylene kyo kisitakubombigwa ukuti umwene abombe ikylene. Muketile? Umwēne akabagila ukubōmba ikyēne. Linga umwēne ābōmbīle, Kristi āsyōbīle. Muketile? Ikyēne kyo kisitakubōmbigwa ku bala akabalilo kamo bamulikigwe. Lilino, kētésya apa. Ngimba umwene ikuyoba fiki? Umwene ikuyoba ku baYuda bala abamumpaka. Umwene akāyobīlomo siku u nnyāmbāla ukuya ĩsusīgwe na Mbepo Mwikemo; umwēne alinkuti, “Linga umwēne ōnjīle i Lisyu lya Kyala.”

171 Lilino, unko une itolo nkipepo ikyēne mu kusyūngutula, ukuti umwe mwisakukēta kangī mutisakukipōndwa ikyēne lilino. Lilino, umwēne ikusīmba ku baYuda aba. Bamo ba abēne bo bitiki bāmumpaka. Muketile? Umwene alinkuti, “Lilino, uswe tukusōkangamo mu mbombo isi nukukīndilīla ukuyoba isya bupelelesye.” Alinkuti, “Lilino, uswe tukuyoba isya nyōsyo, nu busyūke bwa bafwe, nukulāmbalika pamwanya kwa fiboko, na filifyōsa; loli unko uswe tukīndililege lilino ukuyoba isya bupelelesye. Lilino, uswe tukuyobaga isya kabalilo kākō ugwe kwīngila mwa Mbepo Mwikemo. Lilino, ugwe usyungutile mu lukomano akabalilo katali . . .”

172 Kangī umwe mubabwene abandu bala. Abene bisakwitugasyaga ukusyungutula; abene batisakwingilaga pamo ukusōkamo. Abēne bikupālisya u Mbepo Mwikemo. Abēne bisakwisa ukusyungutula. Kangī lumu u Mbepo Mwikemo ikubomba ikīndukimo kangī, banyambala, abene bikufyukaga mmwanya nu kulalata nu kunyela mmwanya na pasi pakipālo ukufwana ni kyene, loli abēne batikulondamo ukwambilila Ikyēne bēne. Umma, umma! Muketile? Kangī abēne bisakuyobaga, “O, ena, ikyo kyo kinunu. O, une ngamanya isya ikyo lilino.” Muketile, muketile, muketile? Abītiki bamumpaka. Itolo kifuki fiyo mpaka abēne babagīle ukōnja Ikyēne, lōli lōli lōli abēne batikukyāmbilīla Ikyēne. Muketile? Lilino, abēne bikuyapo ukusyūngutula ngati lula akabalilo katali mpaka pakabalilo abēne bikusema lōsa ukusōkāpo. Une mbagile ukukōlēla ingamu isya bīngi pa kipānga iki, babōmbile ikīndu kilakila. Ukugwa injila yōsa ukusōkāpo kangī, ukwipyāgila bēne ku bupīnduke, bukayako ubupīnduke ku bēne. Abene itolo baalisulumenie u Mbepo ukufuma ku bēne. Abene baali kifuki fiyo mpaka . . .

173 Apa, linga umwe mukusanukaga na une (umwe mukaya na kabalilo, une mmenye, lilino) lōli linga umwe mubagile ukusanukila ku Kukumbusya-ndagilo u ntu gwa 1 nukubala ilyēne, umwe misakuya nakyo ikindu kilakila. Simba ikylene lilino, Kukumbusya-ndagilo untu gwa 1. Lilino, kang'i andaga pa linandi lya 19 nukubala ukwisila mu lya 26. Kukumbusya . . . Ugwe kusyaganiaga . . . Lilino kēta. Bosa ba Israeli . . . Iki abandu bala bikubomba, abene bikwisa ku Kardesh-baraneya. O, une ngukēta ikindukimo! Ikitēmbē iki, ikīsu kya kiPentekosti iki kili pa Kadesh-baraneya lululu lilino. Uko ko katikati kotalusya, Nkundwe Neville. Uswe tuli pa Kadesh-baraneya, ikikota kya bulongi ubwa kisu (kyáli kikota kya bulongi).

174 Kangi abatēndēli basōkile pānja. Yoshua alinkuti apa, "Lilino, une natumile abatēndēli," pamo Mōse, ndigi, "Une nātumile abatēndēli, kalongo na babili, yumo mwa, unnyāmbāla yumoywēne ukufuma mu lulilōsa lwa maluko. Une nābatumile abēne pānja ukutēndēla ikīsu nukutwāla ukugomokela ubuketi." Ngimba uko kotalusya?

Kangi akabalilo kāko abēne bikugomokēla, bālipo lwēle-nayumo ukufuma mwa kalongo-na-babili bala bātīle, "O, ikyēne kyo kīsu ikinunu, lōli o, kisa, uswe tukabagila ukwēga ikyēne. O, mwe! Aba Amori bali kula, kang'i uswe twabonekaga tuliti bo imbāsi pala palubafu lwa bēne. Abēne bo banyāmbala ba filwīlo. Ifibūmba fyābo finywāmu. O, ikylene kyo fiyo . . . fiki, une angali ngunyonywa ukuti uswe twāfwīle kula ku Igupti mbuyo bwa ugwe ukututwāla uswe panja apa."

175 Lōli, unnīni ugwaiyolo Kalebu na Yoshua balinkunyēla mmwanya pala nukubakibisya abēne; balinkuti, "Uswe tuli bakōngelelāpo ukubagila ukwēga ikyēne." Ena, nkulumba! Pala balipo bābo. Lilino kēta. Ngimba fiki fyabonike? Kalebu na Yoshua bāmenye ukuti Kyala āpēle ulufingo lwa ikylene: "Une ndikupāsyā kali bo bunywāmu nki ikyēne kili, filinga ifyakupīnga filipo, bo bufyuke buki ifyēne fili, bo bukulumba buki ifyēne fili, ikyo kikaya nakyo nakimo ikyakubomba ni kyene. Kyala ayobile mumo, kang'i uswe tubagile ukwega ikylene." Kangi ngimba umwe mumenye abēne bāli bo bēne bandu babili aba, ukufuma mu bala maelifu-elifu mabili na sinda yula, aba bakileniemo siku ukubuka mu kīsu? Panongwa yakuti abene bākolelile ulwītiko lwābo mu iki Kyala aayobile ukuya Bwanaloli. Amen!

176 I kipanga, lululu lilino, kikwima pa Kadesh-baraneya. Kēta, abāndu bala bāli kifuki fiyo mpaka abēne bagonjīle ni mipesa ukufuma nkīsu. Abēne bikulya imipesa. Akabalilo kāko Kalebu na bēne bābūkile kwisīlya nukutwala amafilu, abinitu bala bākwābīle ukufuma ku gamo nukulya agēne. "O, abene go manunu, loli uswe tukabagila ukubomba ikylene." "Abēne aba bagōnjīle imbombo inunu iya Kyala, bagōnjīle ifya Mbepo Mwikemo, bākētīle ubununu bwa Ikyēne, mōnjīle

ifya Ilyēne, bagōnjīle ifya Lisyu lya Kyala. . .” Muketile ikyo? Nayumo gwa bēne, komma yumo gwa bēne alitikisigwēmo siku ukuloboka. Abene baapyutigwe nkisu kyabo, ukukilania kuno ndulangalanga. Abēne bakābukilēmo siku kula, lōli abēne bāli kifuki nukufwana ukōnja Ikyēne, lōli komma ipyāna lyākufwana nu lwītiko ukwēga Ikyēne. Ikyo kyo iki ikyēne kili.

177 Lilino. Lilino pilikisya ku mundu umpala yula uyu āsimbīle ukalata uyu. Unko uswe itolo tubale ilinandi ilikōnge. Kētésya itolo i miniti. Kētésya Pauli. Lilino unko uswe tubāle lya 7:

Kabuno ikisu. . .kikunwa ifula iyi yikwisa utubalilo twingi pakyene, kangi kikutwāla pānja ifimela ifyākulya kuli abēne kwa bābo ikyēne kyo kyēselēligwe, kikwāmbilila isayo ukufuma kwa Kyala:

Lōli kila iki kikapāpa imifwa ni fitulwatulwa kikapikigwa, kangi kili kifuki ku kigune; kīkyo ubumalikisyo bwāke bo kuya kōkigwa.

178 Lilino, muketile iki umwene ikuyoba? Lilino kētésya. Pala lyālipo ililālūsyo ili apa; lilino, kangi polelo uswe tukwigalaga. . .Ikindu iki kyafwanaga kilipakungoga une ku fjinja.

179 Une nābūkīle ku lukomano akabalilo kamo kūko abāndu bayobela mu ndimi ku Mishawaka, Indiana. Lilino, une ndi pankyeni pa kilundilo kyangu kyene. Umwe mupilike abandu bala. . .mupilikemo akapango ka bumi bwangu, kangi ukufwana nu mundu gwālāngi uyu āyobīle, “Apa umwēne alipo. Apa umwēne alipo.” Lilino, une ndinkubūla ikyo.

180 Lōli ikīngi kya ikyēne: Une nābabwēne abanyāmbāla babili. Abēne bāli. . .Yumo ābagīle ukupa indumi, uyungi yumo āsanusyāga iyēne. Uyungi yumo alinkupa i ndumi, kangi uyungi yumo ikusanusya iyene. Kangi nkundwe, abene batalwisye. Itolo iki. . .Une ndinkwinogona, “Mwe bununu! Une ngakibonamo siku ikindu kimo bo kila.” Une ndinkuti, “Une ndi pakati pa bandumi.” Une ndinkwinogona, une ngakibonamo siku ikindu kilikyosa. . . Yumo ābagīle ukuyoba, kangi uyungi yula. . .

181 Kangi une ndinkwitugasya kunyuma kula, ukuya ndumbilili unnini ugwaiyolo, ugwe. . .[Ubuyo busitakandu pa tepi—Nsimbi]. . .bosa-babili nnyāmbala utubalilo tumo kangi ukuponania ikiboko kyābo. Une ngābabwēnēmo siku abanyāmbāla ba luko ulu mbūmi bwāngu. Abene bāyobaga i ndumi, kangi uyungi yumo abagīle ukusanusya iyene. Kangi mwe, mwe! Ikyene kyāli kinunu! Yumo, abagīle ukuyoba kangi uyungi yumo ikusanusya. Bosa-babili. . .Kangi abēne itolo bāsanukaga ubwēlu bwāfyōko akabalilo kāko abēne bāfyūsyāga mmwanya ifiboko fyābo. Une ndinkwinogona, “O, mwe, mwe! Ngimba une nāli kugu bumi bwangu bosa? Iki kyo kindu!” Une ndinkuti, “Mwe, baPentecosti batalusye.” Uko ko katikati kotalusya.

¹⁸² Une ngakētámo siku fíngi lōli itolo iki kyāli kitalusye pāsi apa, kūko i . . . Lumo abakikulu babili nu butumigwe ku buyobumo. Kangi abene babagile ukūmana; kangi yumo ikukōlela u yungi, “kufumbwa kya likūngūlu,” kangi, umwe mumenye, itolo bo lula, luko lwakūmana ku yumo nu nnine. Kisita kuswaya ku bakikulu lilino pamo nakimo, loli itolo . . . Ikyene—ikyene kyali pasi pa mayiga. Linga aligwesa gwa umwe . . . Umwe mukukumbukila, Nkundwe Graham. Ugwe gwāli itolo ndumiana unnini akabalilo kala. Kangi polelo, iyo yo njila ikyene kyāyilife.

Kangi une ndinkupilika ku ikyo, kangi une ndinkwinogona, “O, mwe, une mfikile ku bāndūmi.”

¹⁸³ Ilisiku limo ngwisa ukusyungutila i nguto ya nyumba, ukufwana i lisiku lyakibili, une nālyāgéne na yumo mwa mūndu. Une ndinkuti, “Mwabomba ndaga, Nkulumba?”

Umwene alinkuti, “Mubobile ndaga?” Umwene alinkuti, “Ngimba . . . Ingamu yako yo fiki?”

Kangi une ndinkuti, “Branham.”

Umwene alinkuti, “Kugu ugwe kufuma? Apa?”

Kangi une ndinkuti, “Umma, une ndi gwa Jeffersonville.”

Umwene alinkuti, “Ena, ikyo kyo kinunu. Ngimba ugwe gwe Gwapentekosti?”

Une ndinkuti, “Umma, nkulumba, une ngaya mma.” Une ndinkuti, “Une itolo ndikwitikisya injila ya kiPentekosti iya kwambilila u Mbepo Mwikemo,” une ndinkuti, “lōli,” une ndinkuti, “Une ndi apa ukumanyila.”

¹⁸⁴ Umwene alinkuti, “Ena, ikyo kyo kinunu fiyo.” Kangi nguyoba ku mwēne, ukukola i mbepo yāke (aliti bo nkikulu pa kisiba), umwēne āli Nkristi gwanalōli. Nkundwe, une ngusanusya umwene ikubopela mōsa kanunu. Umwene āli nnunu. Lilino, umwe mwesa . . . Balinga aba bāli mu ngomano syāngu nukukēta ifindu fila fikuboneka? Umwe muketile? Kangi unnyambala ali mpelesye mosa. Polelo lelo, une—une ndinkwinogona, “Pala! Mwe, mumo buyilile ubununu!”

¹⁸⁵ Ukufwana amayolo gala, pamusi utubalilo tumo, une ndinkwagana nu yūngi yula. Une ndinkuti, “Mubobile, Nkulumba?”

Umwene alinkuti, “Mubobile ndaga? Ngimba ingamu yako yo fiki?” Kangi une ndinkumbula umwene. Kangi umwene alinkuti, “Uli . . . Ngimba—ugwe gwe gwa kiPentekosti?”

Une ndinkuti, “Umma, nkulumba, komma katikati gwa kiPentekosti, une ndikusakikisya mma.” Une ndinkuti, “Une ndi itolo pamwana apa ukumanyila.”

Umwene alinkuti, une ndinkuti, umwene alinkuti, “Ugwe gwambililemo Mbepo Mwikemo?”

Une ndinkuti, “Une—une ngamanya.” Une ndinkuti, “Ukufwana na iki umwe mwesa muli nakyō, une ngusakikisya une ngaya nayo.”

Kangi umwene alinkuti, “Siku uyobilemo mu ndimi?”

Une ndinkuti, “Umma, nkulumba!”

Umwene alinkuti, “Polelo ugwe ukaya nakyō Ikyene.”

¹⁸⁶ Kangi une ndinkuti, “Ena, une—une ngusakikisya uko ko kotalusya.” Une ndinkuti, “Une ngamanya. Une itolo nālumbililāga ukufwana ifyinja fibili, finandipo,” kangi une ndinkuti, “Une ngamanya fingi fiyo ifya Ikyene.” Une ndinkuti, “Lumo une ngamanya.” Une ndinkuti, “Une ngabagila ukupilikisya. . .” Panongwa yakuti fiki, une nagelaga ukunkola umwene kula (muketile?), ukukikola ikyene. Kangi akabalilo kako une nābombile, linga une nalyagéne nu nsyobi, ālipo yumo mwa bene. Unkasi gwāke āli gwanywili-nditu; kangi umwēne itūgasyāga nu nkīkūlu gwanywīli-nyēlu, āli na bāna babili nu mwēne; nukuyoba mu ndimi, ukusanusya ikyene itolo mumo ikyene kyayilaga. Kangi une ndinkuti, “Lilino, Ntwa, ndimba une ndulilwe fiki?” Ukufuma ku bāndumi, une ngaamenye iki une naalimo. Une ndinkuti, “Une—une—une ndi gwalwalo; ikyene kibagile ukuya i Bāngēli. Ikyēne kikufimbilisigwa ukuya kitalusye. Kilipo ikindukimo kitamisye pa buyobumo, Ntwa. Ngimba ikyo kibagile ukuya bulebule?”

¹⁸⁷ Une nābūkīle ku lukomano ikilo kila, kangi u Mbepo yula ābagile ukugwa; kangi nkundwe, ugwe gwābagile ukwipilika Ikyene, ukuti Umwene āli Mbepo Mwikemo. Ena, nkulumba! Linga Ikyene kikāli, Ikyene kyābikile ubuketi nu mbepo gwangu ukuti Umwene āli yo Mbepo Mwikemo. Kangi une nāli itolo u ndūmbilili unkeke, kangi ngamenye bulebule, ifingi fya kukētela-ngāni isya mbepo. Loli une nālītugesye pala. Kangi une mmenye u Kyala yulayula uyu ālimbokile une, kula kwāli kwipilika kulakula. . . Nālipilike ngati une nabūkāga ukukīnda ubuyekeke, ukwēne kwāli kwīpilika ukununu mu kiyumba kila. Une nālinogwīne. . .

¹⁸⁸ Ukufwana abamia kalongo na bahano ba abene pala. Une ndinkwinogona, “Mwe, o mwe!” Fibili pamo ifipambo fitatu fya bēne bālyagéne palikimo. Kangi une ndinkwinogona, “Yoba, mwe! Ikyene kibagile ukuya bulebule? Lilino, u Mbepo unkulumba yula mu nyumba iyi ikugwa bo lula; kangi apa, keta ku iki kikuboneka pamwanya pala, abamiana bala bikuyobela mu ndimi, ukusanusya i ndumi nubupelelesye— kangi yumo mwa bene unsyobi kangi uyungi unnyambala ugwa Kyala ugwa naloliloli.” Kangi une ndinkwinogona, “Lilino, une mfuluganikene mōsa. Une ngamanya ikyakuti mbombe.”

¹⁸⁹ Ena, nakalinga ukufuma ku kyene, umwinangu unnunu, Nkundwe Davis (umwe mumenye), alinkwanda ukuyoba ukuti une naali yo ngoza. Ako ko ka ngoza ka ndindwana, umwe

mumenye. Kango popāpo, une nāli nkēnja, kangi popāpo une . . . Umwēne alinkwānda ukukīndilila na une, kangi ukukīnda nkyēni, mu luko lwa kunyūgila une.

¹⁹⁰ Kangi uswe twali na kanini . . . Kangi u mama gwako na twesa ba uswe twayaga ni ngomano innunu ukusyungutila ubuyo ubukindanekindane. Kangi ikitēmbē kikāli—kikāli kikwēnda akabalilo kala, kangi uswe twāyaga ni ngomano innīni mmabuyo amakīndanekīndane. Kangi kubumalikisyo ilisiku limo, ukufuma pa kipanga kyāyēngīgwe, ifyīnja fingi fīyo, Une ndinkubuka ku Green’s Mill ku mbako yangu ukwiputa, panongwa yakuti Nkundwe Davis ayobile ifindu ifinyali ukufwana nanine mu—mu kakalatasi yake. Une nalinganile umwene. Une ngālondaga nakimo ukuboneka, kangi une—une nābūkīle kumwanya kula ukwakummwiputila umwene. Kangi une nābūkīle kumwanya kula, kangi une ndinkwīngila mu mbako. Kangi une nāsyēle nkati mula kifuki masiku mabili. Kangi une ndinkuti, “Gwentwa, unswēge umwene. Umwene—umwene atikusanusya ikyo mma.” Kangi une ndinkwinogona, “Umwe mumenye . . .” Une itolo ndinkwanda ukwinogona isya Lisimbo.

¹⁹¹ Kangi une ndikusōka pānja. Kangi pala kyālipo ikisīnga (ikisīnga kila kikāli kilāmbalele pala, nāli pa kyēne apa pakaya patali mma) pāsi ukufuma pa kyāmba nukulāmbalika ukukilania akayila akanini aka kakwīsa ukusyungutila ukufuma ku kasōko. Kangi une itolo nālītogile i kisīnga, ngukēta ukukilania ifyāmba kubutali kunyuma—kunyuma kula, kangi nālāmbalike i Bāngēli lyāngu panja bo ulu. Une ndinkwinogona, “Umwe mumenye . . .” Une ninogona isya Lisimbo: “U nkomafisulu fya kopa, umwēne ambōmbile une ukufulasya ukunywāmu, kangi ayobile ifindu.” Umwe mumenye . . . Une ndinkwinogona, “Une ngusubila itolo une ngubalaga ikyo.” Une nigwile i Bangeli, kangi une ndinkuti, “Ena . . .” Ndinkusyula ikisyo kyangu, kangi umbelo gwāpufulīgwe, kangi ugwēne gulinkusanuka ku Bahiburi 6. “Ena,” une ndinkuti, “uko ko kukaya kugu ikyēne kiliko.” Kangi une nālilāmbalike Ilyēne ukugomokesya bo ulu. Kangi u mbelo gulinkupūta kangi kangi gulinkusanusya Ilyene ukugomokela kangi. Kangi une ndinkuti, “Lilino, ikyo kyo kihesya, umbelo gukupūta ugwene ukugomokela bo lula.” Polelo une ndinkwinogona, “Ena, une ngusubila une ngubalaga ilyene.” Kangi llinkuti:

Kabuno ukwēne ko kukabagila ukubōmbigwa ku bala bābo bamulikīgwe akabalilo kamo, . . . batēndekīgwe balilānisi ba Mbepo Mwikemo, kangi bōnjīle i . . . Lisyu lya Kyala, kangi ikindu kya kisu iki kikwīsa.

Une ndinkwinogona, “Ena, une ndikukibona nakimo na ikyo.” Ukubala ikylene pasi, untu gosa ugu gusyele. Nakimo mu kyene. Une ndinkuti, “Ena, ikyo kyo—ikyo kyo kikumasya inongwa ya ikyo.” Kangi une—une nākibwēne ikyēne bo

iki, kangi ukugomokela icyēne kyābūkile kāngi. Kangi une ndinkupimba Ikyēne mmwanya, kangi une ndinkwīnogóna, “Mulimōsa, ngimba kila kyo fiki?” Une ndinkūmilisya ukubala ilyēne, nukubala ilyēne, nukubala ilyēne, une ndinkuti, “Ena, une ngabagila ukupilikisya.” Polelo une ndinkūmilisya. . . Kangi une ndinkubala nkyēni:

. . . kyo kisitakubagila ku bala bābo akabalilo kamo bamulikígwemo, . . .

Ikyene kikwisa pási apa ku buyo apa pápo ikyene kyátile:

Kangi ikisu. . . kikunwa mu fula iyi yikwīsa kingikingi pa kyēne, u kutwāla panja ifimela ifyākulya ku fyēne ukwīsila mūmo icyēne kyeseleligwe, kikwāmbilila isayo ukufuma kwa Kyala:

Lōli kila iki kikipāpa imifwa ni fitulwatulwa kikipīkígwa, kangi. . . kifuki ku kigune; iki ubulongi bwāke bo kuya kōkígwa.

¹⁹² Une ndinkuti, “Nguswiga iki kikusanusya?” Une itolo. . . Lilino, une ngālinogwine isya nakimo kumwanya kula. Ngwinogona itolo ikyo. Kangi itolo polelo bo une nālitugesye pala, Une ndinkwinogona Untwa ābagile ukumba une imboniboni ukufwana nu Nkundwe Davis na bene pasi pala. Kangi une nālitugesye pala; une ndinkukēta, kangi une ndinkukibona ikīndukimo kikusyūmbutuka panja ukukilania mu kibwīna nkyēni mwa une. Kangi icyēne kyāli kisu kya pāsi kikusyūmbutuka. Kangi une nākētīle icyēne kyāli mōsa kimenyenigwe, itolo akyabonekaga ngati kilimigwe lōsa. Kangi u Nnyābāla alinkusōka panja ni ki—ki—ki kikulumba ikindu ikinywāmu mu nkyēni mwa Umwēne mwīswīle ni mbeyu, kangi Umwēne āsopāga i mbeyu injila yōsa ukukilania i kīsu bo Umwēne ikubūka. Kangi Umwēne alinkubūka ukusyūngutula ubusyūngutulo bwa kīsu, kangi Umwēne alinkubūka ukuyōnga ku buketelo bwāngu. Kangi mbibimbibi bo Umwēne ayōngile pa buketelo bwāngu, apa ikwisa u nnyāmbāla naloliloli mbonek-gwakwībīlila, afwēle mmyēnda imitītu, ikusyūngutula bo ulu, ukubuka, *whuu, whuu*, ukusōpa imbeyu imbibi, *whuu, whuu*. Kangi une nākikētesisye ikyene, kangi bo i kīsu kilinkumilisya ukusyūmbutuka. . .

¹⁹³ Ukukīndapo akabalilo ingano yikutupuka. Kangi akabalilo kāko ingano yikutupuka, ukufuma mula gikwīsa imitulwatulwa, ulusāngani, ni mīfwa, kangi ilīsu ilinūnge, na filifyōsa fikukula mmwanya, ilīsu lyalupyū, na filifyosa fikukulila mmwanya mu ngano. Kangi ifyēne fyō fyōsa fyakulilaga palikimo. Kangi pala pakwisa ulwānaloli, ulubībi ulumu, kangi i nnīni i ngano yāli nuntu gwāke gwikobīke bo ulu, kangi i nnīni ilitulwatulwa, kangi ulusāngani, imifwa, ifyēne fyāli nu ntu gwābo gwikobike. Iisu lililyosa itolo, *tuya, tuya, tuya, tuya*, ukutūya bo lula.

Ugwe gwābagile itolo ukupilika ifyene. Kangi ifyēne fyākōlelāga ifula, fula.

194 Kangi bo kakīndilepo akabalilo, mula likwīsa ilikulumba ilibīngo ilinywāmu, kangi a mīsi itolo galinkōneka pāsi. Kangi akabalilo kāko iyēne yāgwīle pamwanya pala, ingano yila yilinkunyela mmwanya nukwanda ukuywega, “Lwīmiko! Haleluya! Ntufye u Ntwa!” Mmwanya yilinkunyela ilinnini ilisu ilinūnge nukuywēga, “Lwīmiko! Ntufye u Ntwa! Haleluya!” Imifwa na bosa ba abene, bikumoga ukusyungutila pa ngunda, ukukuta, “Lwimiko! Haleluya! Ntufye u Ntwa!”

Ena, une ndinkuti, “Une ngabagila ukukyēga ikyo.”

195 Imboniboni yilinkundeka une; polelo une ndinkugwila kunyuma pa ikyo kangi: “Ifitulwatulwa ifi fili kifuki ku butagigwe.” Polelo une ndinkukyēga ikylene. Yeso alinkuti, “Ifula yikugwa pa bagolofu na pa basitabugolofu.” U nnyāmbāla abagile ukwitugasya mu lukomano, abagile ukuyoba mu ndimi, abagile ukuywēga kangi ukubōmbela itolo ngati ba bāngi ba abēne na Mbepo Mwikēmō ugwanaloli kangi pōpe ukusita kuya mu Kitāngalala kya Kyala. Uko ko katikati kotalusya. Ngimba Yeso akāyobile, “Bingi bisakwima mu lisiku lila nukuyoba, ‘Ntwa, ngimba une ngabopesya imisetano mu Ngamu Yāko? Ngimba une ngasolola (ngalumbilila) mu Ngamu Yako? Ngimba une ngabomba imbombo nyingi isyamaka mu Ngamu Yako?’” Yeso alinkuti, “Sokapo ukufuma pa Une, mwe babomba butulwanongwa, Une siku ngabamenyemo umwe.” Bule apo?

196 Apa po katikati iki ikylene kikusanusya apa. Muketile? Abene bagonjilēmo ifula innunu ukufuma ku Mwanya. Lōli ukwānda itolo, abēne bāli basobi. Ukwānda itolo ifūndo syābo sikāli ndalusye mma; ifyakulōnda fyābo fikāli fitalusye. Ikyo, ugwe ukabagila ukuyoba. I. . . Umwe mumenye, mu mfunjo umwene āyobīle, “Ngimba une ngusōkaga panja nukwīpila fyosa ifyene panja?”

197 Umwēne alinkuti, “Baleka abēne bayege palikimo, kangi ku lisiku lila imifwa ni mitula fisakōkigwa palikimo, kangi i ngano yisakubūka ku ndāmba.” Lilino, ugwe kumanyaga bulebule ugu go mwifwa, pamo ugu go ntulatula, pamo iki kyo ngano? “Ni fipaso fyabo ugwe gwisakubamanya abene.” Umwe muketile, nkundwe, kalumbu, umpiki unnunu akabagila ukutwala panja ifipaso ifinyali. Kisita kupasya, pa buyobumo mu nsebwe, ikylene kikufyukaga mmwanya na ugwe. Popāpo, ugwe kulōndēsya ulōsyō lwa Mbepo Mwikemo. . . Une ne nsangalufu aligwesa uyu āsīmīle ikyo. Muketile?

198 Lilino, bala abitiki bamumpaka kunyuma kula, abēne bāli palapala na bēne. Abēne babūtīgwe nu bubūtīgwe bwābo. Abēne babukile kulakula ku kisu iki Kyala āfingīle, kulakula ku lugēnge lwa ikylene. U nnyāmbāla yumo ikwēnda kula ku lwēmbe lula. Umwēne isakwēnda itolo mmwanya ku lōsyō

Iwa Mbepo Mwikemo nukukāna ikyēne. Umwēne atikulōnda ukukipa ikyēne mōsa. Umwene isakusegelela kulakula ku losyo lwa Lisimbo mu Ngamu ya Yeso Kristi, nukusanusya inyuma yake, nukupika ikyēne ukwīkyūnga ukufuma kukikēta ikyēne.

¹⁹⁹ Likayapo nalimo i Lisimbo limolyene mwi Bangeli lyosa kūko yumo aligwesa alyōsigwémo siku mu ngamu ya Tāta, Mwanundumiana, Mbepo Mwikemo, komma i Lisimbo limolyene. I kipanga kya Katolika kyālyāndile ulwēne, ukusōka pānja mwa Luteri, ukusuluka mwa Wesley, kangi lwīkwābile nkyēni ukukīnda ukwisa apa. Uko ko katikati kotalusya. Lōli ulubātiko lwa Mmasimbo lo Ngamu ya Ntwa Yeso Kristi. Ulo lo lōsyo lwa batumigwa. Ugwe ukabagila ukubomba ikyo nukwitugasya mu kipanga-kipāgūke. Uko ko kotalusya.

²⁰⁰ Lilino, umwe mukukēta ifindu ifyo? Ulosyo lwa Mbepo Mwikemo, ifikungilwa fya Mbepo, ifindu ifi Kyala ikutwala panja. . . Ikipaso kya Mbepo yo lugano, buhofu, ukukubilwa-kutali (o, ugwe kuyoba, “Loli Nkundwe Branham, saya Kyala, une ngubilwe-butali.” Ikyēne kikuboneka ngati ikyēne. Une ndinkubūka ku Ohio apa pakaya patali mma, kangi umunduyumo ālindalusisye une, āsīmbole u kalata pāsi apa nukundālūsya une linga une nālyōsisye abāndu mu Ngamu ya Yeso Kristi. Une ngayobilemo i lisyu limo siku. Abēne bākyāgēne ikyēne mulimōsa, kangi abalūmbilili kalongo-nantandatu aba twapilikisaniaga balinkubopa. Uko ko kukubilwa-katali bule ikyēne!)—ukukibilwa-katali, ubununu, ubololo, ubununu, ubutengamoyo, kangi u Mbepo Mwikemo. Muketile?

²⁰¹ O, nkundwe, kalumbu, uswe tuli—uswe tuli pa Kadesh-baraneya. Ugwe kōnja lilino. Nkilo u Mbepo Mwikemo āgwīle pa uswe, ukwisa mwa uswe, nkati bo u mbelo ugwabubopabopabopa. Ikyene kilinkusengama pa bingi ba umwe. Umwīsyugu abalūmbilili bāyātīlāga utwāya apa na apo, ukwāla pamwanya ifiboko nukubīputila abēne aba bikulōndalōnda Mbepo Mwikēmo. Komma ugwe ukwēga ikyakupyanyikisyapo. Komma ugwe ukwēga uluko lumo lwa njwēgo. Komma ugwe ukwēga u luko lumo lwa kwīpilika. Ugwe gūlila pala mpaka Kyala akubūmbile ugwe nukukupela ugwe ukuya kipelīgwa ikipyā, kikutendekigwa ugwe ukuya mūndu umpya. Ugwe kōnja Ikyēne lilino, itolo ukōnja Ikyēne, lōli unko i Ngungubiya yikulōngolele ugwe kulakula ku mēsa, kangi—kangi Kang’osi ni Ngungubiya bitugesye pasi palikimo, nu kuya nu lusekelo kwa bwilanabwila pa Lisyu lya Kyala. Kabuno Ilyene lisakwima akabalilo kako kukayako kumwanya pamo ikisu; i Lisyu lya Kyala lisakusyalaga. Ikyo kyo kyabwanaloli.

²⁰² Ngulamba komma ukwīnogona ukuti une ndi gwafigili. Linga une njīle, une ngasanwisye ukuya. Linga une. . . Une ngusūbila une nāmwlle amalālusyo aga; une mbōmbile, kubunu-ukukīnda kwa bumanyi bwāngu.

203 Kangi polelo, mu Bahiburi 6, linga ugwe kwisakukêta, Pauli ikuyoba ku Bahiburi ukuti âyobîle, “Ena, uswe tukubukaga nkyeni na ugwe kubutali fiyo.” Abene bikwisaga kuno. Umwe muketile? Alinkuti, “Lilino, ugwe uli . . .” Bala aba bikwisa pala kangi bagonjîle.

204 Une nalyagîgwe itolo ngukêta kunyuma ku liyũmba. Ukunângisya umwe ubukêti bwa Kyalala Gwabũmi. Une ngusũbila ndikupela u mũndu uyu ukubonekela. Une nisile nkati ukufuma ku lukomano pakaya patali mma, nukwisa kuno, nukufumunya kwa umwe ukuti umwinangu unnunu, ugwapanimwene unnine gwa une, u mfwima palikimo, u nnyãmbàla uyu âli nnunu kwa une, u nnyãmbàla uyu âli ku kipãnga kyãngu, kangi âli nkundwe gwangu; une nalinkolîle umwene Busty. Ingamu yake yo Everett Rogers; itugasyàga mu Milltown. Balinga bikukumbukila une ngwisa apa ukufumunya ikylene? Umwene âlambalalága apa nkipatala; abagãnga balipãnjile pa umwene, ukumwîgũla umwene lôsa, kangi fiyo iswîle na kansa abene balinkunsona umwene lôsa. Balinkuti, “Umwene isakusimilila itolo ukubũka; mwilungu iminandi umwene isakuyaga akîndile; ikyo kisakuyaga kyôsa kisakuyaga ku kyêne. Umwene isakumalisigwa, ikyo kyo kyôsa.”

205 Umwe mukukumbukila mũmo une nimege apa pa kigemo, ukwiputula umwene? Nabũkile ukusuluka kula kangi nãbũkile nkyũmba, ikindukimo kikulya mu ndumbula yãngu. Une ndinkwîngila mu kyũmba, kangi mbibimbibi mũmo une nabasôsisye aligwêsa panja ukuti une nãbagile. . . Nkundwe Everett âlambalèle pala. Kangi umwe mwisakukumbukila iki. Une ndinkwîngila; une ndinkuti, “Nkundwe—Nkundwe Busty.” (Une nãlinkolîle umwene Busty.)

206 Lululu ulu akabalilo kako uswe twayaga ni ngomano sya fitembe kukusuluka kula, bôsa bala aba kiMethodisti kunyuma kula pa kãmba (Gertie, yumo mwa bêne), bikuselemukila ukusyũngutila, bikutêndèla ukwisila mu kitembe kya mipesa ukukêta iki une nayaga pakuyoba, kangi ngati kila, bikutîla ukuti i kipãnga kya Methodisti kisa kubasôsyãmo-nkipãnga abene. Kangi polelo, une ndinkubũka kangi nãli ni mboniboni pala, kangi une ndinkuyibona i nyama yôsa yilindikîgwe mu kikopo. Une ndinkukôla ikipãmbô kya nswi nukusitũngãnia isyene, ukusibîka—ukusibîka isyêne pa milisi igi, kangi une ndinkupinya imilisi palikimo. Kangi akabalilo kãko une nãkêtile. . . Kangi ikyêne kyãli môsa mu mboniboni; une nãbalekile—nãbalekile i kipãmbô kya bãndu bîmile pãsi pa kitembe kya milala ikilo kila nukubuka pa mwanya pa kãmba pa Nkundwe Wright. Kangi abene balinkutoligwa nukunyãga une ulubunju lwa kilabo. Une ndinkuti, “Komma nayumo gwa umwe. . .”

207 Akabalilo kako une nimege pala ukulumbilila, apa pikwisa u Lumuli lula; i Mbanda ya Moto yila yãlitulike papapa

apa pankyeni pa une nukuti, “Sōkapo apa nukubūka ku matengele; une nisakuyobaga kwa umwe.” Ilyene lyali lisiku lilalila, ilisiku ilinine akabalilo kako abene bānyāgège une pa kām̄ba. Kangi une nāli kumwanya kula; une ndinkufisaga iligali lyangu mu lisu, kangi nafumile pakuya pamwanya pa kyāmba ngwīpūta ikilo kyōsa kangi lyōsa ilisiku ilikōnge. Bāmo ba bēne bikwīsa pamwanya pala, balyāgile iligali kangi balinkwīsa pamwanya pala. . . Lila lyaali lisiku ili Nkundwe Graham Snelling, apa, aalimmwambilile Mbepo Mwikemo kangi ubukolele mu butumigwe.

208 Pamwanya pala pa lubafu lwa kām̄ba kūko une nāfumile pakulāmbala kula, kangi Umwēne—Umwēne ālimbūlīle une ifindu ifikīndāne ukubōmba na iki ubuyobesano uswe twāfumile ukuya nabo palikimo. Umwēne āpēle i mboniboni iya kukēta iswi isi sitūngigwe mōsa, kilinkuti, “Iki kyo kipānga kyāko kya ku Milltown.”

Kangi bana pamo bahano ba bēne balinkusatukamo; kangi une ndinkuti, “Yo ywāni yula?”

Alinkuti, “Yumo mwa bēne yo Guy Spencer nu nkasi gwāke. U yūngi yula yo u yūngi Spencer pala, na bābo.” Kangi Umwēne ālimbūlīle abakīndāne bala, iki kyayaga pakusatukamo.

209 Une nābabūlīle abēne; une ndinkuti, “Komma nayumo gwa umwe ukulya.” Unkasi gwāngu na une ngāli. . . Ikyēne kyāli bo uswe tukāli ukwēgana; kangi umwene alinkubuka ku kāya ukwītugasya ikilo kyosa na Kalumbu Spencer, u nkikulu unsangalusye. Unnyāmbāla unsāngalusye, Guy Spencer yo itolo yo nūnu u nyāmbala bo īmīle mu kilato kya kipapa. Kangi umwene—kangi umwene ābukile pāsi pala, kangi Opal alinkuti, “Lilino, kēta. . .” Kwa Meda, umwene alinkuti, “Lilino, Meda, Une ngwitika Nkundwe Bill.” Umwene alinkuti, “Loli akabalilo kako Opal ikuya ni njala, umwene ikufimbilisigwa ukuya na nyama ya ngulube na mafumbi.” Popāpo umwēne ikubūka ukukilania kula, nukwakukalanga iyāke inyama ya ngulube na mafumbi, nukwītugasya pāsi ukulya ifyēne, nukwānda ukuyoba u lusayo, nukwigēmekesya ukukilania ku mēsa, ikukūta, ikutoligwa ukupalamasya ikyēne. Polelo abēne bikwīsa ukufwīma.

210 Kangi pamwanya pala pa kām̄ba ilisiku lila, Umwene ālimbūlīle une katikati iki kikubonekaga. Umwene alinkuti, “Aba bisakusōkapo, kangi polelo aba bisakusōkāpo.” Lōli Umwēne āli ni kipāmbō ikinywāmu ikya nyama yankitini. Umwēne alinkuti, “Kyūnga iki kuli bubōmbelambombo bwankyēni kuli abāndu ba ku Milltown.” Kangi ikilo kimo akabalilo kako une nāpilike u Nkundwe Creech. . . Umwene ālitugesye apa ikilo kya mmayolo. Une ndiku. . . Nkundwe Creech, ngimba ugwe uli muno ikilo iki? Akabalilo kāko Nkundwe Creech ikwīsa kwa une, ālingōlīle une mōsa, kangi

Kalumbu Creech, ikukûta; u gwîse âlambaléle pala. Alinkuti, “Nkundwe Bill, komma ukumbula umwene. Umwene ikufwa.” Alinkuti, “Umwêne aligwe na kansa; abagānga bālimmwīgwīle umwēne lōsa, kangi umwēne yo itolo isusīgwe na kansa mūmo umwēne abagile ukuya.” Kangi Will Hall (kangi mwesa ba umwe mukukumbukila umwene), akabalilo kako u dokotala yulayula ālimmwīgwīle umwene kangi umwene ālisusīgwe na kansa . . . Une ndinkwānda ukubuka ku kufwima abālukoti ulubunju lula, kangi une ndinkubabona aba apulo batulikigwe nkyumba. (Umwe mukukumbukila akapango kala ka icyene?) Kangi pala u nnyāmbāla yula mūmi umwīsyūgu. Ikyo kifumile pakuya fīnja ifi fikīndilepo. Umwēne na Nkundwe Busty bāli bīnake.

²¹¹ Kangi une ndinkubuka kula ku kipatala, nkipatala ikipya (une ngwībwa iki abēne bikukikōléla icyēne, panja pala mu New Albany) kipatala ikipya. Kangi une ndinkubuka kula ukwakumbona Busty; kangi akabalilo kako une nābukile nkyumba, une ndinkuti, “Nkundwe Busty.”

Umwene alinkuti, “Nkundwe Bill.” Ikukamata ikiboko kyāngu nu luponio ulunywamu ulwaiyolo lula; umfumakubwīte bwa Bwīte Bwākwānda Bwakisukyosa, kisita kuyoba ubwēne mu kuyapo kwāke, lōli itolo ukuya nnumu i ndūmbula bo mūmo yitikilemo siku pasi pa shati ya bluu. Umwēne alinkwēga ubukolelele bwa kiboko kyāngu. Une njīlèmo mu nyumba yāke; ndīlèmo mu nyumba yāke; ngonilèmo mu nyumba yāke, itolo bo une nāli nkundwe gwāke. Abanike bake na bosa, uswe tuli itolo— itolo bakundwe lilopa ngati. Unnyambala unnumu.

²¹² Kangi umwene . . . Loli umwene akālisilèmo siku nu Ntwa unsolofu. Umwene . . . Une nālimmosīsyē umwene mu Ngamu ya Yeso Kristi. Loli ilisiku lila akabalilo kako undumbilili gwa ki Methodisti aayobile, “Aligwesa uyu ōsigwe mu Ngamu ya Yeso Kristi, soka panja ukufuma pasi pa kihēma kyangu.” Ikyo kyali kanunu. George Wright na bala balyepwike panja. Pamusi pala une ndinkubuka pasi pala ukōsya mu Ngamu ya Yeso Kristi ku Totten Ford. Ikilundilo kyāke kyōsa kilinkwēnda mmisi kangi kyalyōsīgwe mu Ngamu ya Yeso Kristi. Popāpo une itolo nākīndilile. Kila kyāli kinunu. Kyala ayege kuli ugwe, ywāni abagile ukulwāna na ugwe? Une ngamanya na pāpo u nnyāmbāla yūla ābūkīle, iki kyābonike ku mwēne.

²¹³ Lōli, une ndinkwingila nkipatala. Pala ālipo Busty alāmbalele pala fiyo isusīgwe na kansa, abagāngi balinkutoligwa na kōpe, bakabōmbīle nakimo lōli itolo ukunsona umwēne ukugomokesya palikimo. Busty āyobile kwa une; umwene alinkuti, “Nkundwe Bill, iki kyo panongwa ya bwigane bumo. Ikindukimo kyabonike.”

Une ndinkuti, “Ena, Busty.” Ndinkwanda ukwipilika u Mbepo yula bo gula umbelo ugwakubopabopa une mfumile pakuyobapo, umwe mumenye, ukwisa.

Umwene alinkuti...Akabalilo kako une nendile nkati muno, kyālipo ikipingafula mu nguto yila, yīmīle mu nguto yila. I kipingafula kyo lwītīkāno; u lwītīkāno lwa Kyala. Kyala ātēndīke u lwītīkāno na une pa kyāmba kila ilisiku lila. Ukubīka amaboko gāngu pamwanya pa Nkundwe Busty nukummwiputila umwene.

Abagānga bikuti, “Umwēne isakusimililaga ukubūka. Umwēne itolo isakubūkaga pāsi. Kikayapo nakimo ikyakubomba...Umwene isakubukaga itolo mmasiku manandi.” Kangi Busty Rogers...Gila gyo gifumile ukuya milungu ni milungu ni milungu igi gikīndīle, kangi Busty Rogers, itūgēsye kulakula kunyuma apa nkipānga ikilo iki, gwabukafu kangi gwambili bo mūmo une ngetilemo siku umwēne ikubonekela mbūmi bwāngu. Imilila mmwanya, Nkundwe Busty. Pala umwene alipo. Unko uswe tumpe Kyala ulutufyo, aligwesa.

Abēne bābūngēne nkyūmba kyapamwanya,
Bōsa bīputaga mu Ngamu Yake.
Balyosigwe nu Mbepo Mwikemo,
Kangi amaka ga bubōmbélo galinkwīsa.
Lilino, iki Umwene ābombile ku bene ilisiku
lila
Umwēne isakubōmbela ugwe kilakila.
Une nhobwike fiyo ukuti une mbagile ukuyoba
une ndi yumo gwa bene.

Une ndi yumo mwa bēne, yumo mwa bēne,
Une nhobwike fiyo ukuti une mbagile ukuyoba
une ndi yumo gwa bene; (Aleluya!)
Yimo mwa isyēne, une ndi yumo mwa bēne,
Une nhobwike fiyo ukuti une mbagile ukuyoba
une ndi yumo gwa bene.

Palema nalinga abāndu aba lumo
batisfakwiyobela ukuya,
Pamo ukwītūfyā isya bufumuke bwankisu,
Abēne bōsa balyāmbilīle Pentekosti gwābo,
Bōsigwe mu Ngamu ya Yeso;
Kangi abēne bikubūla lilino kosa-kubili
kubutali kangi mbupāpate,
A maka Gāke gakālī galagala.
Une nhobwike fiyo ukuti une mbagile ukuyoba
une ndi yumo gwa bene.

Une ndi yumo mwa bēne, une ndi yumo gwa
bēne,
Une nhobwike fiyo ukuti une mbagile ukuyoba
Une ndi yumo gwa bene; (Aleluya!)

Yimo mwa bēne, une ndi yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

Lilino, isaga, nkundwe gwangu, londesya
 ulusayo ulu

Ulo lwisa kusukaga indumbula yako ukufuma
 ku butulwanongwa,
 Ulu lwisa kwānda amabāngàla gabuhobofu
 ukukuba

Kangi lwisakukyūnga u moyo gwāko pa lulapi;
 O, ikylene kikupya lilino mu ndumbula yangu,
 O, lwīmiko ku Ngamu Yāke,
 Une nhobwike fiyo ukuti une mbagile ukuyoba
 une ndi yumo gwa bene.

Unko uswe twīmbe ulwēne!

O, yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene; (Aleluya!)

Yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

Balinga ngimba bali yumo mwa bēne? Fyusya ifiboko fyinu.
 O, mwe! O, mūmo une njilile ukuhoboka une ndi yumo gwa bēne!

Yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene; (Aleluya!)

Yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

Abēne bābūngéne mu kyūmba kyapamwanya
 kila,

Bōsa bīpūtaga mu Ngamu Yake,
 Abene bālyosigwe nu Mbepo Mwikemo,
 Polelo a maka ga bubōmbelo galinkwisa;
 Lilino, iki Umwene ābombile ku bene ilisiku
 lila

Umwēne isakubōmbela kuli ugwe kilakila,
 Une nhobwike fiyo ukuti une mbagile ukuyoba
 une ndi yumo gwa bene.

O, yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene; (Aleluya!)

Yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

Lilino, akabalilo kako uswe tukwimba ulukobelo lula kangi,
 une ngulonda aligwesa gwa umwe ukusanuka ukusyungutila,

nukuponia amaboko nu munduyumo kifuki na ugwe, nukuyoba,
 “Ngimba ugwe uli yumo gwa bēne?” Muketile? Umma ndaga.

O, yumo mwa bene, (Une mmenye ugwe guli,
 Nkundwe Neville. Une mmenye ugwe guli,
 Nkundwe Capps. Une mmenye ugwe guli.
 Une mmenye ugwe guli . . . ? . . .)
 . . . Une ndi yumo gwa bēne;
 O, yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

²¹⁴ O, ngimba umwe mukahoboka umwe muli yumo mwa bēne?
 Balinga bikulonda ukuya yumo? Fyusya ikiboko kyako. Umma
 ndaga. Lilino, une ngwĩmbaga iki kuli umwe:

Polelo isaga nkundwe gwangu, lōndesya
 ulusayo ulu
 Ulo lwisa kusukaga indumbula yako ukufuma
 ku butulwanongwa,
 Ulo lwisa kwānda amabāngāla ga buhobofu
 ukukuba,
 Kangi lwisakukyūnga u moyo gwāko pa lulapi;
 O, ikyēne kikwāka lilino pāsī mu ndumbula
 yāngu,
 O, lwīmiko ku Ngamu Yāke,
 Une nhobwike fiyo ukuti une mbagile ukuyoba
 une ndi yumo gwa bene.
 O, yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene; (Aleluya!)
 Yimo mwa isyēne, une ndi yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

²¹⁵ Kumbukaga yo ndindwana unnini yula āyobile kwa Peteri,
 “Ngimba ugwe ukaya yumo gwa bēne?” Une nhobwike fiyo, bule
 ugwe? Umwe mumenye, Peteri āyobile pa lisiku lya Pentekosti,
 “Iki kyo Kila!” Lilino, une bwila njobile, “Linga *Iki* kikaya *Kila*
 mma, une nhobwike une ndinakyo *Iki*, ukugūlila *Kila* ukwisa.”
 Uko ko kotalusya. Une nhobwike isya *Iki*.

Kabuno une ndi yumo gwa bēne, une ndi yumo
 mwa bēne
 Une nhobwike fiyo ukuti une mbagile ukuyoba
 une ndi yumo gwa bene;
 O, yumo mwa bēne, yumo mwa bēne,
 Une nhobwike fiyo ukuti une mbagile ukuyoba
 une ndi yumo gwa bene.

²¹⁶ O, ngimba iki kikaya kinyafu, twitugesye palikimo mabuyo
 Gammwanyamwanya mwa Kristi Yeso, ukulīlania na Mbepo,
 ukulīlanila pa Lisyu, ukuyoba isya findu ifinunu ukwisa. Ikyene

kyo kinunu fiyo. Une nhobwike fiyo ukumanya ikyo, bule umwe? Ngimba umwe mukaya bahobofu umwe muli Bakristi? Ngimba umwe mukaya bahobofu imbibi syinu sili pasi pa Lilopa? Umwene ikwisaga limo mwa masiku aga, kangi uswe tukubukaga nu Mwene. Polelo inogona, bosa u bukangale bwisakugwila pasi ukufum kwa uswe; bosa ububine, syosa i ngubilwo, bosa ubumi bwakufwa bwisa kwanduka. O, mwe! Une mbagile itolo ukwinogona isya bakundwe baiyolo aba balimile apa. Une ngukumbukila... Balinga bikukumbukila Rabbi Lawson? Mwe, kifuki mwesa ba umwe. Une mbagile ukumbona umwene ikutulika lula ulwaiyolo ululasi papapa apa. Kangi une nitugasyaga kunyuma kula. Umwene ikwimba ulusumo ulunini ulu... (Itolo i miniti Teddy, nkundwe.) Une ngugelaga, ngete linga une mbagile ukukaga akimbilo lwa ulwene. Une ngamanya.

Kula kukungulila une u kilabo ugwabuhobofu,
Kuko ifipata fya mabwe'mapala fikwiguka
nubupapate,
Kangi akabalilo kako une ngukilania injila iyi
iya busulumanie,
Une ngutusyaga pa Lubafu ulungi.

Ilisiku limo ukukinda ubufike bwa bumanyi
bwakufwa,
Ilisiku limo, Kyala yo mwene amenye ukuti
poki pamo ndili,
Amaguudumu ga bumi ubwakufwa
bwisakwima kimyemye,
Polelo une ngubukaga ukwakwitugala pa
kyamba kya Siyoni. (Ena.)

²¹⁷ Amagudumu amanini aga gago gikusyumbutuka mwa uswe— keta, gonja, palamasya, nungisya, kangi pilika, ifyakwipilikisya ifinini ifi kangi amagudumu aga gikusyumbutuka mu bumi bwakufwa ubu, ilisiku limo agene gisakwima kimyemye. Polelo une, nimwene, kangi ugwe, uswe tukubukaga ukwitugala pa kyamba kya Siyoni. O, une nkiganiile ikyo, bule umwe? Tumenye uswe tuli nu busisimikisye ubusayigwa bula. Umma ndaga. Balinga bamenye ulwimbo lwitu ulwaiyolo ulwakosya? Lilino, uswe tukwandusyaga ikyo. Unko uswe twege ulwimbo lwitu ulwakusatila:

Ega i Ngamu ya Yesu na ugwe
Mwana wa busulumanie ni soka;
Iyene ubuhofu nu lusubisyo yisakukupaga,
Ega Iyene kulikosa ugwe kubuka.

²¹⁸ Ega i Ngamu ya Yeso na ugwe. Bomba itolo ikyo, mumo ugwe kubuka. Umma ndaga, mosa palikimo lilino. Komma ukwibwa, pa sala ya lwele ndubunju amakadi ga lwiputo gisakuyabanigwaga kuli u lukomano. Ulukomano lukwanda

pa sala ya buhano-na-buna-na-sinda. Une nisakulumbililaga pa kalongo. Ububōmbelo bwa lwīputil'ababine bwisa kwānda kifuki isala ya kalongo-na-yimi.

²¹⁹ Kilābo pamūsi, kilābo namayolo kwīsakuyaga ngako i ndumi ya lupīnduko ku kipānga. Kangi kilabo nkilo, mwesa umwe mwe mupindwike ukufuma ku mbībi syinu kangi mukōsigwamo siku, pisakuyapo . . . ikitubwi kisakwīgūka; uswe twisakukōsyāga abāndu mu Ngamu ya Ntwa Yeso Kristi.

²²⁰ Aligwesa palikimo lilino, akabalilo kako uswe tukwimba pa mwanya pa masyu gitu. Nkundwe Busty, ugwe ukamanya mūmo une nhobokīle kangi gwakupālisya kwa Kyala. Umwe mumenye, umwene ābūkile kula ku ngānga. Kangi abene bikumbula une u dokotala alinkunketa umwene, kangi itolo akāménye ikyakwīnogōna. Umwene akālitike ikyene āli yo miana yulayula. O, ikyene kyo kikaya kyakubutitu iki Kyala abagīle ukubomba. Ngimba uko kukaya ko kotalusya? Umma ndaga.

Ega i Ngamu . . .

Kuba iyēne pānja!

. . .na ugwe,
Mwana wa busulumanie ni soka;
Iyene ubuhofu nu ubusūbisi yisakukupaga
ugwe,
Lilino, ega Iyēne kulikōsa ugwe kubūka.
Ngamu Imbala, (Ngamu Imbala!) O yo
nyafunki!
Lusubilo lwa kisu kangi buhofu bwa
Kumwanya;
Ngamu Imbala, (O, Ngamu imbala!) O bunyafu
buki!
Lusubilo lwa kisu kangi buhofu bwa
Kumwanya.

²²¹ Umma ndaga. Une ngusanusyila u lukomano lilino ku ntimi. Umwene isakuyaga na masyu gamo, pamo ukuyoba kuli yumo ukusātisya uswe, kilikuyōsa kili pa linogonela lyāke.



MALĀLŪSYO NA MĀMULO PA MBEPO MWĪKĒMO KYA59-1219
(Questions and Answers on the Holy Ghost)

KAYĪLO, LUBATIKO NI KIMANYISYO KYA KIPĀNGA IMBĀTIKĀNO

Ubulumbilili ubu butwaligwe nu Nkundwe William Marrison Branham, ubu pakwanda bwatwaligwe nki Ngereza pa Mpyagilo namayolo, Disembala 19, 1959, ku Branhama Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org